

宋晁公武郡齋讀書後志史評類兩漢博聞十二卷  
楊侃纂景德中侃讀兩漢書取其中名數而儒解  
釋為此書以資涉獵者侃嘗編職米矣以此其類也  
侃錢唐人端拱中進士官至集賢院學士晚知制誥  
避真宗諱易名大雅是本明黃魯曾嘉靖三十七年  
刊本有魯曾序而書中未標撰人名氏何殊編之甚  
也

同治乙丑三月十六日東山館于奉天學府



刻兩漢博聞序

自狂秦書儒之禍而三代之文  
不覽者多矣漢興如隋何魯兩  
生輩或者亦赫坑子遺之子未可  
謂之弘雅也厥後陳農求遺書於  
天下而未火者出焉蓋異於孔壁  
之所藏有所槩限者矣由是人漸  
以傳習文始向盛如司馬遷之史記



NATIONAL CENTRAL LIBRARY, TAIWAN, R.O.C.

太煩心於勤敏播迹於勞瘁以成之  
而兩漢書則又有所因述採輯頗易  
其間註什訓詁不獲盡遍近古載  
籍莫過於兩漢書也而訛繆弗  
考形似弗辨則何以下淫於羣編  
耶韓子所謂記事者必提其要纂  
言者必鈎其玄宋雋之意以為讀  
書者讀其實而已其浮泛游移

之辭奚足為尚此兩漢博聞之  
不可以或少也予劣學瑣尾促狹  
習奔時之業遵俗師之課而辟  
充螢燭注精於漢書博聞一書  
未之快日晚歲方遇錄本驚嘆曰  
初讀漢書之年而以此備參考  
決疑貳何其詔豕以微哉今稟  
頽之甚欲再循其次如少齡氣銳



NATIONAL CENTRAL LIBRARY TAIWAN, R.O.C.

之時不能一強逮矣乃思立達者  
天下之公開鑿者先民之哲急  
用鑿諸梓以為讀漢書者之啓鑰  
庶乎不坐豕弊挾其聰明恢拓  
其智慮俾學者俱為弘儒則有  
作必敷國華有言必為垂道且有  
以迥絕乎不根之陋語移責乎非  
古之織家而今一時任俗率狼戾

離披見此書者是猶覲南威而匿  
鬼貌覩尚織而毀牛衣矣何則有  
天降之人斯有天發之言有天發  
之言斯有天成之文莫非模諸古  
而濟之以才出諸心而緯之以思講  
諸類而達之以神其月更而歲不  
同者自爾焯然蔚然揆天章而  
炳地理非由妄以綴之虛以屬之

也此又不可以容譏喙肆哂類焉  
噫鄭賢記世并討論之長左史  
稱子產博雅之學其不異於此  
書乎

嘉靖戊午元日黃魯曾撰

兩漢博聞卷第一

前漢

目錄

北闕

鳳闕

漸臺  
井幹

麒麟閣

靈旗

鍾虞

通權火

承露盤

尸解

陳倉寶雞

北第

東第

甲舍

柱下方書

計相

莫府

部曲

部校

票姚校尉



金人

鑿兵

部刺史

郡守尉

李法

甲乙帳

綺紈

毅騎

滿籬

丞相更春乃封

上尊酒

慮囚

褒衣博帶

櫺具劍

具獄

躡履

借前箸

儋石之祿

雋永

赤松子

黃石書

金匱之計

五宗

紬書

臧獲

土刑

間使

鑿空

叩竹杖

黃金上幣

以斤名金

牢盆

宣室

大鈞

泉布

泰半之賦

閭左

九府圜法

黃頭郎

破觥為圜

椎埋

喉咽

符節臺

結髮

戈船

旁午

梓宮

輶輶車

廟勝

鞞瘞

蒲輪

索息

左遷

木強

掖門

瓦合之卒

醞藉

推轂

肺附

除吏

關說

揚摧

武庫兵

建鼓

不訾之軀

次骨

睚眦

柄臣

堂皇

伏質

四方斬馬劍

輶傳

條對

九九

魁柄

文石陛

赤

法坐

珠璣

印章數五

篇

殿

臥廬

奏廁

三壘

行內

靈壽杖

青蒲

移病

管惑

印鞞

重足一迹

擊劍

筆札

校獵

國家圖書館 國家中央圖書館 TAIWAN, R.O.C.

六玉蚪

扈從 四枝

垂堂

行祖

白屋

羽林 孤兒

猶豫

平寧 二年

除任子令

名田

琬題

并間 平慮

駮駮

明堂

卞射武戲

待詔 滿刻



國家圖書館, NATIONAL CENTRAL LIBRARY, TAIWAN, R.O.C.



兩漢博文卷第一

北闕 高帝紀

七年上至長安蕭何治未央宮立東闕  
北闕前殿武庫太倉

師古曰未央宮雖南嚮而尚書奏事  
謁見之徒皆詣北闕公車司馬亦在  
此焉是則以北闕爲正門而又有東  
門東闕至於西南兩面無門闕矣蓋

蕭何初立未央宮以厭勝之術理宜然乎

鳳闕

漸臺

井幹

郊祀志五下

栢梁災粵人勇之廼言曰粵俗有火災復起屋必以大用勝照之於是作建章宮其東則鳳闕高二十餘丈其西則商中數千里北治大池漸臺高二十餘丈名曰泰液南立神明臺井幹樓高五十

丈輦道相屬焉

師古曰勇之粵人名也鳳闕三輔故事云其闕闕上有銅鳳凰卽金雀也如淳曰商中商庭也師古曰商金也於序在秋故謂西方之庭爲商庭言廣數十里漸臺漸浸也臺在池中爲水所浸故曰漸臺一音子廉反

楊雄田獵

賦云漸臺泰液注云漸臺在泰液池中

漢宮閣䟽云神

明臺高五十丈上有九室恒置九天  
道士百人然則神明并幹俱高五十  
丈也并幹者井上木欄也其形或四  
角或八角張衡西京賦云并幹疊而  
百層卽謂此樓也幹或作翰其義並  
同

麒麟閣

蘇武傳二十四

甘露三年單于始入朝上思股肱之美

廼圖畫其人於麒麟閣

張晏曰武帝獲麒麟時作此閣圖畫  
其象於閣遂以爲名師古曰漢宮閣  
䟽云蕭何造

靈旗

楊雄傳五十七上

雄奏甘泉賦曰樹靈旗

李奇曰欲伐南越告祈太一畫旗樹  
太一壇上名靈旗以指所伐之國也

鐘虞

郊祀志五下

甘露元年建章長樂鐘虞銅人皆生毛長一寸許時以爲美祥

師古曰虞神獸名也縣鐘之木刻飾

爲之名曰虞也

一曰鐘鼓之附飾爲此獸

通權火

郊祀志五上

上宿郊見通權火

張晏曰權火燄火也狀若并潔臯矣

其法類稱故謂之權火欲令光明遠照通於祀所也漢祀五時於雍五十里一燄火如淳曰權舉也師古曰凡祭祀通舉火者或以天子不親至祠所而望拜或以衆祠各處欲其一時薦饗宜知早晏故以火爲之節度也他皆類此

承露盤

郊祀志五上

武帝作栢梁銅柱承露僊人掌之屬

蘇林曰仙人以手掌擎盤承甘露師古曰三輔故事云建章宮承露盤高二十丈大七圍以銅爲之上有僊人掌承露和玉屑飲之蓋張衡西京賦所云立修莖之仙掌承雲表之清露屑瓊藥以朝餐必性命之可度也

尸解

郊祀志五上

後漢王直傳七十二

燕人爲方僊道形解銷化

服虔曰尸解也張晏曰人老而解去故骨如變化也今山中有龍骨世人謂之龍解骨化去應劭曰列仙傳曰崔文子學仙於王子喬王子喬化爲白蜺文子驚引戈擊之俯而見之王子喬之尸也須臾則爲大鳥飛而去師古曰服張二說是也又後漢書注

云尸解者言將登仙假託爲尸以解化也

陳倉寶鷄

郊祀志五上

揚雄傳五十七

秦文公獲若石云于陳倉北阪城祠之其神或歲不至或歲數來也常以夜光輝若流星從東方來集于祠城若雄雉其聲殷殷云野鷄夜鳴以一牢祠之名陳寶祠

蘇林曰質如石似肝師古曰陳倉之北阪上城中也云語辭也殷殷聲也云傳聲之亂也野鷄亦雉也言陳寶若來而有聲則野鷄皆鳴以應上言雄雉下言野鷄史駁文也臣瓚曰陳倉縣有寶夫人祠或一歲二歲與葉君合葉君神來時天爲之殷殷雷聲雉爲之雉

楊雄校獵賦云罕車飛揚武騎聿皇蹈  
飛豹追天寶應駢聲擊流光埜盡山窮  
囊括其雌雄

師古曰罕車畢罕之車也聿皇疾貌  
應劭曰天寶陳寶也晉灼曰天寶鷄  
頭而人身如淳曰陳寶神來下時駢  
然有聲又有光精也應劭曰下時窮  
極山川天地之間然後得其雌雄也

師古曰雄在陳倉雌在南陽也故云  
野盡山窮也駢昔普萌反

北第

夏侯嬰傳十一

惠帝賜夏侯嬰北第

師古曰北第者近北闕之第嬰最第  
一也故張衡賦云北闕甲第當道直  
啓

東第

司馬相如傳二十七下

司馬相如喻蜀文曰邊郡之士急國家之難而樂盡人臣之道也故有剖符之封析圭而爵位為通侯居列東第

師古曰東第甲宅也居帝城之東故曰東第也

甲舍 胡建傳三十七

射甲舍門

師古曰甲舍即甲第也

下方書 張蒼傳十三

張蒼秦時為御史主柱下方書

如淳曰方板也謂事事在板上者也秦置柱下史蒼為御史主其事或曰主四方文書也師古曰居殿柱之下若今侍立御史也

計相 張蒼傳

張蒼封北平侯遷為計相一月更以列



侯為主計四歲是時蕭何為相國而蒼  
乃自秦時為柱下御史明習天下圖書  
計籍又善用筭律曆故令蒼以列侯居  
相府主郡國之計者

文穎曰以能計故號曰計相師古曰  
專主計籍故號計曰計師曰時所卒  
立非久施也師古曰計相之名更  
號主計

莫府

李廣傳二十四

李廣莫府省文書

晉灼曰將軍職在征行無常處所在  
為治故言莫府也莫大也或曰衛青  
征匈奴絕大莫大克獲帝就拜大將  
軍於莫中府故曰莫府莫府之名始  
於此也師古曰二說皆非也莫府者  
以軍幕為義古字通單用耳軍旅無

常居止故以帳幕言之廉頗李牧市租皆入幕府此則非因衛青始有其號又莫訓大於義乖矣省少也音所領反

部曲 李廣傳

李廣行無部曲行首

師古曰續漢書百官志云將軍領軍皆有部曲大將軍營五部部校尉一

人部下有部曲有軍候一人今廣尚於簡易故行道之中而不立部曲也

部校 衛青傳二十五

詔御史曰護軍都尉公孫敖三從大將軍擊匈奴常護軍傳校獲王

師古曰傳讀曰附言敖總護諸軍每附部校以致克捷而獲王也校者營壘之稱故謂軍之一部為一校或曰

幡旗之名非也每軍一校則別爲幡耳不名校也

票姚校尉

霍去病傳二十五

去病爲票姚校尉

服虔曰音飄姚音羊召反票姚勁疾之貌也荀悅

漢紀作票鷲字去病後爲票騎將軍

尚取票姚之字耳今讀者音飄搖則

不當其義也

金人

去病傳

票騎將軍收休屠祭天金人

如淳曰祭以金人爲主也張晏曰佛

徒祠金人也師古曰今之佛像是也

休音許蚪反屠音儲

鏖兵

去病傳

票騎將軍歷五王國轉戰六日過焉支

山千有餘里合短兵麇臯蘭下

應劭曰隴西白石縣塞外河名也蘇

林曰匈奴中山關也李奇曰麇音

庶津名也晉書曹友師古曰

爲麇糟文類

麇字本從金麇聲轉寫訛耳麇謂苦

擊而多殺也臯蘭山名也言苦戰於

臯蘭山下而多殺虜也晉說文音皆

得之今俗猶謂打擊之甚者曰麇麇  
牝鹿也音於求反

部刺史 百官公卿表上七

監御史秦官掌監郡漢省丞相遣史分  
刺州不常置武帝元封五年初置部刺  
史掌奉詔條察州秩六百石員十三人  
居部九歲舉爲守相 刺史以六條察事  
薛宣傳五十三

郡守尉 曹參傳九 百官表七上  
後漢桓帝永壽元年

秦一郡置守尉監三人

百官表曰郡尉掌佐守典武職甲卒秩比二千石景帝二年更名郡尉曰都尉建武七年省唯邊郡往往置都尉及屬國都尉永壽元年以太山琅邪二郡寇賊不息置都尉

李法

胡建傳三十七

黃帝李法

蘇林曰獄官名也天文志左角李右角將孟康曰兵書之法也師古曰李者法官之號也總主征伐刑戮之事也故稱其書曰李法蘇說近之

甲乙帳

東方朔傳三十五

東方朔曰陛下誠能推甲乙之帳燔之於四通之衢

應劭曰帳多故甲乙第之耳孟康曰

西域傳贊云興甲乙之帳絡以隋珠  
和璧天子襲翠被馮玉几而處其中  
也師古曰謂推而去之燔焚燒也

綺紈

敘傳七十上

班伯與王許子弟爲群在於綺襦紈袴  
之間非其好也

晉灼曰白綺之襦冰紈之袴也師古  
曰紈素也綺今細綾也並貴戚子弟

之服

彀騎

李牧爲將選車千三百乘彀騎萬三千  
匹

師古曰彀張弩也

滿籬

韋賢傳四十三

鄒魯諺曰遺子黃金滿籬不如一經  
如淳曰籬竹器受三四斗今陳留俗

有此器蔡謨曰滿籬者言其多耳非器名也若論陳留之俗則吾陳人不聞有此器師古曰許慎說文解字云籬笊也揚雄方言云陳楚宋魏之間謂笊爲籬然則筐籠之屬是也今書本籬字或作盈又是盈滿之義蓋兩通也

丞相更春乃封

平當傳四十一

平當爲御史大夫至丞相以冬月賜爵關內侯明年春上使使者召欲封當當病篤不應召室家或謂當不可強起受侯印爲子孫耶當曰起受侯印還臥而死死有餘罪今不起者所以爲子孫也如淳曰漢儀注御史大夫爲丞相更春乃封故先賜關內侯也李奇曰以冬月非封侯時且先賜爵關內侯也

師古曰李說是也

上尊酒

平當傳

賜當上尊酒

如淳曰律稻米一斗得酒一斗爲上  
尊稷米一斗得酒一斗爲中尊粟米  
一斗得酒一斗爲下尊師古曰稷卽  
粟也中尊者宜爲黍米不當言稷且  
作酒自有澆醇之異爲上中下耳不

必繫之米

慮囚

雋不疑傳四十一

雋不疑爲京兆尹每行縣錄囚徒還其  
母輒問有所平反活幾何人

師古曰省錄之知其情狀有寃滯與  
不也今云慮囚本錄聲之去者耳音  
力具反而近俗不曉其意訛其文遂  
爲思慮之慮失其源矣行音下更反



如淳曰反音幡幡奏使從輕也師古  
曰幾音居起反

褻衣博帶

雋不疑傳四十一

雋不疑褻衣博帶

師古曰褻大裾也言者褻大之衣廣  
博之帶也而說者乃以爲朝服垂褻  
之衣非也

櫛具劔

雋不疑傳

雋不疑冠進賢冠帶櫛具劔

應劭曰櫛具木標首之劔櫛落壯大  
也晉灼曰古長劔首以玉作并鹿盧  
形上刻木作山形如似蓮花初生未  
敷時今大劔木首其狀似此師古曰  
晉說是也櫛音磊標音匹遙反

具獄

于定國傳四十一

師古曰具獄者獄案已成其文備具

也

躡履

雋不疑傳

後漢崔駰傳四十二

暴勝之躡履迎雋不疑

文穎曰躡音纏師古曰履不著跟曰躡躡謂納履未正曳之而行言其遽也躡音山爾反

崔駰侯寶憲躡履迎門

躡履謂納履曳之而行言忽遽也躡

與躡同

借前箸

張良傳十

張良曰臣請借前箸以籌之

張晏曰求借所食之箸用指畫也或曰前世著明之事已籌度今時之不足也師古曰或說非也箸直庶反

儋石之祿

蒯通傳十五

守儋石之祿者闕卿相之位

應劭曰齊人名小髡爲儋受一斛晉  
灼曰石斗石也師古曰儋音都濫反  
或曰儋者一人之所負擔也

雋永

蒯通論戰國時說士權變亦自序其說  
凡八十一首號曰雋永

師古曰雋音字充反雋肥肉也永長  
也言所論甘美而義深長也

赤松子

張良傳

張良曰願棄人間事欲從赤松子游耳  
師古曰赤松子仙人號也神農時爲  
雨師服水土教神農能入火不燒至  
昆山上常止西王母石室隨風雨上  
下炎帝少女追之亦得仙俱去

黃石書

張良傳

張良嘗步遊下邳圯上有一老父衣褐

至良所直墮其履圯下顧謂良曰孺子  
下取履良取履圯下跪進父曰孺子可  
教遂與期夜半往有頃父亦來出一編  
書曰讀是爲王之師後十年興十三年  
見我濟北穀城下黃石卽我也其書乃  
太公兵法

服虔曰圯音頤楚人謂橋曰圯應劭  
曰汜水之上也文穎曰沂水上橋也

師古曰下邳之水非汜水也又非沂  
水服說是矣

金匱之計

孝成趙皇后傳六十七下

耿育上疏愚臣旣不能深援安危定金  
匱之計

師古曰援引也金匱言長久之法可  
藏於金匱石室者也援音爰

五宗

司馬遷傳三十

遷作五宗世家

師古曰景帝子凡十三人爲王而母  
五人所生遷謂同母者爲一宗故云  
五宗也

紬書

司馬遷傳

遷爲太史令紬史記石室金鎖之書

如淳曰紬徹舊書故事而次述之師  
古曰此說非也紬謂綴集之音官鎖

身圖同

臧獲

司馬遷傳

應劭曰楊雄方言云海岱之間罵奴  
曰臧罵婢曰獲燕之北郊民而壻婢  
謂之臧女而婦奴謂之獲晉灼曰臧  
獲敗敵所被虜獲爲奴隸者師古曰  
應說是也

土刑

司馬遷傳

堯舜飯土簋歆土刑

師古曰簋所以盛飯也刑所以盛羹也土謂燒土爲之卽瓦器也

間使

張騫傳三十一

天子聞張騫之言欲從蜀求大夏道廼令囚蜀犍爲發間使四道並出出駝出祚出徙邛出僊徒音斯

師古曰間使者求間隙而行又注蒯

通傳間使謂使人伺間隙而單行

鑿空

張騫傳

張騫旣至烏孫致賜喻指卽分遣副使使大宛康居月氏大夏烏孫發道譯送騫與烏孫使數十人馬數十匹報謝因令窺漢知其廣大騫還拜爲大行歲餘騫卒後歲餘其所遣副使通大夏之屬者皆頗與其人俱來於是西北國始通

於漢矣然騫鑿空諸後使往者皆稱博望侯以爲質於外國

蘇林曰鑿開也空通也騫始開通西域道也師古曰空孔也猶言始鑿其孔穴也故此下言當空道而西域傳謂孔道也

邛竹杖

張騫傳

張騫曰臣在大夏時見邛竹杖蜀布

臣瓚曰邛山名生此竹高節可作杖服虔曰布細布也師古曰邛竹杖人皆識之無假多釋而蘇林乃言節間合而體離誤後學矣

黃金上幣

食貨志四下

秦兼天下幣爲二等黃金以鎰爲名上幣銅錢質如周錢文曰半兩重如其文而珠玉龜貝銀錫之屬爲器飾寶藏不

為幣然各隨時輕重無常

孟康曰二十兩為鎰師古曰改周一斤之制更以鎰為金之名數也高祖初賜張良金百鎰此尚秦制也上幣者二等之中黃金為上而錢為下也臣瓚曰言錢之形質如周錢唯文異耳

以斤名金

食貨志

惠帝紀

漢興以為秦錢重難用更令民鑄莢錢黃金一斤

師古曰復周之制更以斤名金

惠帝紀晉灼曰凡言黃金真金也不言黃謂錢也食貨志黃金一斤直萬錢師古曰諸賜言黃者皆與之金不言黃者一金與萬錢也

牢盆



孔僅東郭咸陽言願募民自給費因官器作鬻鹽官與牢盆

蘇林曰牢價直也今世人言顧手牢如淳曰牢廩食也古者名廩爲牢盆鬻鹽盆也師古曰牢蘇說是也鬻古

煮字

宣室

賈誼傳十八

刑法志三

文帝思賈誼徵之至入見上方受釐坐

宣室

蘇林曰宣室未央前正室也應劭曰釐祭餘肉也漢儀注祭天地五時皇帝不自行祠還致福釐音禧師古曰禧福也借釐字爲之耳言受神之福刑法志云宣帝時季秋後廷尉請讞時上常幸宣室齋居而決事

如淳曰宣室布政教之室也重用刑

故齋戒以決事晉灼曰未央宮中有  
宣室殿師古曰蓋其殿在前殿之側  
也齋則居之

大鈞

賈誼傳

大鈞播物塊北

如淳曰陶者作器於鈞上此以造化  
爲大鈞也應劭曰其氣塊北非有限  
齊也師古曰今造瓦者謂所轉爲鈞

言造化爲人亦猶陶之造瓦爾塊音  
烏朗反北音於黠反

泉布

食貨志

貨寶於金利於刀流於泉布於布束於  
帛

如淳曰名錢爲刀者以其利於民也  
流行如泉也布者布於民間李奇曰  
束聚也

秦半之賦

食貨志四上

秦始皇內興功作外攘夷狄收秦半之賦

師古曰秦半三分取其二

閭左

食貨志

發閭左之戍

應劭曰秦時以謫發之名謫戍先發吏有過及贅壻賈人後以常有市籍

者發又後以大父母父母嘗有市籍者戍者曹輩盡復入閭取其左發之未及取右而秦亡師古曰閭里門也言居在里門之左者一切發之此閭左之釋應最得之諸家之義煩穢舛錯故無所取也孟康曰秦時復除者居閭之左後發役不供復役之也或云直先發取其左也

九府圜法 食貨志四下

太公爲周立九府圜法

李奇曰圜卽錢也圜一寸而重九兩  
師古曰此說非也周官太府玉府內  
府外府泉府天府職內職金職幣皆  
掌財幣之官故云九府圜謂均而通  
也

黃頭郎

鄧通傳六十三

鄧通以濯船爲黃頭郎

師古曰濯船能持櫂行船也土勝水  
其色黃故刺船之郎皆著黃帽因號  
曰黃頭郎也濯讀曰擢音直孝反

破觚爲圜

酷吏傳序六十

漢興破觚而爲圜斲珣而爲樸

孟康曰觚方也師古曰去嚴刑而從  
簡易抑巧僞而務敦厚也珣與彫同

椎埋王溫舒傳六十

王溫舒少時椎埋爲姦

師古曰椎殺人而埋之椎直追反

喉咽嚴延年傳六十

延年曰河南天下喉咽

師古曰喉咽言其所在襟要如人體

之有喉咽

符節臺延年傳

左馮翊缺上欲徵嚴延年符已發爲其名酷復止

應劭曰符竹使符也藏在符節臺欲有所拜召治書御史符節令發符下太尉也

結髮梁丘賀傳五十八

梁丘賀薦施雠結髮事師數十年

師古曰言從結髮爲童非卽從師學

也

戈船 武帝紀元鼎五年

歸義越侯嚴爲戈船將軍

張晏曰嚴故越人降爲歸義侯越人於水中負人船又有蛟龍之害故置戈於船下因以爲名臣瓚曰伍子胥書有戈船以載干戈因謂之戈船也

旁午 霍光傳三十八

昌邑王受璽已來二十七日使者旁午持節詔諸官署徵發凡一千一百二十七事

如淳曰旁午分布也師古曰一從一橫爲旁午猶言交橫也

梓宮

霍光傳 後漢顯宗紀二

服虔曰棺也師古曰以梓木爲之親身之棺也葬霍光爲天子制故亦稱梓宮

後漢書注云梓宮以梓木爲棺風俗通曰宮者存時所居緣生事死因以爲名輶輅車 霍光傳

載霍光尸柩以輶輅車

文穎曰輶輅車如今喪輜車也孟康曰如衣車有牕牖閉之則溫開之則涼故名之輶輅車也臣瓚曰秦始皇道崩秘其事載以輶輅車百官奏事

如故此不得是輜車類也師古曰輶輅本安車也可以臥息後因載喪飾以柳翼故遂爲喪車耳輶者密閉輅者旁開牕牖各別一葉後人旣專以載喪又去其一而摠爲藩飾合工名呼之

廟勝 趙充國傳三十九

誠非素定廟勝之策

師古曰廟勝謂謀於廟堂而勝敵也  
鞞瘃趙充國傳

軍士寒手足鞞瘃

文穎曰鞞坼裂也瘃寒創也師古曰  
鞞音軍瘃音竹足反

蒲輪

申公傳五十八

王臧趙綰請立明堂以朝諸侯不能就  
其事乃言師申公於是上使使束帛加

璧安車以蒲裹輪駕駟迎申公申公至  
八十餘

索息

孝成班婕妤傳六十七下

班婕妤賦云每寤寐而索息兮

師古曰索息言懼而喘息也索古累  
字

左遷

周昌傳十二

高祖召御史大夫周昌曰吾欲煩公公



疆爲我相趙昌極知其左遷

師古曰是時尊右而卑左故謂貶秩

位爲左遷

木強周昌傳

贊曰周昌木強人也

師古曰言其強質如木石強音其兩

反

掖門成帝紀建始三年

服虔曰掖門者正門之旁小門也師古曰掖門在兩傍言如人臂掖也

瓦合之卒酈食其傳

酈食其謂高祖曰足下起瓦合之卒

師古曰謂如破瓦之相合雖曰聚合

而不齊同

醞藉薛廣德傳四十一 後漢第五 叙

薛廣德爲人溫雅有醞藉

師古曰醞言如醞釀也藉有所薦藉也

第五倫少蘊藉不修威儀

注云蘊藉猶寬博也

推轂

田蚡傳二十三

竇嬰田蚡俱好儒術推轂趙綰為御史大夫王臧為郎中令

師古曰推轂謂升薦之若轉車轂之

為也

肺附

田蚡傳

劉向傳六

蚡以肺附為相

師古曰舊解云肺附如肝肺之相附著也一說肺斫木札也喻其輕薄附著大材也又劉向傳臣幸得託肺附注云肝肺相附著猶言心膂也一說自言於帝室猶肺札附於大材木也

除吏

田蚡傳

田蚡爲丞相入奏事語移日所言皆聽  
薦人或起家至二千石權移主上上乃  
曰君除吏盡未吾亦欲除吏

師古曰凡言除者除去故官就新官

關說

倭幸傳

公卿皆因關說

師古曰關說者言由之而納說亦如

行者之有關津也

揚擢

敘傳七十下

敘傳曰揚擢古今

師古曰揚舉也擢引也揚擢者舉而  
引之陳其趣也

武庫兵

母將隆傳四十七

古者諸侯方伯得顓征伐廼賜斧鉞漢  
家邊吏職在距寇亦賜武庫兵皆任其

事然後蒙之春秋之誼家不藏甲所以抑臣威損私力也

建鼓

寺

何並傳四十七  
永元六年

後漢和帝紀

何並爲長陵令道不拾遺初邛成太后外家王氏貴而侍中王林卿通輕俠傾京師後坐法免賓客愈盛歸長陵上冢因留飲連日並遣之林卿素驕慙於賓客既去令騎奴還至寺門拔刀剥其建

鼓

師古曰諸官曹之所通呼爲寺建鼓一名植鼓建立也謂植木而旁懸鼓焉縣有此鼓者所以召集號令爲開閉之時

注云風俗通曰寺嗣也理事之吏嗣續於其中

不訾之軀

蓋寬饒傳四十七

用不訾之軀臨不測之險

師古曰訾與貲同不貲者言無貲量  
可以比之貴重之極也別注云訾量  
也

次骨

杜周少言重遲而內深次骨

李奇曰其用法深刻至骨

睚眦

杜欽傳三十

報睚眦怨

師古曰睚音厓舉眼也眦卽眦字謂  
目匡也言舉目相忤者卽報之也一  
說睚音五懈反眦音仕懈反睚眦瞋  
目貌也兩義並同

柄臣

朱雲傳二十七

師古曰柄臣執權之臣也

堂皇

胡建傳三十七

師古曰室無四壁曰皇

伏質

王訢傳三十六

王訢為被陽令繡衣御史暴勝之使持  
斧逐捕盜賊以軍興從事誅二千石以  
下勝之遇被陽欲斬訢訢已解衣伏質  
師古曰質鍤也欲斬人皆伏於鍤上

尚方斬馬劍

朱雲傳

師古曰尚方少府之屬官也作供御

器物故有斬馬劍劍利可斬馬也

輶傳

條對

梅福傳三十七

黃霸傳五

梅福求假輶傳詣行在所條對急故

師古曰輶傳小車之傳也傳音張戀  
反條對一一條錄而對之又注黃霸  
傳曰凡言條者一一而疏舉之若木  
條然也

九九

梅福傳

王裒傳三十四

梅福書曰齊桓之時有以九九見者桓公不逆欲以致大也

師古曰九九計數之書若今筭經九章五曹之輩又應劭注王裒傳曰桓公不納其人曰九九小術而君不納之况大於九九者乎於是桓公設庭燎之禮而見之居無幾隰朋自遠而至桓公遂以霸

魁柄 梅福傳

梅福書云漢興以來社稷三危呂霍上官皆母后之家也親親之道全之為右當與之賢師良傳教以忠孝之道今迺尊寵其位授以魁柄

師古曰務全安之以為上魁柄以斗為喻也斗身為魁

文石陛 赤墀 梅福傳

梅福曰願一登文石之陛涉赤墀之塗  
應劭曰以丹淹泥塗殿上

法坐梅福傳

戶牖之法坐

師古曰戶牖之間謂之扃言負扃也  
法坐正坐也猶言法宮法駕也坐音  
才臥反

珠璣東方朔傳二十五

東方朔云宮人垂珠璣

師古曰璣珠之不圓者

印章數五武帝紀太初元年

色上黃數用五

張晏曰漢據土德土數五故用五謂  
印文也若丞相曰丞相之印章講卿  
及守相印文不足五字者以足之

篇武帝紀元光元年



詔賢良咸以書對著之于篇

師古曰篇謂竹簡也

殿霍光傳三十八

鴉教鳴殿前樹上

師古曰鴉惡聲之鳥也古者宮室高大則通呼爲殿非止天子宫中

臥廬

金日磾傳二十八

金日磾小疾臥廬

師古曰殿中所止曰廬

奏廁

日磾傳

日磾奏廁心動

師古曰奏向也日磾方向廁而心動

三壘

霍光傳

霍光傳昌邑王受皇帝信壘行壘大行  
前

孟康曰漢初有三壘天子之壘自佩

行翼信翼在符節臺大行前昭帝柩前也韋昭曰大行不反之辭也

行內

孔光傳五十一

王莽白太后帝幼少宜置師傅徙孔光為帝太傅位四輔給事中領宿衛供養行內

師古曰行內行在所之內中猶言禁中也

賜太師孔光靈壽杖

孔光傳

孟康曰扶老杖也服虔曰靈壽木名師古曰木似竹有枝節長不過八九尺圍三四寸自然有合杖制不須削治也

青蒲

史丹傳五十二

史丹以親密臣得侍視疾候上間獨寢

時丹直入臥內頓首伏青蒲上諫欲廢太子事

服虔曰青緣蒲席也應劭曰以青規地曰青蒲自非皇后不得至此孟康曰以蒲青為席用蔽地也師古曰應說是也

移病

朱博傳五十三

朱博遷琅邪太守齊部舒緩養名博新

視事右曹掾史皆移病臥

師古曰言齊人之俗其性遲緩多自高大以養名聲右曹上曹也移病謂移書言病也

熒惑

淮南厲王傳十四

淮南王廢法度行邪辟有詐偽心以亂天下熒惑百姓背叛宗廟

師古曰熒謂回繞也

印鞞

陳遵傳六十二

羞汗印鞞

師古曰此鞞謂印之組也

重足一迹

石顯傳六十三

公卿以下畏石顯重足一迹

師古曰言不敢自寬縱

擊劍

司馬相如傳二十七上

師古曰相如學擊劍擊劍者以劍遙

擊而中之非斬刺也

筆札

司馬相如傳

相如請為天子遊獵之賦上令尚書給

筆札

師古曰札木簡之薄小者也

校獵

司馬相如傳 成帝紀元延二年從胡客大校獵又注

相如傳云冬天子校獵

李奇曰以五校兵出獵也師古曰李

說非也。校獵者以木相貫穿總爲闌，校遮止禽獸而獵取之。說者或以爲周官校人掌田獵之馬，因云校獵亦失其義。養馬稱校人者，謂以爲闌校以養馬耳。故呼爲闌也。事具周禮，非以獵馬故稱校人。

六玉蚪

司馬相如傳

相如賦曰：乘鏤象六玉蚪。

張揖曰：鏤，象象路也。以象牙䟽鏤其車輅。六玉蚪，謂駕六馬以玉飾其鑣。勒有似玉蚪，龍子有角曰蚪。

扈從

四校

司馬相如傳

相如傳：扈從橫行，出乎四校之中。

文穎曰：凡五校，今言四者，一校中隨天子乘輿也。師古曰：此說又非也。四校者，闌校之四面也。言其跋扈從恣。

而行出於校之四外也

垂堂

司馬相如傳

鄙諺曰家繁千金坐不垂堂

張揖曰畏欄瓦墮中人也師古曰垂堂者近堂邊外自恐墜墮耳非畏欄瓦也言富人子則自愛深也

行祖

臨江王榮傳二十三

榮行祖於江陵北門

師古曰祖者送行之祭因饗飲也黃帝之子纍祖好遠遊而死於道故後人以爲行神也

白屋

吾丘壽王傳三十四

三公有司或由窮巷起白屋裂地而封師古曰白屋以白茅覆屋也

羽林

孤兒

宣帝紀神爵元年

應劭曰天有羽林大將軍之星林諭

若林木之盛羽羽翼鷲擊之意故以名武官如淳曰百官表取從軍死事者之子養羽林官教以五兵號曰羽林孤兒少壯令從軍

猶豫

高后紀八年

師古曰猶獸名也爾雅曰猶如麇善登木此獸性多疑慮常居山中忽聞有聲卽恐有人且來害之每豫上樹

久之無人然後敢下須臾又上如此非一故不決者稱猶豫焉一曰隴西俗謂犬子爲猶犬隨人行每豫在前待人不得又來迎候故云猶豫麇音几

予寧三年

哀帝紀

詔博士弟子父母死予寧三年

師古曰寧謂處家持喪服

除任子令 哀帝紀

應劭曰任子令者漢儀注吏二千石以上視事滿三年得任同產若子一人爲郎不以德選故除之師古曰任者保也

名田 哀帝紀

詔曰諸侯王列侯公主吏二千石及豪富民多畜奴婢田宅亡限與民爭利其

議限列有司條奏王列侯得名田國中列侯在長安及公主名田縣道關內侯吏民名田皆無得過三十頃

如淳曰名田國中者自其所食國中  
也既收其租稅又自得私田三十  
頃名田縣道者令甲諸侯在國名田  
他縣罰金二兩今列侯有不之國者  
雖遙食其國租稅復自得田於他縣



道公主亦如之不得過三十頃  
璇題 楊雄傳五十七上

甘泉賦云珍臺閒館璇題玉英

應劭曰題頭也榱椽之頭皆以玉飾  
并閭 平慮 楊雄傳

甘泉賦云攢并閭與芟苦兮

如淳曰并閭其葉隨時改政平則平  
政不平則傾也師古曰如氏所說自

是平慮耳此并閭謂櫻樹也芟苦草  
名也芟步未反苦音枯

駮駮 楊雄傳

甘泉賦云崇丘陵之駮駮兮

蘇林曰駮駮音巨我師古曰駮駮高  
大狀也

明堂 平帝紀元始四年

安漢公奏立明堂辟廱

應劭曰明堂所以正四時出教化明  
堂上闔下方八牕四達布政之宮在  
國之陽上八牕法八風四達法四時  
九室法九州十二重法十二月三十  
六戶法三十六旬七十二牖法七十  
二候孝經曰宗祀文王於明堂以配  
上帝上帝謂五時帝太昊之屬黃帝  
曰合宮有虞曰總章殷曰陽館周曰

明堂辟廡者象壁園雍之以水象教  
化流行

卞射武戲

哀帝紀贊

哀帝雅性不好聲色時覽卞射武戲

蘇林曰手搏爲卞角力爲武戲也晉

灼曰甘延壽試卞爲期門

待詔

漏刻

哀帝紀注

李尋傳天文志又

哀帝時待詔夏賀良等建言改元易號

增益漏刻以百二十爲度

應劭曰謂以材技徵召未有正官故  
曰待詔師古曰舊漏晝夜共百刻今  
增其二十此本齊人甘忠可所造今  
賀良等重言遂施行之後良等終以  
此伏誅

兩漢博聞卷第一終

兩漢博聞卷第二 前漢

目錄

黃屋左纁

關用傳

巖廊

矯僞

詔板

腐刑

銅竹符

質疑

緣飾儒術

媒藥

亭長

甄鈞

戲下


稱制

叢臺

邸舍

謗木

芝房



龍淵宮 淬劍

程量

疾置

伐閱

椒房

山郎

橐街

橫草之功

鸞旗

空拳

臨遣

籍甚

長榆塞

警趣

枝梧

祭酒

廉隅

轅門

廝養

相駁

秋豪

犬牙

驂乘

進善旌

長星 彗孛

豎儒

出其右

湯沐邑

編戶

章程 帶屬規摹

鐵契

百一 建鏡

計偕

角抵

池籞

飲飛

一封輶傳

元服

昆蟲

璽符節

按堵

鉤距

金印赤鞮

守宮

泰階六符

賈區

投石拔距

尸祿

漿酒霍肉

蒼頭  
廬兒

衣敝履空

繇力

遲明

閩中

亡賴

逮捕

三族

羽檄

摧酷

阡陌

幸酒

傳婢

財取

闔郡

黃鵠下太液

弄田

飾厨傳

城旦春

鬼薪白粲

酎金

方內

陸海

不根持論

漏澤

棄繻

狼戾

鼓鑄

五鼎

綠幘傳鞞

抗疏

徇地

傳舍

搯擊

羽衣

六飛

隋直

虎落

還踵

調兵食

十年不調

倚瑟

腐儒

武帳

舞文

巧詆

尺籍伍符

蹶張

一襲

原廟

械器

孩提

物故

三秦

為壽

祚馬焚僮

百越

壬人

汶上明堂

訾筭得官

姬妾

辟疆

白公

兩漢博聞卷第二

黃屋左纛

紀信乘王車黃屋左纛

李斐曰天子車以黃繒為蓋裏纛毛

羽幢也在乘輿車衡左方上注之蔡

邕曰以犛牛尾為之如斗或在駢頭

或在衡師古曰纛音毒又徒到反

關用傳

文帝紀十二年

張晏曰傳信也若今過所也如淳曰  
兩行書繒帛分持其一出入關合之  
乃得過謂之傳也師古曰古者或用  
檠或用繒帛檠者刻木為合符也傳  
音張戀反檠音啓  
嚴廊  
董仲舒傳二十六  
虞舜之時游於嚴廊之上垂拱無為而  
天下太平

矯僞  
晉灼曰堂邊廡嚴廊謂嚴峻之廊也  
賈誼傳十八

誼上文帝疏曰矯僞者出幾十萬石粟  
賦六百餘萬錢乘傳而行郡國

師古曰詐為文書以出倉粟近十萬  
石又詐為詔令妄作賦斂甚多又詐  
乘傳而行郡國

詔板  
竇武傳



曹節召尚書官屬脅以白刃使作詔板  
拜王甫為黃門令持節收尹勲山冰冰  
疑不受詔甫格殺之遂害勲

腐刑

景帝紀四年

如淳曰腐宮刑也丈夫割勢不能復  
生子如腐木不生實

銅竹符

文帝紀二年

初與郡守為銅虎符竹使符

應劭曰銅虎符第一至第五國家當  
發兵遣使者至郡合符符合乃聽受  
之竹使符皆以竹箭五枚長五寸鐫  
刻篆書第一至第五張晏曰符以代  
古之圭璋從簡易也師古曰與郡守  
為符者謂各分其半右留京師左以  
與之使音所吏反

斤疑

陳遵傳六十二

張竦免官歸長安好事者從之質疑問事論道經書

師古曰質正也

緣飾儒術

公孫弘傳二十八

公孫弘每朝會議開陳其端使人主自擇不肯回折庭爭於是上察其行慎厚辯論有餘習文法吏事緣飾以儒術

師古曰緣飾者譬之於衣加純緣者

媒藥

李陵傳二十四

李陵敗群臣皆罪陵上問司馬遷盛言陵有國士之風今舉事一不幸全軀保妻子之臣隨而媒藥其短

孟康曰媒酒教藥麴也謂釀成其罪也師古曰齊人名麴餅曰媒又司馬遷傳注媒如媒娉之媒藥如麴藥之

藥

亭長

高帝紀

師古曰秦法十里一亭亭長者主亭之吏也亭謂停留行旅宿食之館

甄鈞

董仲舒傳二十六

鄒陽傳二十二

仲舒云猶泥之在鈞唯甄者之所爲金之在鎔唯冶者之所鑄

師古曰甄作瓦之人也鈞造瓦之法其中旋轉者

鄒陽曰聖王制世御俗獨化於陶鈞之上張晏曰陶家名模下圓轉者爲鈞蓋取其周回調鈞耳言聖王制御天下亦猶陶人轉鈞

戲下

灌夫傳二十二

灌夫曰願取吳王若將軍頭以報父仇於是募軍中壯士願從數十人及出壁門莫敢前獨兩人及從奴十餘騎馳入

吳軍至戲下以此名聞天下

師古曰戲大將之旗也讀與麾同又音許宜反又項籍傳注曰漢書通以戲爲旌麾及指麾字

稱制

高后紀

高后臨朝稱制

師古曰天子之言一曰制書二曰詔書制書者謂爲制度之命也

叢臺

高后紀

趙王宮叢臺災

師古曰連聚非一故名叢臺六國時趙王故臺也

邸舍

文帝紀

代王至邸

師古曰郡國朝宿之舍在京師者率名邸邸至也言所歸至也

謗木

文帝紀

詔誹謗之木

服虔曰堯作之橋梁邊板柱頭也應劭曰橋梁邊板所以書政治之愆失也至秦去之今乃復施也

芝房

武帝紀

元封二年詔曰甘泉宮內中產芝九莖連葉上帝博臨不異下房賜朕私休

如淳曰瑞應圖王者敬事耆老不失舊故則芝草生師古曰內中謂後庭之室也故云不異下房言天廣臨不以下房爲幽側而隔異之賜以此芝是大美也故作芝房之歌

龍淵宮

淬劍

武帝紀

元光三年河水決濮陽汜郡十六發卒十萬救決河起龍淵宮

服虔曰宮在長安西作銅飛龍故以  
冠名也孟康曰在西平界其水可用  
淬刀劍特堅利古龍淵之劍取於此  
水

程量

東方朔傳三十五

武帝既招英俊程其器能用之如不及

師古曰程謂量計之也

疾置

劉屈氂傳二十六

江充發兵入丞相府是時上避暑甘泉  
宮丞相長史乘疾置以聞

師古曰置謂所置驛也

伐閼

車千秋傳五十六

車千秋無他材能術學久無伐閼功勞  
師古曰伐積功也閼經歷也

椒房

千秋傳

師古曰椒房殿名皇后所居以椒和

泥塗壁取其溫而芳也

山郎楊惲傳三十六

楊惲爲中郎將故事令郎出錢市財用給文書廼得出名曰山郎

張晏曰山財用之所出故取名焉

橐街陳湯傳四十

甘延壽陳湯上疏曰斬郅支首及名王以下宜縣頭橐街蠻夷邸間

師古曰橐街街名蠻夷邸在此街也

邸若今鴻臚客館也

橫草之功終軍傳三十四

軍自請曰軍無橫草之功得列宿衛

師古曰言行草中使草偃臥故云橫草也

鸞旗賈捐之傳三十四

鸞旗在前屬車在後

師古曰鸞旗編以羽毛列繫幢旁載於車上大駕出則陳於道而先行屬車相連屬而陳於後也

空拳

李陵傳二十四

李陵轉鬪千里矢盡道窮士張空拳

文頴曰拳弓弩拳也師古曰拳字與秦同音丘權反又司馬遷傳張空拳注李奇曰拳弩弓也師古曰讀者乃

以拳擊之拳大謬拳則屈指不當言張陵時矢盡故張弩之空弓非是手拳也

臨遣

元帝紀初元元年

詔曰朕憂蒸庶之失業臨遣光祿大夫哀等十二人循行天下

應劭曰自臨面約勅乃遣之

籍甚

陸賈傳十三



陸賈爲陳平畫計與太尉絳侯深相結  
呂氏謀益懷陳平乃以奴婢百人車馬  
五十乘錢五百萬遺賈爲食飲費賈以  
此游漢廷公卿間名聲籍甚

孟康曰言狼籍甚盛

長榆塞

伍被傳十五

伍被諫淮南王曰今漢廣長榆開朔方  
匈奴折傷雖未及古太平時然猶爲治

如淳曰廣謂斥大之也長榆塞名王  
恢所謂樹榆以爲塞者也師古曰長  
榆在朔方卽衛青傳所云榆谿舊塞  
是也或謂之榆中

警言趨

梁孝王傳十七

梁孝王得賜天子旌旗從千乘萬騎出  
稱警入言趨

師古曰警者戒肅也趨止行人也言

出入者互文耳出亦有趣漢儀注皇帝輦動左右侍帷幄者稱警出殿則傳蹕止人清道也

枝梧

項籍傳一

項羽晨朝上將軍宋義卽其帳中斬義頭出令軍中曰宋義與齊謀反楚楚王陰令籍誅之諸將讐服莫敢枝梧

如淳曰梧音悟枝梧猶枝扞也臣瓚

曰小柱為枝邪柱為梧今屋梧邪柱是也

祭酒

伍被傳

伍被曰吳王賜號為劉氏祭酒受几杖而不朝

如淳曰祭祠時唯尊長者以酒沃酹

廉隅

賈誼傳十八

賈誼曰人主之尊譬如堂群臣如陛衆

庶如地故陞九級上廉遠地則堂高陞  
亡級廉近地則堂卑高者難攀卑者易  
陵理勢然也故古者聖王制為等列內  
有公卿大夫士外有公侯伯子男然後  
子加焉故其尊不可及也

師古曰級等也廉側隅官師一官之  
長

轅門 項籍傳

楚已破秦軍項羽見諸侯將入轅門膝  
行而前莫敢仰視

張晏曰軍行以車為陳轅相向為門  
故曰轅門師古曰周禮掌舍王行則  
設車宮轅門也

廝養 張耳傳

蘇林曰廝取薪者也養養人者也廝

音斯

相駁

薛宣傳五十三

薛宣後母死第脩去官持服宣謂脩三年服少能行之者兄弟相駁不可脩遂竟服繇是兄弟不和

師古曰駁者執意不同猶如色之間

雜

秋豪

高帝紀

沛公入關秋豪無所敢取

文穎曰豪秋乃成好舉盛而言也師古曰豪成之時端極纖細適足諭小非言其盛

犬牙

高帝王子弟地犬牙相制所謂盤石之宗也

師古曰犬牙言地形如犬之牙交相

入也

驂乘

文帝紀

代王令宋昌驂乘

師古曰乘車之法尊者居左御者居中又有一人處車之右以備傾側是以戎事則稱車右其餘則曰驂乘驂者三也蓋取三人爲名義耳

進善旌

文帝紀

二年詔曰古之治天下朝有進善之旌應劭曰旌幡也堯設之五達之道令民進善也如淳曰欲有進者立於旌下言之

長星

彗孛

文帝紀

八年有長星出于東方

文穎曰孛彗長三星其占略同然其形象小異孛星光芒短其光四出蓬

蓬亭亭也彗星參參長如埽彗長星  
光芒有一直指或竟天或十丈或三  
丈或二丈無常也大法亭亭彗星多爲  
除舊布新火災長星多爲兵革事

豎儒

高帝紀三年

師古曰言其賤劣無智若童豎也

出其右

高帝紀九年

賢趙臣田叔孟舒等十人召見與語漢

廷臣無能出其右者

師古曰古者以右爲尊言材用無能  
過之者故云不出其右也

湯沐邑

高帝紀十二年

其以沛爲朕湯沐邑

師古曰凡言湯沐邑者謂以其賦稅  
供湯沐之具也

編戶

高帝紀

諸將故與帝爲編戶民北面爲臣心常  
鞅鞅

師古曰編戶者列次名籍也

章程 帶厲 鐵契 規摹 高帝紀

初高祖不脩文學而性明達好謀能聽  
自監門戍卒見之如舊初順民心作三  
章之約天下既定命蕭何次律令韓信  
申軍法張蒼定章程叔孫通制禮儀陸

賈造新語又與功臣剖符作誓丹書鐵  
契金匱石室藏之宗廟雖日不暇給規  
摹弘遠矣

如淳曰章歷數之章術也程權衡丈  
尺斗斛之平法也師古曰程法式也  
剖符作誓者如淳曰謂功臣表誓使  
河如帶太山若厲國乃滅絕又功臣  
表注應劭曰封爵之誓國家欲使功

臣傳祚無窮也帶衣帶也厲砥厲石也河當何時如衣帶山當何時如厲石言如帶厲國猶永存以及後世子孫也金匱石室者如淳曰金匱猶金滕也師古曰以金為匱以石為室重緘封之保慎之義規摹者鄧展曰若畫工規模物之摹章昭曰正負之器曰規摹者如畫工未施采土摹之矣

師古曰取喻規摹謂立制垂範也給足也日不暇足言衆事繁多常汲汲也

百二 建瓴 高帝紀六年

田肯賀上曰甚善陛下得韓信又治秦中秦形勝之國也帶河阻山縣隔千里持戟百萬秦得百二焉地勢便利以其下兵於諸侯譬猶居屋之上建瓴水也



蘇林曰百二得百中之二二萬人也  
秦地險固二萬人足當諸侯百萬人  
也如淳曰甌盛水瓶也居高屋之上  
而幡瓶水言其向下之勢易也蘇林  
曰甌讀曰鈴建音居偃反

計偕

武帝紀元光五年

徵吏民有明當世之務習先聖之術者  
縣次續食令與計偕

師古曰計者上計簿使也郡國每歲  
遣詣京師上之偕者俱也令所徵之  
人與上計者俱來而縣次給之食

角抵

武帝紀元封三年

作角抵戲

文穎曰名此樂為角抵者兩兩相當  
角力角技藝射御故名角抵蓋雜技  
樂也巴俞戲魚龍蔓延之屬也漢後

更名平樂觀

池籟

宣帝紀

地節三年詔池籟未御幸者假與貧民蘇林曰析竹以繩絲連禁籟使人不得往來律名為籟應劭曰池者陂池也籟者禁苑也

飲飛

宣帝紀

神爵元年西羌反應募飲飛射士

服虔曰周時度江越人在船下負船將覆之飲飛入水殺之漢因以材力名官如淳曰呂氏春秋荆有茲非得寶劍於干將度江中流兩蛟繞舟茲非拔寶劍赴江刺兩蛟殺之荆王聞之仕以執珪後世以為勇力之官茲飲音相近師古曰取古勇力人以名官熊渠之類是也亦因取其便利輕

疾若飛故號快飛

一 封輶傳

平帝紀

元始五年徵天下通知逸經古記天文  
歷筭鍾律小學史篇方術本草及五經  
論語孝經爾雅教授者在所為駕一封  
輶傳遣詣京師至者數千人

如淳曰律諸當乘傳及發駕置傳者  
皆持尺五寸木傳信封以御史大夫

印章其乘傳參封之參三也有期會  
累封兩端端各兩封凡四封也乘置  
馳傳五封之兩端各二中央一也輶  
傳兩馬再封之一馬一封也師古曰  
以一馬駕輶車而乘傳傳音張戀反

元服

昭帝紀

元鳳四年帝加元服

師古曰元首也冠者首之所著故曰

元服其下汲黯傳序云上正元服是知謂冠爲元服

昆蟲 成帝紀

建始三年詔曰草木昆蟲咸得其所師古曰昆衆也昆蟲言衆蟲也又許慎說文云二蟲爲蝻讀與昆同謂蟲之總名兩義並通蟲音許尾反

璽符節 高帝紀元年

秦王子嬰封皇帝璽符節降枳道旁應劭曰璽信也古者尊卑共之左傳襄公在楚季武子使公冶問璽書追而與之秦漢尊者以爲信群下乃避之師古曰符謂諸所合符以爲契者也節以毛爲之上下相重取象竹節因以爲名將命者持之以爲信

按堵 高帝紀元年

高祖入關除去秦法吏民皆按堵如故  
應劭曰按按次第堵牆堵也師古曰  
言不遷動也

鉤距

趙廣漢傳四十六

趙廣漢精於吏職尤善為鉤距以得事  
情

蘇林曰鉤得其情使不得去也晉灼  
曰鉤致也距閉也使對者無疑若不

問而自知衆莫覺所由以閉其術為  
距也

金印赤韍

翟方進傳五十四

王莽封孫賢等五十五人皆為列侯戶  
邑之數別下遣使者持黃金印赤韍緹  
朱輪車即軍中拜授

服虔曰緹即今之綬也師古曰韍所  
以繫印也緹者繫也謂逆受之也緹

音逆

守宮

東方朔傳三十五

師古曰守宮蟲名也術家云以器養之食以丹砂滿七斤擣治萬杵以點女人體終身不滅若有房室之事則滅矣言可以防閑淫逸故謂之守宮也今俗呼為辟宮辟亦禦扞之義耳

泰階六符

東方朔傳

朔陳泰階六符

孟康曰泰階三台也每台二星凡六星符六星之符驗也應劭曰黃帝泰階六符經曰太階者天之三階也上階為天子中階為諸侯公卿大夫下階為士庶人上階上星為男主下星為女主中階上星為諸侯三公下星為卿大夫下階上星為元士下星為

庶人三階平則陰陽和風雨時社稷神祇咸獲其宜天下大安是為太平三階不平則五神乏祀日有食之水潤不浸稼穡不成冬雷夏霜百姓不寧故治道傾天子行暴令好興甲兵修宮榭廣苑囿則上階為之奄奄䟽闊也以孝武皆有此事故朔為陳之又藝文志注李奇曰三台謂泰階兩

兩成體三台故六觀色以知吉凶故曰六符

賈區

胡建傳三十七

胡建為軍正丞時監軍御史為姦穿北軍壘垣以為賈區建斬之以奏

師古曰坐賣曰賈為賣物之區也區者小室之名若今小庵屋之類耳故衛士之屋謂之區廬宿衛宮外士稱

為區士也

投石拔距

甘延壽傳四十

甘延壽少以良家子善騎射為羽林投石拔距絕於等倫嘗超踰羽林亭樓

應劭曰投石以石投人也師古曰拔距者有人連坐相把據地距以為堅而能拔取之皆言其有手掣之力超踰亭樓又言趨捷耳今人猶有拔爪

之戲蓋拔距之遺法

尸祿

鮑宣傳四十二

師古曰尸主也不憂其職但主食祿而已

漿酒霍肉

蒼頭

廬兒

鮑宣傳

鮑宣諫曰陛下柰何獨私養外親與幸臣董賢多賞賜以大萬數使奴從賓客漿酒霍肉蒼頭廬兒皆用致富非天意



也

劉德曰視酒如漿視肉如霍也師古曰霍豆葉也貧人茹之也孟康曰黎民黔首黎黔皆黑也下民陰類故以黑為號漢名奴為蒼頭非純黑以別於良人也諸給殿中者所居為廬蒼頭侍從因呼為廬兒臣瓚曰漢儀注官奴給書計從侍中已下為蒼頭青

幘

衣敝履空

鮑宣傳

唐尊衣敝履空以瓦器飲食又以歷遺公卿被虛偽名

服虔曰履猶屨也師古曰衣音於既反著敝衣躡空履也空穿也歷遺公卿者服虔曰以瓦器遺之

繇力

嚴助傳三十四

淮南王曰越人繇力薄材

師古曰繇弱也言其柔弱如繇

遲明高帝紀

沛公乃夜引軍從他道還偃旗幟遲明圍宛城三市

師古曰言圍城事畢然後天明明遲於是故曰遲明變爲去聲音丈二反漢書諸言遲其事者義類此史記遲

字作邈亦徐緩之意也音黎

閩中高帝紀

師古曰閩越今泉州建安是其地也其人本蛇種故其字從虫  
閩許尾反

亡賴高帝紀九年

高祖奉玉卮爲太上皇壽曰始大人常以臣亡賴不能治產業不如仲力

晉灼曰許慎云賴利也無利入於家

也或曰江淮之間謂小兒多詐狡獪  
為無賴獪音工外反

逮捕

高帝紀九年

貫高等謀逆發覺逮捕高等

師古曰逮捕謂事相連及者皆捕之  
也一曰在道守禁相屬不絕若今之  
傳送囚耳

三族

高帝紀九年

如淳曰父族母族妻族也

羽檄

高帝紀十年

羽檄徵天下兵

師古曰檄者以木簡為書長尺二寸  
用徵召也其有急事則加以鳥羽插  
之示速疾也魏武奏事云今邊有警  
輒露檄插羽檄音胡歷反

權酤

武帝紀

天漢三年初推酒酤

韋昭曰以木渡水曰推謂禁民酤釀  
獨官開置如道路設木為推獨取利  
也師古曰推者步渡橋爾雅謂之石  
杠今之略約是也禁閉其事總利入  
官而下無由以得有若渡水之權因  
立名焉酤音工護反約音酌

阡陌

成帝紀陽朔四年

師古曰阡陌田間道也南北曰阡東  
西曰陌蓋秦時商鞅所開也

幸酒

成帝紀

成帝為太子其後幸酒樂燕樂

晉灼曰幸酒好酒也師古曰論語云  
樂燕樂燕讀如本字上音五孝反下  
音來各反

傳婢

王吉傳四十二

師古曰凡言傳婢者謂傳相其衣服

衽席之事一說傳曰附謂近幸也

財取寶嬰傳二十二

寶嬰為大將軍賜金千斤陳廊廡下軍吏過輒令財取為用金無入家者

師古曰財與裁同謂裁量而用之

闔郡武帝紀元朔元年

今或至闔郡而不薦一人

師古曰闔閉也總一郡之中故云闔

郡

黃鵠下太液昭帝紀始元元年

黃鵠下建章宮太液池中

師古曰黃鵠大鳥也一舉千里者非白鵠也太液池者言津潤所及廣也

弄田昭帝紀始元元年

上耕于鉤盾弄田

師古曰謂宴游之田天子所戲弄耳  
非謂昭帝年幼創有此名

飾厨傳

宣帝紀元康二年

詔吏務平法或擅興繇役飭厨傳稱過  
使客越法踰職以取名譽

韋昭曰厨謂飲食傳謂傳舍師古曰  
使人及賓客來者稱其意而遣之令  
過去也

城旦舂

鬼薪

白粲

惠帝紀

當為城旦舂者皆耐為鬼薪白粲

應劭曰城旦者旦起行治城舂者婦  
人不豫外徭但舂作米皆四歲刑也  
今皆就鬼薪白粲取薪給宗廟為鬼  
薪坐擇米使正白為白粲皆三歲刑  
也漢書音義曰城旦輕刑之名也後  
漢韓稜傳注書日司寇虜夜暮築長

城曰城旦

酎金

景帝紀元年

高廟酎金

張晏曰正月旦作酒八月成名曰酎  
酎之言純也至武帝時因八月嘗酎  
會諸侯廟中出助祭所謂酎金也師  
古曰酎三重釀醇酒也味厚故以薦  
宗廟酎音直救反

方內

谷永傳五十五

谷永對策云方內之治亂在陛下所執  
師古曰方內四方之內也

陸海

東方朔三十五

東方朔曰漢興去三河之地止灞澹以  
西都涇渭之南此所謂天下陸海之地  
師古曰高平曰陸關中地高故稱陸  
耳海者萬物所出言關中山川物產

饒富是以謂之陸海

不根持論

嚴助傳三十四

朔臯不根持論上頗俳優畜之

師古曰論議委隨不能持正如樹木之無根柢也

漏澤

吾丘壽王傳三十四

吾丘壽王對寶鼎事曰臣聞周德始乎后稷長於公劉大於太王成於文武顯

於周公德澤上昭天下漏泉

師古曰昭明也漏言潤澤下霑如屋之漏

棄繻

終軍傳三十四下

終軍入關關吏予軍繻

蘇林曰繻帛邊也舊關出入皆以傳傳煩因裂繻頭合以爲符信也

狼戾

嚴助傳



淮南王上書曰閩越王狼戾不仁

師古曰狼性貪戾凡言狼戾者謂貪而戾

鼓鑄終軍傳

鼓鑄鹽鐵

如淳曰鑄銅鐵扇熾火謂之鼓

五鼎

主父偃傳三十四

主父偃曰生不五鼎食死則五鼎烹

張晏曰五鼎食牛羊豕魚麋也諸侯

五卿大夫三

綠幘傳

東方朔傳

館陶公主自引董君綠幘傳幘曰館陶

公主胞人

應劭曰宰人服也韋昭曰幘形如射

幘以縛左右手於事便也師古曰綠

幘賤人服也傳著也幘卽今之臂幘

也傳讀曰附胞與庖同

抗䟽揚雄傳五十七下

師古曰抗舉也謂上之也䟽者䟽條其事而言之

徇地

酈食其傳十三

陳項起諸將徇地過高陽

師古曰徇亦略也

傳舍

酈食其傳

沛公至高陽傳舍

師古曰傳舍者人所止息前人已去後人復來轉相傳也一音張戀反謂傳置之舍也其義兩通他皆類此

搯擊

郊祀志五上

五利將軍樂大數月佩六印貴震天下而海上燕齊之間莫不搯擊而自言有禁方能神仙矣

師古曰搯提持也擊古手腕字搯音  
庀

羽衣郊祀志

五利將軍衣羽衣立白茅上受印以視  
不臣也

師古曰羽衣以鳥羽為衣取其神仙

飛翔之意

六飛袁盎傳十九

上從霸陵欲西馳下峻阪袁盎攬轡諫  
曰陛下騁六飛馳不測

師古曰攬與擊同如淳曰六馬之疾  
若飛也

隋直晁錯傳十九

晁錯為人隋直刻深

師古曰隋與峭同峻謂峻陜也音千  
笑反

虎落 晁錯傳

鄭氏曰虎落者外蕃也若今時竹虎也師古曰虎落以竹箴相連遮落也

還踵 晁錯傳

晁錯言勸以厚賞威以重罰則死不還踵矣

師古曰還讀曰旋旋踵迴旋其足也

調兵食 晁錯傳

吳楚七國俱反上方與錯調兵食

師古曰調謂計發之也音徒釣反

十年不調 張釋之傳二十

張釋之為騎郎事文帝十年不得調亡所知名

師古曰調選也音徒釣反

倚瑟 張釋之傳

慎夫人鼓瑟上自倚瑟而歌

李奇曰聲氣依倚瑟也師古曰倚瑟

卽今之以歌合曲也倚音於綺反

腐儒黥布傳四後漢李固傳

師古曰腐者爛敗言無所堪任注云

腐生者猶言腐儒也

武帳汲黯傳二十

上嘗坐武帳汲黯前奏事上不冠望見

黯避帷中

孟康曰今御武帳置兵闌五兵於帳

中也

舞文汲黯傳

汲黯曰張湯好興事舞文法

如淳曰舞猶弄也

巧詆汲黯傳

刀筆之吏深文巧詆

師古曰詆毀辱也又誣也

尺籍伍符

馮唐傳二十

馮唐曰夫士卒盡家人子起田中從軍安知尺籍伍符

李奇曰尺籍所以書軍令伍符軍士五五相保之符信也如淳曰漢軍法曰吏卒斬首以尺籍書下縣移郡令人故行不行奪勞二歲伍符亦什伍之符要節度也師古曰家人子謂庶

人之家子也

蹶張

申屠嘉傳十二

申屠嘉以材官蹶張從高帝擊項籍

如淳曰材官之多力能脚踏疆弩張之故曰蹶張師古曰今之弩以手張者曰擘張以足蹋者曰蹶張音厥擘音布麥反

一襲

叔孫通傳十三

賜叔孫通衣一襲

師古曰上下皆具也今人呼爲一副也又昭帝紀賜衣被一襲注曰一襲一稱也

原廟

叔孫通傳十三

惠帝詔有司立原廟

師古曰原重也先以有廟今更立之故曰重也謂高帝廟

元帝建昭五年復太上皇寢廟園原廟文穎曰高祖已自有廟在長安城中惠帝更於渭北作廟謂之原廟爾雅曰原者再再作廟也

械器

宣帝贊八

師古曰械者器之總名也一曰有盛爲械無盛爲器

孩提

賈誼傳十八

賈誼陳教太子事云孩提有識

師古曰孩小兒也提謂提撕也

物故蘇武傳

師古曰言同於鬼物而故也一說不

欲斥言但云其所服用之物皆已故

耳

三秦高帝紀元年

應劭曰章邯為雍王司馬欣為塞王

董翳為翟王分王秦地故曰三秦

為壽高帝紀

項莊入為壽

師古曰凡言為壽謂進爵於尊者而

獻無疆之壽

祚馬夔僮西南夷傳六十五

巴蜀商賈取其祚馬夔僮旄牛以此巴

蜀殷富



地理志注師古曰言滇爨之地多出  
僮隸邛笮之地出馬及旄牛滇音顛  
爨音蒲北反笮音材各反西南夷有  
笮都亦有君長

百越

地理志八下

粵地牽牛婺女之分埜也今之蒼梧鬱  
林合浦交阯九真南海日南皆粵分也  
其君禹後帝少康之庶子云封於會稽

師古曰越之為號其來尚矣少康封  
庶子以主禹祠君於越地耳故此志  
云其君禹後豈獨百越之人皆禹苗  
裔

壬人

元帝紀永光元年

詔曰朕之不明亡以知賢也是故壬人  
在位而吉士雍蔽

服虔曰壬人佞人也師古曰吉善也

汶上明堂

郊祀志五下

武帝封泰山泰山東北陞古時有明堂處處險不做上欲治明堂奉高旁未曉其制度濟南人公玉帶上黃帝時明堂圖於是上令奉高作明堂汶上如帶圖

訾筭得官

景帝紀後二年

詔曰今訾筭十以上廼得官廉士筭不必衆有市籍不得官無訾又不得官朕

甚愍之訾筭四得官亡令廉士久失職貪夫長利

應劭曰古者限訾十筭廼得為吏十筭十萬也

姬妾

文帝紀

如淳曰姬者衆妾之總稱漢官儀曰姬妾數百外戚傳曰幸姬戚夫人師古曰姬者本周之姓貴於衆國之女

所以婦人美號皆稱姬焉

辟疆

文帝紀二年

趙王遂弟名辟疆

師王曰辟疆言辟禦疆梁者亦猶辟  
兵辟非耳

白公

溝洫志九

大始二年趙中大夫白公復奏穿渠引  
涇水首起谷口尾入櫟陽

鄭氏曰白姓師古曰公相呼尊長之  
稱耳

兩漢博聞卷第二終



國家圖書館, NATIONAL CENTRAL LIBRARY, TAIWAN, R.O.C.



八  
海  
內  
卷  
三  
三



西漢博聞卷第三目錄

前漢

更有三品 暴室 中二千石

佐酒 張飲 駃騠


擁彗 復道 乘傳

舍人 宿兵 柱國

詭辯 推會 一子不事

合從 約從 景從

頭會箕歛 同產子 縣官



渙汗

郵亭

左道

相訐

輦鼓

流庸

傳馬

馬口錢

緡錢

計帳

占租

倉廩

長楊五柞

橋度吏

侵漁

絕幕

栢梁臺

火耕水耨

泛駕之馬

躡弛

典屬國

水衡錢

健仔

便殿

士大夫

筭商車

漕渠

不肖

惡少年

緩頰

闕出

亢禮

三川

銜枚

老弱傅籍

甬道

陛下

三齊

花園

酒闌

賜告

繡衣直指

長揖

斬以徇

宗臣

法有祖

較然

藉橐



青瑣

濯歌

奉常

期門羽林

閑駒

少府

執金吾

水衡都尉

越騎

戊巳校尉

金璽監綬

徹侯

丞相

五兵

輪之司空

司隸

行在

雕上

渥洼馬

朝日夕月

先甲

舳艫

汗血馬

裏蹏金

小步馬

織嗇

晚節

計然

掌故

狼顧

服役

心計

齊民

均輸平準三木

闡茸

青社

宵人

劍論

園牆

少從

進執

積竹杖

仰藥

招權

采金鄱水



兩漢博聞卷第二目錄

兩漢博聞卷第三

更有三品

昭帝紀元鳳四年

如淳曰更有三品有卒更有踐更有過更古者正卒無常人皆當迭爲之一月一更是爲卒更貧者欲得顧更錢者次直者出錢顧之月二千是謂踐更也天下之人皆直戍邊三日亦名爲更律所謂繇戍也雖丞相子亦



在戍邊之調不可人人自行三日戍  
又行者當自戍三日不可往便還因  
使住一歲一更諸不行者出錢三百  
入官官以給戍者是爲過更也律說  
卒踐更者居也居更縣中五月乃更  
也後從尉律卒踐更一月休十一月  
也

志曰月爲更卒已復爲正一歲屯戍

一歲力役三十倍於古此漢初因秦  
法而行之也後遂改易有謫乃戍邊  
一歲耳更音工衡反又食貨志注師  
古曰更卒謂給郡縣一月而更者也  
正卒謂給中都官者也率計今人一  
歲之中屯戍及力役之事三十倍多  
於古也

暴室

宣帝紀 後漢桓帝鄧皇后傳

掖庭令張賀嘗事戾太子思顧舊恩哀  
曾孫豈帝爲取暴室嗇夫詐廣漢女

師古曰暴室者掖庭主織作染練之  
署故爲之暴室取暴曬爲名耳或云  
薄室者薄亦暴也今俗語亦云薄曬  
蓋暴室職務旣多因爲置獄主治其  
罪人故往往云暴室獄耳然本非獄  
名嗇夫者暴室屬官亦猶縣鄉之嗇

夫也

注云漢官儀曰暴室主宮中婦人疾  
病者其皇后貴人亦就此室也

中二千石

宣帝紀神爵四年

黃霸以治行尤異秩中二千石

師古曰霸舊已二千矣今增爲中二  
二千石以寵異之此與地節三年增  
膠東相王成秩其事同耳漢制秩二

千石者一歲得一千四百四十石實  
不滿二千石也其云中二千石者一  
歲得二千一百六十石舉成數言之  
故曰中二千石者滿也

佐酒

高帝紀十二年

上置酒沛宮悉召故人父老子弟佐酒

應劭曰助行酒

張飲

高帝紀

上過沛留止張飲三日

張晏曰張帷帳也張音竹亮反

馱馱

鄒陽傳二十一

蘇秦相燕人惡之燕王燕王按劍而怒  
食以馱馱

孟康曰馱馱駿馬也蘇秦雖有讒謗  
而更食以珍奇之味

擁彗

高帝紀六年

太公擁彗迎門卻行

李奇曰如今卒持帚也師古曰彗者所以掃也卻退而行也彗音似歲反

復道

高帝紀

上居南宮從復道上

如淳曰復音複上下有道故謂之復

乘傳

高帝紀五年

田橫乘傳詣雒陽未至三十里自殺

舍人

如淳曰律四馬高足爲置傳四馬中足爲馳傳四馬下足爲乘傳一馬二馬爲軺傳急者乘一乘傳師古曰傳者若今之驛古者以車謂之傳車其後又單置馬謂之驛騎傳音張戀反

蘇林曰藺相如爲宦者令舍人韓信爲侯亦有舍人師古曰舍人親近左

右之通稱也後遂以爲私屬官號又  
曹參傳注曰舍人猶家人也一說私  
屬官主家事者也

宿兵

韓安國傳二十二

韓安國曰孝文皇帝嘗壹擁天下之精  
兵聚之廣武常谿然終無尺寸之功孝  
文寤於兵之不可宿故復合和親之約  
師古曰宿久留也

柱國

應劭曰柱國上卿官也若相國矣

詭辯

韓王彭祖傳二十三

趙王彭祖爲人心刻深好法持律詭辯  
以中人

師古曰詭辯違道之辯也中傷也

擢會

趙王彭祖傳

趙王擅權使使即縣爲賈人擢會

韋昭曰平會兩家買賣之賈者擁者  
禁他家獨王家得爲之也師古曰即  
就也就諸縣而專擁賈人之會若今  
和市矣會音工外反

一子不事

賈山傳二十一

賈山曰陛下即位振貧民禮高年九十  
者一子不事八十者二筭不事

師古曰一子不事蠲其賦役二筭

事免二口之筭賦也

合從

項籍傳贊一

過秦論曰諸侯恐懼會盟而謀弱秦不  
愛珍器重寶肥饒之地以致天下之士  
合從締交相與爲一

師古曰締結也從子容反締大系反

約從

從橫

項籍傳贊

後漢馮衍傳

過秦論曰約從離橫

師古曰約誓爲從欲以分離爲橫橫  
謂秦也

馮衍顯志賦云毒從橫之敗俗

注云毒恨也關東爲從關西爲橫蘇  
秦事鬼谷先生爲從說說關東六國  
爲從親以畔秦會於洹水之上刳白  
馬而盟張儀與蘇秦同師爲關西橫  
說說關西六國令事秦皆尙誣詐不

遵道德

景從

項籍傳贊

天下雲合嚮應羸糧而景從

師古曰嚮讀曰響如響之應聲羸擔  
也景從言如影之隨形也

頭會箕歛

張耳傳二

頭會箕歛以供軍費

服虔曰吏到其家人人頭數出穀以

箕歛之

同產子

平帝紀元始元年

平帝即位令諸侯王公列侯關內侯亡子而有孫若子同產子者皆得以爲嗣師古曰子同產子者謂養昆弟之子爲子者

縣官

東平王宇傳五十

東平王宇曰今縣官年少

張晏曰不敢指斥成帝謂之縣官也

渙汗

元帝永光四年

後漢胡廣傳

詔曰政令多還民心未得

李奇曰還反也易曰渙汗其大號言王者發號施令如汗出不可復反胡廣曰政令如汗往而不反

郵亭

薛宣傳五十三

郵亭不修



師古曰郵行書之舍亦如今之驛及行道館舍也

左道

王商傳五十二

執左道以亂政

師古曰左道僻左之道謂不正

相訐

王商傳

父子相訐

師古曰訐告斥其罪也

鞞鼓

史丹傳五十二

師古曰鞞本騎上之鼓

流庸

昭帝紀

始元四年詔曰比歲不登民匱於食流庸未盡還

師古曰流庸謂去其本鄉而行爲人

庸作

傳馬

昭帝紀

張晏曰驛馬也

馬口錢

昭帝紀

元鳳二年詔曰其令郡國毋歛今年馬口錢

文穎曰往時有馬口出歛錢今省如淳曰所謂租及六畜也

緡錢

武帝紀元狩四年

李斐曰緡絲也以貫錢也一貫千錢

出筭二十也師古曰謂有儲積錢者計其緡貫而稅之緡武巾反

計帳

武帝紀

武帝元封五年明堂朝諸侯王列侯受郡國計

師古曰計若今之諸州計帳也

占租

昭帝紀

始元六年令民得以律占租

如淳曰律諸當占租者家長身各以其物占占不以實家長不身自書皆罰金二斤没入所不自占物及賈錢縣官也師古曰占謂自隱度其實定其辭也占章贍反又言占名數其義並同今猶謂獄訟之辨曰占皆其意也蓋武帝時賦歛繁多律外而取今始復舊

倉廩

昭帝紀

師古曰倉新穀所藏也廩穀所振入也

長楊五柞

宣帝紀

武帝疾往來長楊五柞宮

師古曰長楊五柞二宮並在盩厔皆以樹名也

橋虔吏

武帝紀

師古曰橋與矯同其字從手矯託也  
虔固也妄託上命而堅固為邪惡也

侵漁

宣帝紀

侵漁百姓

師古曰漁者若言漁獵也

絕幕

武帝紀元朔六年

衛青復將六將軍絕幕

應劭曰幕沙幕匈奴之南界也臣瓚

曰沙土曰幕直渡曰絕師古曰幕者  
即今之突厥中磧耳

柏梁臺

武帝紀元鼎二年

師古曰三輔舊事云以香柏為之今

書字皆從柏

火耕水耨

武帝紀

南之地火耕水耨

應劭曰燒草下水種稻草與稻並生

高七八寸因悉芟去復下水灌之草

死獨稻長所謂火耕水耨

泛駕之馬

武帝紀元封五年

師古曰泛覆也音方勇反字本作𩇛後通用耳覆駕者言馬有逸氣而不

循軌轍也

蹠弛

武帝紀

蹠弛之士

如淳曰士行有卓異不入俗檢而見斥逐者也師古曰蹠者蹠落無檢局也弛者放廢不遵禮度也蹠土各反弛式爾反

典屬國

昭帝紀始元六年

蘇武前使匈奴留單于庭十九歲廼還奉使全節以武爲典屬國

如淳曰以其久在外國知邊事故令

典主諸屬國師古曰典屬國本秦官漢因之掌歸義蠻夷屬官有九譯令後省并大鴻臚

水衡錢

宣帝紀

本始二年以水衡錢爲平陵徙民起第宅

應劭曰水衡與少府皆天子私藏耳縣官公作當仰給司農今出水衡錢

言宣帝即位爲異政也

健仔

昭帝紀

師古曰健接幸也仔美貌也故以名宮中婦官字或並從女音接余

便殿

武帝紀

師古曰凡言便殿便室便坐者皆非正大之處所以就便安也

子大夫

武帝紀

師古曰子者人之嘉稱大夫舉官稱也志在優賢故謂之子大夫也

筭商車

武帝紀

元光六年初筭商車

李奇曰始稅商賈車船令出筭

漕渠

武帝紀元光六年

穿漕渠通渭

如淳曰水轉運曰漕

不肖

武帝紀

師古曰肖似也不肖者言無所象類

謂不材之人也

惡少年

昭帝紀

發三輔及郡國惡少年吏有告劾亡者

屯遼東

師古曰惡少年謂無賴子弟也被告

劾而逃亡者

緩頰

高帝紀

漢王謂酈食其曰緩頰往說魏王豹

張晏曰緩頰徐言引譬喻也

間出

高帝紀

紀信曰事急矣曰請誑楚可以間出

師古曰間出投間隙私出若言間行  
微行耳紀信詐為漢王而王出西門  
遁是私出也

亢禮

高帝紀

師古曰亢當也高下相當無所卑屈  
不獨謂揖拜也

三川

高帝紀

沛公與項羽西略地至雍丘與秦軍戰  
大敗之斬三川守李由

應劭曰三川今河南郡也由李斯子  
也韋昭曰有河洛伊故曰三川



銜枚

高帝紀

章邯夜銜枚擊項梁

師古曰銜枚者止言語謹囂欲令敵人不知其來也周官有銜枚氏枚狀如箸橫銜之

老弱傅籍

高帝紀二年

蕭何發關中老弱未傅者悉詣軍

服虔曰傅音附如淳曰今老弱未嘗

傅者皆發之未二十三為弱過五十六為老師古曰傅著也言著名籍給公家徭役也

甬道

高帝紀

漢王築甬道屬河以取敖倉粟

應劭曰恐敵鈔輜重故築垣墻如街巷也鄭氏曰甬音踊師古曰屬聯也之欲反

陛下

高帝紀

應劭曰陛下者升堂之陛王者必有執兵陳於陛階之側群臣與至尊言不敢指斥故呼在陛下者而告之因卑以達尊之意也若今稱殿下閣下侍者執事皆此類也

三齊

田儼傳三

并三齊之地

師古曰齊及濟北膠東

苑囿

高帝紀

師古曰養鳥獸曰苑苑有垣曰囿所以種植謂之園

酒闌

高帝紀

文穎曰闌言希也謂飲酒者半罷半在謂之闌

賜告

高帝紀

高祖嘗告歸之田

孟康曰古者名吏休假曰告漢律吏二千石有予告有賜告予告者在官有功最法所當得也賜告者病滿三月當免天子優賜其告使得帶印綬將官屬歸家治病師古曰告者請謁之言謂請休耳或謂之謝謝亦告也左氏傳曰韓獻子告老禮記曰若不

得謝漢書諸云謝病皆同義

繡衣直指

百官公卿表七上

侍御史有繡衣直指

服虔曰指事而行無阿私也師古曰衣以繡者尊寵之也

長揖

高帝紀

師古曰長揖者手自上而極下也

斬以狗

高帝紀

師古曰徇行示也司馬法曰斬以徇

言使人將行徧示衆士以爲戒

宗○臣○

蕭曹傳贊 王莽傳六十九上

蕭曹位冠羣后聲施後世爲一代之宗

臣

師古曰言爲後世之所尊仰故曰宗

臣

法有祖

王莽傳

令大法有設後世有祖

師古曰祖始也以此爲法之始

較然

王莽傳

如此即羣下較然輸忠黎庶昭然感德

師古曰較明貌也

藉橐

元后傳六十八

車騎將軍音藉橐請罪

師古曰自坐橐上言就刑戮也

青瑣

元后傳

孟康曰以青畫戶邊鏤中天子制也  
師古曰青瑣者刻為連瑣文而青塗  
也

濯歌

元后傳

成都侯王商嘗病欲避暑從上借明光  
宮後又穿長安城引內灑水注第中大  
陂以行船立羽蓋張周帷輯濯越歌上

幸商第見穿城引水意恨內銜之

師古曰輯與楫同濯與權同皆所以  
行船也令執楫權人為越歌也輯謂  
權之短者也今吳越之人呼為橈者  
音饒越歌為越之歌

奉常

百官公卿表

師古曰太常王者旌旗也畫日月焉  
王有大事則建以行禮官主奉持之

故曰奉常也後改曰太常尊大之義也

期門

羽林

百官公卿表

宣帝神爵元年

期門羽林皆屬光祿勳

服虔曰與期門下次微行後遂以名官師古曰羽林亦宿衛之官言其如羽之疾如林之多也一說羽所以爲王者羽翼也

應劭曰天有羽林大將軍之星

閑駒

百官公卿表

太僕有龍馬閑駒橐泉駒駉承華五監長丞

如淳曰橐泉廄在橐泉宮下師古曰閑闌養馬之所也故曰閑駒駒駉出北海中其狀如馬駒徒高反駉音塗

少府

百官公卿表

少府秦官掌山海池澤之稅以給共養  
師古曰大司農供軍國之用少府以  
養天子也共居用反養弋亮反

執金吾

百官公卿表

師古曰金吾鳥名也主辟不祥天子  
出行職主先導以禦非常故執此鳥  
之象因以名官

水衡都尉

百官公卿表

張晏曰主都水及上林苑故曰水衡  
主諸官故曰都有卒徒武事故曰尉  
師古曰衡平也主平其稅入

越騎

百官公卿表

越騎校尉掌越騎

如淳曰越人內附以爲騎也師古曰  
宣紀言攸飛射士胡越騎又此有胡  
騎校尉掌胡騎與越騎校尉俱在八

校尉數

戊巳校尉

百官公卿表

師古曰甲乙丙丁庚辛壬癸皆有正位唯戊巳寄治耳今所置戊巳亦無常居故取戊巳爲名也有戊校尉有巳校尉一說戊巳居中鎮覆四方今所置校尉亦處西域之中撫諸國也

金璽螭綬

百官公卿表

晉灼曰螭草名也出琅邪平昌縣如艾可染綠因以爲綬名也師古曰璽之爲言信也古者印璽通名今則尊卑有別漢舊儀云諸侯王金璽橐佗鈕文曰璽謂刻云某王之璽

徹侯

百官公卿表

秦制爵二十級以賞功勞徹侯最貴金印紫綬漢避武帝諱曰通侯



師古曰徹言其爵位上通於天子

丞相

百官公卿表

秦有左右丞相

荀悅曰秦本次國命卿二人是以置左右丞相無三公官

五兵

吾丘壽王傳三十四

師古曰謂矛戟弓劍戈也

輸之司空

百官公卿表

宗正屬官有都司空令丞

如淳曰律司空主水及罪人賈誼曰輸之司空編之徒官

司隸

百官公卿表

司隸校尉持節從中都官徒千二百人師古曰以掌徒隸而巡察故云司隸中都官京師諸官府也

行在

武帝紀

師古曰天子或在京師或出巡狩不可豫定故言行在所耳不得亦謂京師爲行也

睢上

元帝紀元鼎四年

蘇林曰睢音誰如淳曰汾陰縣治睢之上后土祠在縣西汾在睢之北師古曰睢者以其形高起如人尻睢故以名云一說此臨汾水之上地本名

邠音與蔡同彼鄉人呼蔡音如誰故轉而爲睢字故漢舊儀云蔡上

渥洼馬

武帝紀

馬生渥洼水中

李斐曰南陽新野有暴利長當武帝時遭刑屯田燉煌界數於此水旁見群野馬中有奇異者與凡馬來飲此水利長持勒鞞收得其馬獻之欲神

異此馬云從水中出師古曰渥音握

注於佳反

朝日夕月

武帝紀元鼎五年

師古曰春朝朝日秋暮夕月蓋常禮也郊泰時而揖日月此又別儀

先甲

武帝紀

詔曰辛亥夜若景光十有二明易曰先甲三日後甲二日朕飭躬齊戒丁酉拜

况于郊

師古曰况賜也辛夜有光是先甲三日也丁日拜况是後甲三日也故詔

引易文

舳舻

武帝紀元封五年

舳舻千里

李斐曰舳船後持柁處也舻船前頭刺櫂處也言其船多前後相銜千里

不絕也舳音軸臚音盧

汗血馬

武帝紀大初四年西域大宛國傳

貳師將軍李廣利斬大宛王首獲汗血馬來作西極天馬之歌

孟康曰言大宛國有高山其上有馬不可得因取五色母馬置其下與集生駒皆汗血因號曰天馬子云  
應劭曰大宛舊有天馬種蹋石汗血

汗從前膊出如血號一日千里師古曰蹋石者謂蹋石而有跡言其蹏堅

利

裹蹏金

武帝紀太始二年

詔曰泰山見黃金宜改故名今更黃金為麟趾裹蹏以協瑞焉因以班賜諸侯王

師古曰武帝欲表祥瑞故普改鑄為

麟足馬蹠之形以易舊法耳今人往  
往於地中得馬蹠金甚精好形製巧  
妙裏奴了反

小步馬

西域傳六十六注

烏耗國出小步馬

師古曰小細也細步言其能蹠足即  
今所謂百步千跡者也烏一加反耗  
直加反

熾嗇

孔氏傳六十一

師古曰熾細也與纖同嗇愛也細吝  
於財利也

晚節

石顯傳六十二

元帝晚節寢疾

師古曰晚節猶言末時也

計然

貨殖傳六十一

勾踐困於會稽之上迺用范蠡計然

孟康曰姓計名然越臣也師古曰據古今人表計然列在第四等計然一號計研故賓戲云研桑心計於無垠即爲此耳計然者濮上人也博學無所不通尤善計筭嘗南遊越范蠡卑身事之其書則有萬物錄著五方所出皆直還之事見皇覽及晉中經簿又吳越春秋及越絕書並作計倪此

則倪研及然聲皆相近實一人耳

掌故

鼂錯傳十九

鼂錯以文學爲大常掌故

應劭曰掌故六百石吏主故事

狼顧

食貨志四上

失時不雨民且狼顧

李奇曰狼性怯走喜還顧言民見天不雨今亦恐也

服役

食貨志

今農夫五口之家其服役者不下二人  
師古曰服事也給公事之役也

心計

食貨志四下

桑弘羊洛陽賈人之子以心計年十三  
侍中

師古曰心計不用籌筭

齊民

食貨志

如淳曰齊等也無有貴賤謂之齊民  
若今言平民矣

均輸

平準

食貨志

桑弘羊為治粟都尉領大農請置大農  
部丞數十人分主郡國置均輸鹽鐵官  
令遠方各以其物如異時商賈所轉販  
者為賦而相權輸置平準於京師都受  
天下委輸大農諸官盡籠天下之貨物

貴則賣之賤則買之如此富商大賈亡  
所牟大利則反本而萬物不得騰躍故  
曰平準

三木

司馬遷傳三十二

魏其衣赭關三木

師古曰三木在頸及手足

關茸

司馬遷傳

師古曰關茸狠賤也關下也茸細毛

也言非豪傑也關吐合反茸人勇反  
又賈誼傳注關茸下材不肖之人也

青社

齊懷王傳三十三

皇帝使御史湯廟立子閔爲齊王曰受

茲青社

師古曰於廟授策也張晏曰王者以  
五色土爲大社封四方諸侯各以其  
方色與之苴以白茅歸以立社



宵人

廣陵屬王傳三十三

應劭曰無適近小人也

劔論

司馬遷傳

司馬氏在趙者以傳劔論顯

服虔曰世善劔也師古曰劔論者能說劔術也論來頓反

圜牆

司馬遷傳

幽於圜牆之中

少從

張騫傳三十一

師古曰圜牆獄也周禮謂之圜土

師古曰漢時謂隨使而出外國者為少從總言其少年而從使也從材用反

進孰

張騫傳

大宛以西皆自恃遠尚驕恣漢使往既多其少從率進孰於天子言大宛有善

馬

師古曰進孰者但空進成熟之言

積竹杖

昌邑王傳三十三

昌邑王徵詣長安爲昭帝嗣到濟陽求長鳴雞道買積竹杖

文穎曰合竹作杖也

仰藥

息天躬傳十五

師古曰仰首而飲藥也

招權

季布傳七

辯士曹丘往數招權顧金錢事貴人趙談等

師古曰言招求貴人威權因以請託故得他人顧金錢也

采金鄱水

地理志八上

孟康曰鄱陽鄱音婆師古曰采者取金之處

三ノ百九十一ノ三

三ノ百九十一ノ三

兩漢博聞卷第三終



國家圖書館, NATIONAL CENTRAL LIBRARY, TAIWAN R.O.C.

兩漢博聞卷第四目錄

前漢

治行

獄市

事刃

封人頸

阪上走丸

申子學

任俠

冠玉

端門

從理入口

簿責

四皓

銜檄

詐偽萌生

翁主

王主

軌躅

偶人

左驗

城門候

橋正

小生

畔換

君侯

子絲

行馳道

丈人

鈺鼓

亞將

射鵰

濂蔭

闔尹

奪適

祁連山

躡鞠

冢象祁連

求雨

旬歲

泉山

承明廬

威稜

鑿坏

官騎

周陞

旒旗

文鷁

榜人

反騷

廣騷 畔牢愁

品藻

咫尺之書

枉矢

天狗

常伯

法從

殊庭

首級

禪王

大黃

從橫短長術

三尺法

箴石

褻然

數奇

居無何

烏號

不世之功

鼎鼐

十二樓

箭服

伏祠

臬鏡

縉紳

綿蕞

九賓

鴟夷

傾蓋

統斷幹

文甲

五諸侯

復除

拔城

穀噉

急就篇

八體

六體

秦篆

竹皮冠

能

擊筑

三雍

蹲鴟

感槩

五陵

二府

交戟

置醴

枕中書

印刻

馮軾

間路

葬驪山

騶騎

凌室

間者

弋綈

太夫人

醪

指縱

棧道

鴆酒

引強

殿兵

鈍如椎

酒家保

遮虜障

穹廬

成蹊

爰臂

厥角齧首

門牡飛

九流

初用夏正高里

犇命

封君

即山鑄錢

磨錢質取鎔

皮幣

苑馬

商顏

黔首

鵠冠

雉經

牢讓

咀藥

劒璣

秒忽

置亭

離飢寒

金選之品

名數

首鼠兩端

睢陽曲

兩漢博聞卷第四目錄



國家圖書館, NATIONAL CENTRAL LIBRARY, TAIWAN, R.O.C.





兩漢博聞卷第四

治行

曹叅傳九

蕭何薨曹叅聞之告舍人趣治行

師古曰舍人猶家人也一說私屬官

主家事者也趣讀曰促謂速也治行

謂脩行治裝也

獄市

曹叅傳

曹叅屬其後相曰以齊獄市爲寄曰夫



獄市者所以并容也今君擾之姦人安所容乎

孟康曰夫獄市者兼受善惡若窮極姦人姦人無所容竄久且爲亂秦人極刑而天下畔孝武峻法而獄繁此其效也師古曰老子云我無爲民自化我好靜民自正衆欲以道化爲本不欲擾其末也

事刃

崩通傳十五

崩通爲范陽令曰足下殺人之父孤人之子慈父孝子不敢事刃於公之腹者畏秦法也

李奇曰東方人以物甬地中爲事師古曰事音側吏反字本作傳

封人頸

王莽傳六十九中

王莽下書曰妄封人頸得錢者去

如淳曰權臣妄以法枉其人爲僮僕封其頸以別之也得顧錢乃去封

阪上走丸○  
○ 崩通傳

崩通曰范陽令先下而身富貴邊城必相率降如阪上走丸也

師古曰言乘勢便易

申子學

張歐傳十六

張歐孝文時以治刑名侍太子

師古曰劉向別錄云申子學號曰刑名刑名者循名以責實其尊君卑臣崇上抑下合於六經說者云刑刑家名名家即太史公所論六家之二也此說非歐音驅

任俠

季布傳七

應劭曰任謂有堅完可任託以事也如淳曰相與信爲任同是非爲俠師

古曰任謂任使其氣力俠之言挾也  
以權力俠輔人也任音人禁反俠音  
下頰反

冠玉

陳平傳十

或讒陳平曰平雖美丈夫如冠玉耳其  
中未必有也

孟康曰飾冠以玉光好外見中非所  
有也

端門

周勃傳十

師古曰端門殿之正門

從理入口

周勃傳

許負相周亞夫君後三歲而侯侯八歲  
為將相後九歲而餓死負指其口曰從  
理入口此餓死法也亞夫果封條侯為  
將軍拜太尉下廷尉不食五日死

師古曰從豎也音子容反

簿責周勃傳

周亞夫下吏吏簿責亞夫

如淳曰簿問其辭情師古曰簿問者書之於簿一一問之也

四皓

王貢兩龔傳序四十二

漢興有東園公綺里季夏黃公角里先生

師古曰四皓稱號本起於此更無姓

名可稱知此蓋隱居之人匿跡遠害不自標顯秘其氏族故史傳無得而詳至於後代皇甫謐圈稱之徒及諸地理書說竟爲四人施安姓字自相錯互語又不經班氏不載於書諸家皆臆說今並棄略一無取焉

後○檄○

王吉傳四十二 司馬相如傳二十七下

師古曰銜馬銜也檄車鉤心也張揖

以櫛爲馬之長銜非也櫛音其月反  
又注司馬相如諫獵書曰銜檠之變  
言馬銜或斷鉤心或出則致傾敗以  
傷人也

詐僞萌生

王吉傳

師古曰萌生言其事出如草木之初

生

翁主

王吉傳

高帝紀又注

漢家列侯尚公主諸侯則國人承翁主  
晉灼曰娶天子子女曰尚公主國人娶  
諸侯女曰承翁主尚承皆卑下之名  
也師古曰翁主者言父自主婚也

王主

成帝紀建始元年

張晏曰王主王之女也師古曰王主  
即翁主也主自主婚故曰王主

軌躅

敘傳七十一上

伏周孔之軌躅

鄭氏曰躅迹也三輔謂牛蹄處爲躅

音丈欲反

偶人

公孫賀傳三十六

朱安世自獄中上書告公孫賀之子敬  
聲與陽石公主私通及使人巫祭祠詛  
上且上甘泉當馳道理偶人賀父子死  
獄中家族巫蠱之禍起自朱安世成於

江充遂及公主皇后太子皆敗

師古曰刻木爲人象人之形謂之偶  
人偶並也對也

左驗

楊惲傳三十六

張湯傳二十九

楊惲下廷尉廷尉于定國考問左驗明

白

師古曰左證左也言當時在其左右  
見此事者也又張湯傳注李奇曰左

證左也師古曰謂之左者言除罪人  
正身之外又取其左右者考問也

城門候蔡義傳三十六

師古曰門候主候時而開閉也

橋正劉屈氂傳三十六

橋當世反諸正

師古曰正曲曰橋橋讀與矯同其字  
從手

小生朱雲傳三十七

丞相薛宣留朱雲宿因謂曰且留我東  
閣可以觀四方奇士雲曰小生廼欲相  
吏邪宣不敢復言

師古曰小生謂其新學後進言欲以  
我為吏乎

畔換敘傳七十下

項氏畔換黜我巴漢



孟康曰畔反也換易也不用義帝要  
換易與高祖漢中也師古曰此說非  
也畔換強恣之貌猶言跋扈也詩大  
雅皇矣篇曰無然畔換

君侯

劉瓛傳三十六

如淳曰漢儀注列侯爲丞相稱君侯  
師古曰惲傳丘常謂惲爲君侯是則  
通呼列侯之稱耳非必丞相也

子絲

敘傳

子絲慷慨

師古曰爰益字絲此加子者是嘉稱  
以偶句耳

行馳道

鮑宣傳四十二

丞相孔光四時行園陵官屬以令行馳  
道中

如淳曰令諸侯有制得行馳道中者

行旁道無得中央三丈也

成帝紀云不敢絕馳道

應劭曰馳道天子所行道也若今之中道

丈人

疏廣傳四十一

師古曰丈人嚴莊之稱也故親而老者皆稱焉

鉦鼓

東方朔傳三十五 平帝紀元始二年

師古曰鉦鼓之教鉦鼓所以爲進退士衆之節也

平帝紀遣執金吾侯陳茂行邊兵假以鉦鼓

應劭曰將帥乃有鉦鼓今茂官輕兵少又但往諭曉之耳所以假鉦鼓者欲重其威也鉦者饒也似鈴柄中上下通師古曰鉦音征饒音女交反

亞將灌嬰傳十一

虜亞將周蘭

師古曰亞次也

射鵬李廣傳二十四

文穎曰鵬鳥也故使善射者射之師古曰鵬大鷲鳥也一名鷲黑色翮可以為箭羽音彫

遽蔭

師古曰遽蔭口柔觀人顏色而為辭佞也

闞尹敘傳下

師古曰謂宦人為闞者言其精氣奄閉不泄也一曰主奄閉門者尹正也

奪嫡梅福傳三十七

諸侯奪宗聖庶奪嫡

如淳曰奪宗始封之君尊為諸侯則

一ノ天湯首尾考口

二

奪其舊為宗子之事也奪嫡文王舍伯邑考而立武王是也孔子雖庶可為殷後師古曰適讀曰嫡

祁連山

霍去病傳二十五

霍去病出北地遂深入至祁連山

師古曰祁連山即天山也匈奴呼天

為祁連祁音上夷反

躡鞞

去病傳

去病在塞外卒乏糧而去病尚穿城躡鞞也

服虔曰穿地作鞞室也師古曰鞞以皮為之實以毛蹇躡而戲也躡音徒臘反鞞音距六反

冢象祁連

去病傳

霍去病薨上悼發屬國玄甲軍陳自長安至茂陵為冢象祁連山

二ノ天湯首尾考口

二

師古曰在茂陵旁冢上有豎石冢前有石人馬者是也

求雨

董仲舒二十六

董仲舒爲江都相治國以春秋災異之變推陰陽所以錯行故求雨閉諸陽縱諸陰其止雨反是

師古曰若謂閉南門禁舉火及開北門水灑人之類是也

旬歲

翟方進傳五十四

翟方進爲丞相司直旬歲間免兩司隸朝廷憚之

師古曰旬徧也滿也旬歲猶言滿歲也若十日之一周

泉山

朱買臣傳三十四

東越王居保泉山

師古曰泉山即今泉州之山也保者

保守之以自固也

承明廬

嚴助傳三十四

賜會稽太守嚴助詔曰君厭承明之廬

張晏曰承明廬在石渠閣外直宿所

止曰廬

威稜

李廣傳二十四

威稜憺乎鄰國

李奇曰神靈之威曰稜憺動也憺音

徒濫反

鑿坏

楊雄傳五十七下

應劭曰鑿坏謂顏闔也魯君聞顏闔

賢欲以爲相使者往聘因鑿後垣而

亡也坏音陪又音普回反

宦騎

蘇武傳二十四

師古曰宦騎宦者而爲騎也

周陔

楊雄傳

以罔爲周陸

李奇曰陸遮禽獸圍陳也陸音祛

旄旗

藝文志十

師古曰畫龜蛇曰旄鳥隼曰旗

謚

司馬相如傳二十七下

師古曰謚者行之迹也

文鷁

相如傳二十七

浮文鷁

張揖曰鷁水鳥也畫其象於船首淮

南子曰龍舟鷁首天子之乘也

榜人

相如傳

榜人歌

張揖曰榜船也月令云命榜人榜人

船長也主倡聲而歌者也榜音謗又

方孟反

屬車

相如傳二十七下

應劭曰古者諸侯貳車九乘秦滅九國兼其車服漢依秦制故大駕屬車八十一乘師古曰屬者言相連續不絕也

反騷

廣騷

畔牢愁

楊雄傳五十七上

楊雄讀屈原離騷文未嘗不流涕以爲君子遇不遇命也何必湛身哉

湛讀曰沈謂投

水而死

迺作書往往撫離騷文而反之自

岷山投書江流以弔屈原名曰反離騷

又旁離騷作重一篇名曰廣騷又旁惜

誦以下至懷沙一卷名曰畔牢愁

師古曰旁依也音步浪反其下類此

重音直用反李奇曰畔離也牢聊也

與君相離愁而無聊也師古曰惜誦

懷沙皆屈原所作九章中名也

品藻

揚雄傳五十七下



仲尼之後訖于漢道德行顏閔股肱蕭  
曹爰及名將尊卑之條稱述品藻譏淵  
騫

師古曰品藻者定其差品及文質

咫尺之書

韓信傳四

奉咫尺之書以使燕燕必不敢不聽

師古曰八寸曰咫尺咫尺者言其簡牘  
或長咫或長尺喻輕率也今俗言尺

書或言尺牘蓋其遺語耳

枉矢

劉向傳六

枉矢夜光

應劭曰流星也其射如矢蛇行不正  
故曰枉矢流以亂伐亂蘇林曰有聲  
爲天狗無聲爲枉矢

天狗

劉向傳

孝昭時有大星如月西行衆星隨之此

為特異孝宣興起之表天狗夾漢而西

李奇曰流星也下墮地為天狗皆祆

星

常伯 谷永傳五十五

戴金貂之節執常伯之職

師古曰常伯侍中也伯長也常使長

事者也一曰常任使之人此為長也

法從 楊雄傳五十七上

趙昭儀方大幸每上甘泉常法從

師古曰法從者以言法當從耳非失

禮一日從法駕也

殊庭 郊祀志五下

師古曰殊庭蓬萊中仙人庭也

首級 衛青傳三十五

斬輕銳之卒捕伏聽者三千一十七級

張晏曰伏於隱處聽軍虛實師古曰

本以斬敵一首拜爵一級故謂一首  
爲一級因復名生獲一人爲一級也  
秦法斬首一賜爵一級

裨王

衛青傳

漢兵圍右賢王右賢王驚夜逃潰圍北  
去輕騎校尉郭成等追數百里弗得得  
右賢裨王十餘人

師古曰裨王小王也若言裨將也

大黃

李廣傳二十四

李廣自以大黃射其裨將

服虔曰黃肩弩也孟康曰太公陷堅  
卻敵以大黃參連弩也晉灼曰黃肩  
即黃間也大黃其大者也師古曰服  
晉二說是也

從橫短長術

張湯傳二十九

藝文志下

邊通學短長官至濟南相

應劭曰長短術興於六國時短長其語隱謬用相激怒也張晏曰蘇秦張儀之謀趣彼爲短歸此爲長戰國策名短長術也

主父偃學短長從橫術

藝文志云從橫家者流蓋出於行人之官孔子曰誦詩三百使於四方不能顯對雖多亦奚以爲

師古曰謂人不達於事誦詩雖多亦無所用

三尺法

杜周傳二十

客謂廷尉杜周曰君爲天下決平不循三尺法專以入主意指爲獄獄者固如是乎

孟康曰以三尺竹簡書法律也

箴石

藝文志

師古曰箴所以刺病也石謂砭石即  
石箴也古者攻病則有砭今其術絕  
矣箴音之林反砭音彼廉反

褒然

董仲舒傳二十六

子大夫褒然爲舉首

張晏曰褒進也爲舉賢良之首也師  
古曰褒然盛服貌也

數竒

李廣傳

大將軍陰受上指以爲李廣數竒

孟康曰竒隻不耦也如淳曰數爲匈  
奴所敗爲竒不耦師古曰言廣命隻  
不耦合也孟說是矣數音所角反竒  
音居宜反

居無何

李廣傳

師古曰無何謂未多時也

烏號

司馬相如傳二十七上  
郊祀志五上

左烏號之雕弓

應劭曰楚有柘桑鳥栖其上支下著地不得飛欲墮號呼故曰烏號

郊祀志黃帝采首山銅鑄鼎於荆山下鼎既成有龍垂胡髯下迎黃帝黃帝上騎群臣後宮從上龍七十餘人龍迺上去餘小臣不得上迺悉持龍顛龍顛拔墮墮黃帝之弓百姓仰望黃帝既上天

乃抱其弓與龍顛號故後世名其處曰鼎湖其弓曰烏號於是天子曰嗟乎誠得如黃帝吾視去妻子如脫屣耳

師古曰屣小履脫屣者言其便易無所顧也

不世之功

後漢隗囂傳三附

是下將建伊呂之業弘不世之功

注云不世者言非世之所常有也

鼎 郊祀志

鼎及鼎

師古曰鼎絕大者謂之鼎園弁上謂之鼎音乃代反鼎音茲

十二樓

郊祀志五下

方士有言黃帝時爲五城十二樓以候神人名曰迎年

應劭曰昆侖玄圃五城十二樓仙人

之所常居師古曰迎年若云祈年

箭服

相如傳

右夏服之勁箭

伏儼曰服盛箭器也夏后氏之良弓名繁弱其矢亦良即繁弱之箭服也師古曰箭服即今之步叉也

伏祠

郊祀志五上

秦德公作伏祠

孟康曰六月伏日也周時無至此乃有之師古曰伏者謂陰氣將起迫於殘陽而未得升故爲藏伏因名伏日也立秋之後以金代火金畏於火故至庚日必伏庚金也

梟鏡

郊祀志

人有言古天子常以春解祠祠黃帝用一梟破鏡

張晏曰黃帝五帝之首也春歲之始也梟惡逆之鳥方士虛誕云以歲始破除凶災令神仙之帝食惡逆之物使天下爲逆者破滅訖竟無有遺育也孟康曰梟鳥名食毋破鏡獸名食父黃帝欲絕其類使百吏祠皆用之破鏡如羆而虎眼如淳曰漢使東郡送梟五月五日作梟羹以賜百官以



其惡鳥故食之也師古曰解祠者謂  
祠祭以解罪求福

縉紳

郊祀志

李奇曰縉插笏於紳紳大帶也臣瓚  
曰縉赤白色紳大帶也左氏傳有縉  
雲氏師古曰李云縉插是也字本作  
楮插笏於大帶與革帶之間耳或作  
薦紳者亦謂薦笏於紳帶之間其義

同

縣蕞

叔孫通傳十三

叔孫通與其弟子百餘人爲縣蕞野外  
應劭曰立竹及茅索營之習禮儀其  
中也如淳曰謂以茅剪樹地爲纂位  
尊卑之次也春秋傳曰置茅蕞師古  
曰蕞與蕞同並子悅反如說是也

丸賓

叔孫通傳

大行設九賓臚句傳

蘇林曰上傳語告下爲臚下告上爲句也韋昭曰大行掌賓客之禮今之鴻臚也九賓則周禮九儀也謂公侯伯子男孤卿大夫士也

鴟夷

范蠡傳六十一

鄒陽傳二十一

師古曰范蠡自號鴟夷子皮者言若盛酒之鴟夷多所容受而可卷懷與

時張弛也鴟夷皮之所爲故曰子皮應劭曰吳王取馬革爲鴟夷受伍子胥沉之江鴟夷楛形師古曰即今之盛酒鴟夷勝

傾蓋

鄒陽傳

鄒陽上梁孝王書語曰白頭如新傾蓋如故何則知與不知也

孟康曰初相識至白頭不相知文穎

曰傾蓋猶交蓋駐車也

統斷幹

枚乘傳二十一

泰山之雷穿石單極之統斷幹

孟康曰西方人名屋梁爲極單一也  
一說梁謂井鹿盧也言鹿盧爲綆索  
久缺斷井幹也晉灼曰統古綆字也  
單盡也盡極之綆斷幹井上四交  
之幹常爲汲索所契傷也師古曰晉

說近之幹者交木井上以爲欄者也

孟云鹿盧失其義矣統綆皆音鯁

契皆刻也音口計反

文甲

東方朔傳符傳

後漢杜篤傳

後漢王

師古曰璚瑁文甲也廣志曰璚瑁形  
似龜出南海吳錄曰璚瑁似龜而大

五諸侯

高帝紀二年

羽雖聞漢東旣擊齊欲遂破之而後擊

NTR

圖書

NATIONAL CENTRAL LIBRARY

圖書

漢漢王以故得劫五諸侯兵

師古曰五諸侯者謂常山河南韓魏  
殷也此年十月常山王張耳降河南  
王申陽降韓王鄭昌降三月魏王豹  
降虜殷王卬

復除

高帝紀二年

蜀漢民給軍事勞苦復勿租稅二歲  
師古曰復者除其賦役也音方目反

拔城

高帝紀秦二年

攻碭三日拔之

師古曰拔者克城邑而取之言若拔  
樹木并得其根

穀噉

郊祀志五下

師古曰噉少意也言穀稼少噉音苦  
簞反

急就篇

藝文志十

元帝時黃門令史游作急就篇成帝時  
李長作尚篇皆蒼頡中正字也

八體藝文志

韋昭曰八體一曰大篆二曰小篆三  
曰刻符四曰蟲書五曰摹印六曰署  
書七曰殳書八曰隸書

六體藝文志

六體者古文奇字篆書隸書繆篆蟲書

師古曰古文謂孔子壁中書奇字即  
古文而異者也篆書謂小篆蓋秦始  
皇使程邈所作也隸書亦程邈所獻  
主於徒隸從簡易也始造隸書起於  
官獄多事苟趨  
省易施之繆篆謂其文屈曲纏繞所  
於徒隸也以摹印章也蟲書謂爲蟲鳥之形所  
以書幡信也

秦篆藝文志

史籀篇者周時史官教學童書也與孔氏壁中古文異體蒼頡七章者李斯所作也博士七章者胡毋敬所作也文字多取史籀篇而篆體復頗異所謂秦篆也

竹皮冠

高帝紀

應劭曰以竹始生皮作冠今鵲尾冠是也文穎曰高祖居貧志大取其約

省與衆有異韋昭曰竹皮竹筠也今南夷取竹紉時續以爲帳師古曰竹皮箏皮謂箏上所解之籜耳非竹筠也今人亦往往爲箏皮巾古之遺制也

能高帝紀

吾非敢自愛恐能薄

師古曰能謂材也能本獸名形似熊

足似鹿爲物豎中而強力故人謂有賢材者皆爲能

擊筑

高帝紀十二年

後漢延篤傳五十

高祖過沛留置酒沛宮酒酣上擊筑而歌

鄧展曰筑音竹應劭曰狀似琴而大頭安弦以竹擊之故名曰筑師古曰今筑形似瑟而細頸也後漢書注云

說文曰筑五弦之樂沈約宋書曰筑不知誰所造也史記唯云高漸離擊筑案今筑形似箏有項有柱史記荆軻至燕日與屠狗及高漸離擊筑荆軻和而歌於市中相樂已而相泣旁若無人

三雍

河間獻王傳二十三

河間獻王武帝時來朝獻雅樂對三雍

宮

應劭曰辟雍明堂靈臺也雍和也言  
天地君臣人民皆和也又漢書音義  
曰皆叶天人雍和之氣爲之故謂三  
雍

蹲鴟

貨殖傳六十一

蜀卓氏曰吾聞嶧山之下沃壑下有跋  
鴟至死不飢

師古曰蹲鴟謂芋也其根可食以充  
糧故無飢年華陽國志曰汝山郡都  
安縣有大芋如蹲鴟也

感槩

郭解傳六十二 季布傳七

郭解少時陰賊感槩

師古曰陰賊者陰懷賊害之意也感  
槩者感意氣而立節槩也

季布傳贊曰婢妾賊人感槩而自殺



非能勇也

五陵

原涉傳六十二

師古曰五陵謂長陵安陵陽陵茂陵平陵也班固西都賦曰南望杜霸北眺五陵是知霸陵杜陵非此五陵之數也而說者以爲高祖以至茂陵爲五陵失其大意

二府

劉向傳六

如淳曰二府謂丞相御史大夫府也亦曰兩府也

交戟

劉向傳

佞邪與賢臣並在交戟之內

師古曰交戟謂宿衛者

置醴

楚元王傳六

魯穆生受詩於浮丘伯楚元王好詩以穆生爲中大夫穆生不嗜酒元王每置

酒常爲穆生設醴及王戊即位常設後  
忘設焉穆生退曰可以逝矣醴酒不設  
王之意怠楚人將鉗我於市稱疾卧

師古曰醴甘酒也少麴多米一宿而  
熟味齊也

枕中書 劉向傳

宣帝與神仙方術之事而淮南有枕中  
鴻寶苑祕書言神仙使鬼物爲金之術

及鄒衍重道延命方世人莫見而劉更  
生父德武帝時治淮南獄得其書更生  
幼而讀誦以爲竒獻之言黃金可成上  
令典尚方鑄作事費甚多方不驗

師古曰鴻寶苑祕書並道術篇名藏  
在枕中言常存錄之不漏泄也

印刻

韓信傳四

韓信曰項王使人有功當封爵刻印刻

忍不能予

蘇林曰刖音刖角之刖刖與搏同手  
弄角訛不忍授也師古曰刖音五九  
反搏音大官反

馮軾

酈食其傳十三

酈食其馮軾下齊七十餘城

師古曰馮讀曰憑憑據也軾車前橫  
板隆起者也云憑軾者言但安坐乘

車而游說不用兵衆

間路

韓信傳

黥布傳四

韓信欲東下井陘擊趙李左車說趙王  
曰願假臣等兵三萬人從間路絕其輜  
重

師古曰間路微路也

黥布先從間道破關下軍

師古曰間道微道也

葬驪山 劉向傳

秦始皇葬於驪山之阿下錮三泉上崇山墳高五十餘丈石椁爲游館人膏爲燈燭水銀爲江海黃金爲鳧雁珍寶之藏機械之變棺槨之麗宮館之盛不可勝原又多殺官人生薶工匠計以萬數驪山之作未成而周章百萬之師至其下矣項籍燔其宮室往者咸見發掘其

後牧兒亡羊羊入其鑿牧者持火照求羊失火燒其藏槨

師古曰石椁爲游館者多累石於壙中以爲離宮別館也孟康曰作機發木人之屬盡其巧變也晉灼曰始皇本紀命匠作機弩矢有所穿近輒射之又言工匠爲機咸皆知之已下門羨門皆殺工匠也師古曰不可勝原

者言不能盡其本數也周章陳勝之將也往者皆發掘之以求財物也鑿謂所穿冢藏者音在剥反

騶騎

惠帝紀

東方朔傳又注

應劭曰騶騶騎也師古曰騶本廢之馭者後又令爲騎因爲騶騎耳

凌室

惠帝紀

武帝紀又注

師古曰凌室藏冰之室也

間者

文帝紀

師古曰間者猶言中間之時也

弋綈

文帝紀贊

文帝身衣弋綈

如淳曰弋皂也賈誼曰身衣皂綈師古曰弋黑色也綈厚繒音大奚反

太夫人

文帝紀

如淳曰列侯之妻稱夫人列侯死子

復爲列侯乃得稱太夫人子不爲列侯不得稱也

醪文帝紀

師古曰醪汗滓酒也

指縱

蕭何傳九

功臣皆曰蕭何未有汗馬之勞俱臣等上何也上曰諸君知獵乎夫獵追殺獸者狗也而發縱指示獸處者人也

師古曰發縱謂解紿而放之也指示者以手指示之俗言放狗縱音子用反而讀者乃爲蹤蹟之蹤非也書本皆不爲蹤字自有逐蹤之狗不待人發也

棧道

高帝紀

張良說漢王燒絕棧道

師古曰閣道也



也應劭曰今俗名拙語爲椎儲師古  
曰椎謂樸鈍如椎也音直推反

酒家保

樂布傳七

樂布窮困賣庸於齊爲酒家保

孟康曰酒家作保保庸也可保信故  
謂之保師古曰謂庸作受顧也爲保  
謂保可任使

遮虜障

李陵傳二十四

師古曰障者塞上險要之處徃徃修  
築別置候望之人所以自障蔽而伺

敵也遮虜障名也

穹廬

匈奴傳六十四上

師古曰穹廬旃帳也其形穹隆故曰  
穹廬

成蹊

李廣傳贊二十四

諺曰桃李不言下自成蹊



師古曰蹊謂徑道也言桃李以其華實之故非有所招呼而人爭歸趣來往不絕其下自然成徑以喻人懷誠信之心故能潛有所感也

爰臂

李廣傳

李廣爰臂

如淳曰臂如援臂通肩也

厥角齧首

諸侯王表二

王莽因母后之權漢諸侯王厥角齧首應劭曰厥者頓也角者額角也齧首首至地言王莽漸漬威福漢之王侯莫敢怨望皆頓角齧首至地而上其璽綬也晉灼曰厥猶豎也叩頭則額角豎齧與稽同

門牡飛

五行志七中之上

成帝元延元年長安章城門門牡自亡

函谷關次門牡亦自亡

晉灼曰章城門者西出南頭第一門也師古曰牡所以下閉者也亦以鐵爲之韋昭曰次門者函谷關邊小門也師古曰非行人所由蓋關司曹府所在之門也

京房易傳曰飢而不損茲謂泰厥災水厥咎牡亡妖辭曰關動牡飛辟爲士道

臣爲非厥咎亂臣謀篡故谷永對曰章城門通路寢之路函谷關距山東之險城門關守國之固固將去焉故牡飛也

九流 藝文志十

儒家者流出於司徒之官道家者流出於史官陰陽家者流出於羲和之官法家者流出於理官名家者流出於禮官墨家者流出於清願之守從橫家者流

出於行人之官雜家者流出於議官農家者流出於農稷之官小說家者流出於稗官諸子十家其可觀者九家而已皆起於王道既微諸侯力政時君世主好惡殊方是以九家之術蠡出並作師古曰稗音穉稗之稗稗官小官漢名臣奏唐林請省置吏公卿大夫至都官稗官各減什三是也

初用夏正

高里

武帝紀

太初元年冬十月行幸泰山十一月甲子朔旦冬至祀上帝于明堂十二月檀高里

應劭曰初用夏正以正月爲歲首故改年爲太初也高里者伏儼曰山名在泰山下師古曰此高字自作高下之高而死人之里謂之蒿里或呼爲

下里者也字即爲蓬蒿之蒿或者旣見太山神靈之府高里山又在其旁即誤以高里爲蒿里混同一事文學之士共有此謬陸士衡尙不免况其餘乎今流俗書本此高字有作蒿者

妄加增耳

犇命

昭帝紀

始元元年益州犇柯等皆反遣水衡都

尉呂破胡募吏民及發犍爲蜀郡苑馬擊益州大破之

應劭曰舊時郡國皆有材官騎士以赴急難今夷反常兵不足以討之故權選取精勇聞命奔走故謂之奔命師古曰犇古奔字耳犍音虔又鉅言反

封君

食貨志四下

師古曰封君受封邑者謂公主及列侯之屬也

即山鑄錢

食貨志

建元以來用度少縣官往往即多銅山而鑄錢

師古曰就多銅之山而鑄錢也

摩錢質取鉛

食貨志

姦或盜摩錢質而取鉛

臣瓚曰許慎云鉛銅屑也摩錢漫面以取其屑更以鑄錢西京黃圖敘曰民摩錢取屑是也師古曰鉛音谷

皮幣

食貨志

有司言曰古者皮幣諸侯以聘享金有二等黃金爲上白金爲中赤金爲下今半兩錢法重四銖而姦或盜摩錢質而取鉛錢益輕薄而物貴則遠方用幣煩

費不省乃以白鹿皮方尺緣以績爲皮幣直四十萬王侯宗室朝覲聘享必以皮幣薦璧然後得行又造銀錫白金以爲天用莫如龍地用莫如馬人用莫如龜故白金三品其一曰重八兩圜之其文龍名白撰直三千二曰以重差小方之其文馬直五百三曰複小楮之其文龜直三百令縣官銷半兩錢更鑄三銖

錢重如其文盜鑄諸金錢罪皆死而吏民之犯者不可勝數

孟康曰白金銀也赤金丹陽銅也鄭氏曰半兩錢其文爲半兩實重四銖也師古曰績繡也繪五采而爲之如淳曰銀錫白金者雜鑄銀錫爲白金也晉灼曰以重差小之者以半斤之重差爲三品則中品六兩下品四兩

也師古曰攢音他果反攢園而長之也

苑馬

景帝紀中六年

匈奴入鴈門至武泉入上郡取苑馬

如淳曰漢儀注太僕牧師諸苑三十六所分布北邊西邊以郎爲苑監官奴婢三萬人養馬三十萬頭師古曰武泉雲中之縣也養鳥獸者通名爲

苑故謂牧馬處爲苑

商顏

溝洫志九

發卒萬人穿渠自徵引洛水至商顏下

師古曰徵音懲即今所謂澄城也商顏商山之顏也謂之顏者譬人之顏額也亦猶山領象人之頸領

黔首

藝文志十

後漢光武紀

師古曰秦謂人爲黔首言其頭黑也

又光武建武五年注秦呼人爲黔首  
謂奴爲蒼頭以別於良人也

鵠冠

藝文志

後漢志三十

楚人居深山以鵠爲冠師古曰以鵠  
鳥羽爲冠

後漢志武冠加雙鵠尾豎左右爲鵠冠  
五中郎將羽林左右監等皆冠鵠冠鵠  
者勇雉也其鬪對一死乃止故趙武靈

王以表武事奉施之焉

徐廣曰鵠似黑雉出於上黨荀綽晉  
百官表注曰冠插兩鵠鷲鳥之暴疏  
者也每所櫻撮應爪摧衄天子武騎  
故以冠焉傅玄賦注曰羽騎騎者戴

鵠

雉經

馮奉世傳贊四十九

申生雉經



師古曰國語云晉獻公黜太子申生  
乃雉經于新城之廟蓋爲俛頸閉氣  
而死若雉之爲

牢讓

牢讓爵位

咀藥

王嘉傳五十六

王嘉引藥杯以擊地曰三公負國當伏  
刑都市何謂咀藥而死

師古曰咀嚼也

劔璣

王莽傳六十九上

王莽爲新都侯就國孔休守新都相莽  
盡禮待之緣恩意進玉具寶劔欲以爲  
好休不肯受莽因曰誠見君面有癩美  
玉可滅癩欲獻其瑑即解其瑑休復辭  
莽曰君嫌其價邪遂權碎之自裹以進  
休休乃受及莽徵去欲見休休稱疾不

見

師古曰癥創瘕也脹度曰塚音衛蘇林曰劔鼻也師古曰塚本作璣後傳寫訛也塚音彫塚字耳音篆說文云劔鼻玉也從玉璣音直例反

私忽

敘傳七十下

元元本本數始於一產氣黃鍾造計私忽

劉德曰私禾芒也忽蜘蛛網細者也

師古曰私音恥其字從禾

置亭

馮奉世傳

劉屈氂傳又注

師古曰置謂置驛之所也

離飢寒

蕭望之傳四十八

邊郡數被兵離飢寒

師古曰離遭也

金選之品

蕭望之傳

西羌反張敞上書言縣官穀度不足以  
振之度徒各反願令諸有辜非盜受財殺人  
及犯法不得赦者皆得以差入穀贖罪  
天子下其議兩府丞相御史以難問敞  
敞曰因此令贖其便明甚何化之所亂  
甫刑之罰小過赦薄罪贖有金選之品  
師古曰呂侯爲周穆王司寇作贖刑  
之法謂之呂刑後改爲甫侯故又稱

甫刑也應劭曰選音刷金銖兩名也  
師古曰音刷是也字本作銖銖即銖  
也其重十二銖二十五分銖之十三  
一曰重六兩呂刑曰墨辟疑赦其罰  
百鍰劓辟疑赦其罰惟倍荆辟疑赦  
其罰倍差宮辟疑赦其罰六百鍰大  
辟疑赦其罰千鍰是其品也

名數

孔光傳五十一

元帝賜霸第一區徒名數于長安

師古曰名數戶籍也

首鼠兩端

田蚡灌夫傳二十二

武安侯田蚡始未貴時往來侍酒於魏侯竇嬰所跪起如子姓及蚡貴士吏趨勢利者皆去嬰而歸蚡蚡日益橫灌夫者父張孟嘗為灌嬰舍人得幸故蒙灌氏姓吳楚反夫父子俱有功武帝時夫

位至太僕後蚡請嬰城南田嬰曰老僕雖棄將軍雖貴寧可以勢相奪乎不許夫聞怒蚡聞嬰夫怒不與田蚡亦怒兩人有隙蚡取燕王女為夫人嬰與夫俱往賀遂縛夫居室遣吏遂捕諸灌氏支屬皆得棄市罪嬰救夫因言蚡短兩人廷辨之蚡罷朝召御史大夫韓安國怒曰與長孺共治一秃翁何為首鼠兩端

嬰夫皆棄市

師古曰姓生也言同子禮若已所生也居室署名屬少府長孺安國字也張晏曰秃翁言嬰年老嗜酒頭秃言當共治一秃翁也服虔曰首鼠一前一却也

睢陽曲


梁孝王傳十七

梁孝王築東苑三百餘里廣睢陽城七

十里

師古曰更廣大之也晉太康地記云城方十三里梁孝王築之鼓倡節杵而後下和之者稱睢陽曲今踵以爲故今之樂家睢陽曲是其遺音

兩漢博聞卷四 終



國家圖書館, NATIONAL CENTRAL LIBRARY, TAIWAN, R.O.C.



二  
西  
漢  
博  
覽  
考  
四

五  
三

兩漢博聞卷五目錄

前漢

請間

鳴鏑

持滿

駿驕冠

餐霞

倒景

涓人

蒼頭軍

上游

拾芥

天極

折膠

賈豎

長休告

大府

方中

爰書

縣土炭


景星

舞知

乾没

間適

綠車



珠襦

席勝

琅當

橫行書

尉薦

童騎

便面

金布令

犀利

千人司馬

畫象

度曲

甲觀畫堂

祿祭

郡將

股弁

縣度

媛飲

馬復令

田輪臺渠犁

儀形

子午道

跬步

毛犖

東涇

曲臺記

大小載

驪駒

鬼廷栢

真宅

鈞篳

負海

隼

方制

日夜食

雒陽

酒泉郡

古瓜州

靈州

日南郡

耐刑

罽

略地

葭葦之故

前星

河源

會稽

禹穴九疑

紫貝



珊瑚

家徒四壁

犢鼻

蜀徽

請吏

一奇

流離

變告

持更

附離

監奴

甲令

試守

一切

昆明池

居延

五屬國

詳延

廊時

密時

吳陽卡時

五時

木寓龍馬

三服官

司馬門

陽朔年

徵行

陵夷

客上

扮榆社

公社

官稷

檣櫓

米鹽

銀黃

三組

郎中令

中郎將

車戶騎三將

檻車

絕亢

沐猴

辟易

麗譙

蒞芥

攝弓

騎置

斷匈奴左右臂

分陝

甌脫

威斗

兩漢博聞卷五  
三  
跛行喙息

豬其宮室

盱衡

校司馬

受降城

兩漢博聞卷五目錄

兩漢博聞卷五

請間

文帝紀

奚益傳十九

代王至渭橋群臣拜謁太尉勃進曰願請間宋昌曰所言公公言之所言私王者無私

師古曰間容也猶今言中間也請容暇之頃當有所陳不欲於衆顯論也又注云欲因間隙私有所白也

鳴鏑

匈奴傳六十四上

冒頓作鳴鏑今日鳴鏑所射而不悉射者斬已而冒頓以鳴鏑自射其善馬復射其愛妻左右或莫敢射皆斬之後獵以鳴鏑射煞其父頭曼自立

應劭曰鳴鏑髡箭也髡音呼交反師古曰曼音莫安反

持滿

匈奴傳

持滿傳矢外鄉

師古曰傳讀曰附鄉讀曰嚮持滿言滿引弓弩注矢外捍也

駿驥冠

佞幸傳六十三 司馬相如傳二十七上

孝惠時侍中皆冠駿驥貝帶傅脂粉

師古曰以駿驥毛羽飾冠海貝飾帶駿驥即鶯鳥也音峻儀又相如傳注云駿驥似山雞而小冠背毛黃腹下

赤項綠色其尾毛紅赤光采鮮明今俗呼爲山雞其實非也

餐霞

相如傳二十七下

吸沆瀣兮餐朝霞

應劭曰列仙傳陵陽子言春食朝霞者日始欲出亦黃氣也夏食沆瀣北方夜半氣也并天地玄黃之氣爲六氣

倒景

相如傳

貫列缺之倒景

服虔曰列缺天閃也人在天上下向視日月故景倒在下也

郊祀志登遐倒景如淳曰在日月之上反從下照故其影倒

涓人

蒼頭軍

陳勝傳一

石奮傳十六

陳勝旣爲其御莊賈所殺而降秦勝故

涓人將軍呂臣爲蒼頭軍起新陽

應劭曰時軍皆著青巾故曰蒼頭軍也師古曰涓潔也涓人主潔除之人涓音蠲石奮爲高祖中涓中涓官名主居中而涓潔者

上游

項籍傳一

匈奴傳

項羽陽尊懷王爲義帝曰古之王者地方千里必居上游徙之長沙都郴

文類曰居水之上流也師古曰游即流也又匈奴傳從上游來厭人

拾芥

夏侯勝傳四十五

夏侯勝每講授常謂諸生曰士病不明經術經術苟明其取青紫如俛拾地芥爾

師古曰地芥謂草芥之橫在地上者俛而拾之言其易而必得也青紫卿

大夫之服也俛即俯字也

天極

李尋傳四十五

李尋云紫宮極樞通位帝紀

孟康曰紫宮天之北宮也極天之北極星也樞是其廻轉者也天文志曰天極其一明者太一常居也太一天皇大帝也與通極為一體故曰通位帝紀也

折膠

鼂錯傳十九

鼂錯曰陛下絕匈奴不與和親臣竊意其冬來南也欲立威者使於折膠來而不能困使得氣去後未易服也

蘇林曰秋氣至膠可折弓弩可用匈奴常以為候而出軍師古曰使得氣去者使其得勝逞志氣而去

賈豎

張良傳十

張良曰秦兵尚強未可輕也其將屠者  
子賈豎易動以利令持重寶啗秦將

師古曰商賈之人志如遠大譬如僮  
豎故云賈豎

長休告

丙吉傳四十四

丙吉居相位上寬大掾史有罪臧不稱  
職輒予長休告

師古曰長給休假期令其去職也

大府

張湯傳二十九

大府丞相府也

方中

張湯傳

張湯調茂陵尉治方中

蘇林曰天子即位豫作陵師古曰古  
謂掘地爲阬曰方今荆楚俗土功築  
作筭程課者猶以方計之

爰書

張湯傳

張湯劾鼠掠治傳爰書訊鞠論報

師古曰傳謂傳逮若今之追送赴對也爰換也以文書代換其口辭也訊考問也鞠窮也謂窮覈之也論報謂上論之而獲報也

縣土炭

天文志六

李尋傳

天文志曰冬至短極縣土炭炭動麋鹿解角蘭根出泉水踊

孟康曰先冬至三日縣土炭於衡兩端輕重適均冬至而陽氣至則炭重夏至而陰氣至則土重晉灼曰蔡邕律歷記候鍾律權土炭冬至陽氣應黃鍾通土炭輕而衡仰夏至陰氣應蕤賓通土炭重而衡低進退先後五日之中

李尋曰政治感陰陽猶鐵之低仰見效



可信者也孟康曰天文志云縣土炭也  
也以鐵易土耳先冬夏至縣鐵炭於  
衡各一端令適停冬陽氣至炭仰而  
鐵低夏陰氣至炭低而鐵仰以此候  
二至也

景星

天文志六

景星德星也其狀無常常出於有道之  
國

舞知

乾没

張湯傳

張湯舞知以御人始爲小吏乾没與長  
安富賈田甲魚翁叔之屬交私

師古曰舞弄其智制御他人也服虔  
曰乾没射成敗也如淳曰豫居物以  
待之得利爲乾失利爲没乾音干

間適

杜欽傳三十

支庶有間適之心

師古曰間代也音居覓反適讀曰嫡

綠車

金日磾傳三十八

王莽傳六十九上

金敞爲衛尉病甚上拜其子涉爲侍中使綠車載送衛尉舍

晉灼曰漢注綠車名皇孫車太子有子乘以從如淳曰常置左右以待召載皇孫李奇曰欲敞見其榮寵也王莽得乘綠車從

師古曰亦以寵之也

珠襦

霍光傳三十八

將廢昌邑王太后被珠襦盛服坐武帳中武士陛戟陳列殿下

晉灼曰貫珠以爲襦形若今革襦矣師古曰陛戟謂執戟以衛陛下

席勝

蒯通傳十五

乘利席勝威震天下

師古曰席因也若人之在席上

琅當

西域傳六十六上

後漢循吏傳序

軍候趙德使鬪賓與鬪賓王陰末赴相失陰末赴鎖琅當德殺副已下七十餘人

師古曰琅當長鎖也若今之禁繫人

鎖矣琅音郎

後漢注云王莽一家鑄錢保五人沒

入為官奴婢男子檻車女子步鐵鎖琅當其頸愁苦死者十七八

橫行書

西域傳

服虔曰安息國橫行為書記師古曰今西方胡國及南方林邑之徒書皆

橫行不直下也

尉薦

趙廣漢傳四十六

趙廣漢為二千石以和顏接士其尉薦

待遇吏殷勤甚備

師古曰尉薦謂安尉而薦達之

童騎

張敞傳四十六

出從童騎

師古曰以童奴爲騎而自從也

便面

張敞傳

王莽傳

張敞爲京兆尹無威儀時罷朝會過走馬章臺街使御史驅自以便面拊馬

師古曰便面所以障面蓋扇之類也不欲見人以此自障面則得其便故曰便面亦曰屏面今之沙門所持竹扇上表平而下圜即古之便面也音頻面反

王莽常翳雲母便面

金布令

蕭望之傳四十八

金布令甲曰邊郡數被兵離飢寒夭絕

天年父子相失令天下共給其費

師古曰同共給之也自此以上令甲之文金布者令篇名也其上有府庫金錢布帛之事因以篇名令甲者其篇甲乙之次

犀利

馮奉世傳四十九

羌戎弓矛之兵耳器不犀利

晉灼曰犀堅也

千人司馬

馮奉世傳

如淳曰漢注邊郡置都尉及千人司馬皆不治民也

畫象

武帝紀元光元年

詔曰昔在唐虞畫象而民不犯

應劭曰二帝但畫衣冠異章服而民不敢犯師古曰白虎通云畫象者畫其衣服象五刑

度曲

元帝紀贊

元帝多材藝善史書鼓琴瑟吹洞簫自度曲被歌聲

應劭曰史書周宣王太史籀所作大篆也度曲謂自隱度作新曲因持新曲以爲歌詩聲也荀悅曰被聲能播樂也臣瓚曰度曲謂歌終更授其次謂之度曲西京賦曰度曲未終雲起

雪飛張衡舞賦亦曰度終復位次受二八度音大各反被音皮義反

甲觀畫堂

成帝紀

孝成皇帝元帝太子也母王皇后元帝在太子宫生甲觀畫堂

如淳曰三輔黃圖云太子宫有甲觀師古曰甲者甲乙丙丁之次元后傳言見於丙殿此其例也畫堂但畫飾

耳霍光止畫室中是則宮殿中通有彩畫之堂室

禘祭

平帝紀

元始五年禘祭明堂

應劭曰禮五年而再殷祭一禘一禘禘祭者毀廟與未毀廟之主皆合食於太祖

郡將

嚴延年傳六十

師古曰謂郡守爲郡將者以其兼領

武事也

股弁

嚴延年傳

嚴延年爲涿郡太守按大姓高氏獄吏皆股弁

師古曰股戰若弁弁謂撫手也

縣度

西域烏秣國六十六上

西域罽賓

烏秣國其西則有縣度去陽關五千八

百八十八里縣度者石山也谿谷不通以繩索相引而度

成帝時罽賓國復遣使獻謝罪漢欲遣使者報送其使杜欽說大將軍王鳳曰今縣度之阨歷大頭痛小頭痛之山赤土身熱之阪令人身熱無色頭痛嘔吐驢畜盡然行者騎步相持繩索相引二千餘里乃到縣度其鄉慕不足以安西

域有求則卑辭無欲則嬌嫚終不可懷服也

師古曰縣繩度也縣古懸字耳

蝮飲

西域傳

烏秣國山居累石爲室民接手飲

師古曰自高山下谿澗中飲水故接連其手如蝮之爲

馬復令

西域傳



當今務在禁苛暴止擅賦力本農脩馬復令

師古曰馬復因養馬以免徭賦也復

音方目反

田輪臺渠犁

西域傳

武帝初通西域置校尉屯田渠犁是時軍旅連出海內虛耗弘羊等奏言故輪臺以東捷枝渠犁有溉田五千頃以上

臣以爲可遣屯田卒詣輪臺以東置校尉三人分護以時益種五穀詔曰今請遠田輪臺起亭隧是擾勞天下非所以優民也

師古曰隧者依深險之處關通行道也

儀形

王莽傳六十九上

唯陛下儀形虞周之盛

子午道

王莽傳

王莽以皇后有子孫瑞通子午道子午道從社陵直絕南山徑漢中

張晏曰時年十四始有婦人之道也子水午火也水以天一爲牡火以地二爲牡故火爲水妃今通子午以協之師古曰子北方也午南方也言通南北道相當故謂之子午耳今京城

直南山有谷通梁漢道者名子午谷又宜州西界有山名子午嶺計南北直相當此則北山者是子南山者是午共爲子午道

跬步

王莽傳

進不跬步

師古曰半步曰跬謂一舉足也音空

樂反

毛摯

義縱傳六十

義縱爲定襄太守郡中不寒而栗縱以鷹擊爲治

師古曰言如鷹隼之擊奮毛羽執取飛鳥也

束溼

窳成傳六十

窳成以郎謁者事景帝好氣爲少吏必陵其長吏爲人上操下急如束溼

師古曰操執持也束溼言其急之甚也溼物則易束操音千高反

曲臺記

孟卿傳五十八

藝文志十

后蒼說禮數萬言號曰后氏曲臺記

服虔曰在曲臺校書著記因以爲名師古曰曲臺殿在未央宮藝文志注如淳曰行禮射於曲臺后蒼爲記故名曰曲臺記漢官儀曰大射于曲臺

晉灼曰天子射宮也西京無太學於  
此行禮也

大小戴

孟卿傳

梁戴德延君戴聖次君德號大戴聖號  
小戴皆受經于后蒼由是禮有大戴小  
戴之學

驪駒

王式傳五十八

諸博士共薦王式詔除下爲博士式徵

來諸大夫博士共持酒肉勞式江公世  
爲魯詩宗心嫉式謂歌吹諸生曰歌驪  
駒式曰聞之師客歌驪駒主人歌客毋  
庸歸今日諸君爲主人日尚早未可也  
遂謝病免歸

服虔曰逸詩篇名也見大戴禮客欲  
去歌之文穎曰其辭云驪駒在門僕  
夫具存驪駒在路僕夫整駕也客毋

庸歸者庸用也主人禮未畢且無用歸也

鬼廷栢東方朔傳三十五

東方朔曰栢者鬼廷也

師古曰言鬼神尚幽闇故以松栢之樹為廷府也

真宅楊王孫傳三十七

楊王孫病將死先令其子曰吾欲羸葬

以反吾真且曰死者物之歸也精神者天之有也形骸者地之有也精神離形各歸其真夫裹以幣帛鬲以棺槨支體絡束口含玉石欲化不得鬱為枯腊干載之後棺槨朽腐廼得歸土就其真宅遂羸葬

銛笏趙廣漢四十六 王溫舒傳六十

趙廣漢為潁川太守先是潁川豪桀大

姓相與爲婚姻吏俗朋黨漢患之出有  
案問故漏泄其語令相怨咎又教吏爲  
銛笏及得投書削其主名而託以爲豪  
桀大姓子弟所言其後彊宗大族結爲  
仇讐姦黨散落風俗大改吏民相告訐  
廣漢得以爲耳目

蘇林曰銛音項如鉞可受投書孟康  
曰笏竹笏也如今宮受密事笏也師

古曰銛若今盛錢藏瓶爲小孔可入而  
不可出或銛或笏皆爲此制而用受書  
令投其中也笏音同王溫舒爲中尉少  
年投銛購告言姦

負海

五行志七下之上

秦大用民力轉輸起負海至北邊負海  
猶言背海也

隼

五行志

師古曰隼鷲鳥即今之鴉也鴉字音胡骨反鴉與鷲同

方制地理志八上

黃帝方制萬里畫壑分州得百里之國萬區方制以爲方域也

日夜食

五行志七下之下

李尋傳又注

日夜食則無景立六尺木不見其景以此爲候

雒陽

地理志八上

師古曰魚豢云漢火行忌水故去洛水而加佳如魚氏說則光武已後改爲雒字也

酒泉郡

地理志八下

酒泉郡武帝太初元年開

應劭曰其水若酒故曰酒泉師古曰舊俗傳云城下有金泉味如酒

古瓜州

地理志

燉煌古瓜州也地生美瓜

師古曰即春秋左氏傳允姓之戎居于瓜州也其地今猶出大瓜長者狐入瓜中食之首尾不出

靈州

地理志

惠帝四年置有河竒苑號非苑

師古曰苑謂馬牧也水中可居者曰

洲此池在河之洲隨水高下未嘗淪沒故號曰靈州又曰河竒也二苑皆在北焉

日南郡

地理志

故秦象郡武帝時更名屬交州

師古曰言在日之南所謂北戶以向日者

耐刑



高祖七年令郎中有罪耐已上請之

應劭曰輕罪不至于髡完其耐鬢故曰耐古從彡髮膚之意也師古曰耐當音而耐謂頰旁毛也

耐 高帝紀

耐毛若今髡及髡耐之類也耐居例反耐音曷髡音瞿耐音俞說文云髡耐毳綌之屬蓋方言也別注云耐織毛爲布

者

略地

高帝紀

凡言略地者皆謂行而取之用力少

葭莩之故

王莽傳六十九

中山靖王傳

王莽上言曰自諸侯王以下至於吏民咸知莽與陛下有葭莩

中山靖王曰今群臣亦有葭莩之親鴻毛之重

晉灼曰葭苳裏之白皮也師古曰葭  
蘆也苳者其筩中白皮至薄者也葭  
苳喻著鴻毛喻輕薄甚也

前星

五行志七下之下

大辰心也心爲明堂天子之象又星傳  
曰心大星天王也其前星太子也後星  
庶子也

河源

西域傳六十六

張騫贊三十一

西域傳河有兩源一出葱嶺山一出于  
闐于闐在南山下其河北流與葱嶺河  
合東注蒲昌海蒲昌海一名蓋澤者也  
去玉門陽關三百餘里廣袤三百里其  
水亭居冬夏不增減皆以爲潛行地下  
南出於積石中國河又張騫傳贊曰禹  
本紀言河出昆侖山高二千五百餘里  
日月所相避隱爲光明也自張騫使大

夏之後窮河源惡睹所謂昆侖者乎故  
言九州山川尚書近之矣至禹本紀山  
經所有放哉尚書曰導河積石在金城

河關不言出崑崙也

是謂河源  
出於積石

會稽禹穴九疑

司馬遷傳三十二  
相如傳注

司馬

司馬遷自敘曰遷年十歲則誦古文二  
十而南游江淮上會稽探禹穴窺九疑  
張晏曰禹巡狩至會稽而崩因葬焉

上有孔穴民間云禹入此穴師古曰  
會稽山名本茅山也禹於此會諸侯  
之計因名會稽也九疑山在零陵營  
道縣舜所葬也疑似也山有九峯其  
形相似故曰九疑

紫貝

相如傳二十七上

鈞紫貝郭璞曰紫貝紫質黑文也師古  
曰貝水中介蟲古以爲貨也

珊瑚

相如傳

郭璞曰珊瑚生水底石邊大者樹高二尺餘枝格交錯無有葉

家徒四壁

相如傳

相如居成都家徒四壁立

師古曰徒空也但有四壁更無資產

犢鼻

相如傳

相如身自著犢鼻褌

師古曰即今之松也形似犢鼻故以名云松音之容反

蜀徼

西南夷傳六十五

巴蜀西南外蠻夷諸侯秦時頗置吏焉秦滅漢興皆棄此國而關蜀故徼

師古曰西南之徼猶北方塞也徼音工鈞反張揖曰徼謂以木石水爲界者也

請吏

一奇

相如傳二十七下

西南夷

邛笮之君長聞南夷與漢通得賞賜多  
多欲願為內臣妾請吏比南夷

南夷君長以十數夜郎最大武帝時唐  
蒙往南粵食蜀枸醬問之知牂柯江出  
番禺城下歸上書說上曰竊聞夜郎所  
有精兵可得十萬浮船牂柯出不意此  
制粵一奇也

流離

西域傳六十六上

流離出罽賓國

師古曰魏略云大秦國出赤白黑黃  
青綠縹紺紅紫十種流離

變告

韓信傳四

師古曰凡言變告者謂告非常之事

持更

西域傳

杜欽說王鳳曰欲遣使報送罽賓國使

斥候七百餘人五分夜擊刁斗自守

師古曰夜有五更故分而持之

附離

五行志七下之下

成帝時夜過中星隕谷永曰星辰附離于天猶庶民附離王者也王者失道下將叛去故星叛天而隕以見其象

監奴

霍光傳三十八

霍光愛幸監奴馮子都常與計事

師古曰監奴謂奴之監知家務者也

甲令

宣帝紀地節四年 後漢皇后紀十

文穎曰蕭何承秦法所作為律令經是也如淳曰令有先後故有令甲令乙令丙師古曰甲乙者若今之第一篇第二篇耳

後漢書向使設外戚之禁編著甲令改正后妃之制貽厥方來豈不休哉

試守

一切平帝紀元始元年  
武王續傳注

後漢齊

平帝初即位詔二百石以上一切滿秩  
如真

師古曰時諸官有試守者特加非常  
之恩令如真耳非凡除吏皆當試守  
也一切者權時之事非經常也猶如  
以刀切物苟取整齊不顧長短縱橫  
故言一切他皆倣此

後漢注云試守者稱職滿歲為真

昆明池

武帝紀元狩三年

發謫吏穿昆明池

臣瓚曰西南夷傳有越雋昆明國有  
滇池方三百里漢使求身毒國而為  
昆明所閉今欲伐之故作昆明池象  
之以習水戰在長安西南周回四十  
里食貨志又曰時越欲與漢用船戰

遂乃大脩昆明池也師古曰謫吏吏  
有罪者罰而役之滇音顛

居延

武帝紀元狩二年

將軍去病出北地二千餘里過居延

師古曰居延匈奴中地名也

五屬國

武帝紀

匈奴昆邪王殺休屠王并將其衆合四  
萬餘人來降置五屬國以處之以其地

爲武威酒泉郡

師古曰昆音下門反屠音儲凡言屬  
國者存其國號而屬漢朝故曰屬國  
武威今涼州也酒泉今肅州也

詳延

武帝紀元朔五年

詳延天下方聞之士咸薦諸朝

師古曰詳悉也延引也方道也聞博  
聞也言悉引有道博聞之士而進於



朝也

鄜時郊祀志五上

時音止神靈之所上也秦文公夢黃蛇自天下屬地口止於鄜衍作鄜時祭白帝焉

李奇曰三輔謂山陵間爲衍

密時郊祀志

作鄜時後八十四年秦宣公作密時於

渭南祭青帝

吳陽上下時郊祀志

自秦宣公作密時後二百五十年而秦靈公於吳陽作上時祭黃帝作下時祭炎帝自未作鄜時而雍旁故有吳陽武時雍東有好時皆廢無祀或曰自古以雍州積高神明之隩故立時郊上帝諸神祠皆聚云又作吳陽上下時後五十

年櫟陽雨金秦獻公自以爲得金瑞故作畦時櫟陽而祀白帝

師古曰畦時者如種韭畦之形而於畦中各爲一土封也畦音下圭反

五時

郊祀志

諸祠唯雍四時上帝爲尊高祖東擊項籍而還入關問故秦時上帝祀何帝也對曰四帝有白青黃赤帝之祠高祖曰

吾聞天有五帝而四何也莫知其說於是高祖曰吾知之矣待我而具五也廼立黑帝祠名曰北時有司進祠上不親往至文帝始幸雍郊見五時趙人新垣平以望氣見上言長安東北有神氣成五采若人冠冕焉宜立祠上帝以合符應於是作渭陽五帝廟帝一殿面五門各如其帝色祠所用及儀亦如雍五時

木寓龍馬

郊祀志

秦祠四時每時用木寓龍一駟木寓車馬一駟各如其帝色

李奇曰寓寄也寄生龍形於木也師古曰一駟亦四龍也

三服官

元帝紀

元初五年罷齊三服官

李斐曰齊國舊有三服之官春獻冠

幘緹爲首服純素爲冬服輕綃爲夏服凡三緹與纚同音山爾反

司馬門

元帝紀

師古曰司馬門者宮之外門也衛尉有八屯衛候司馬主衛士徼巡宿衛每面各二司馬故謂宮之外門爲司

馬門

項籍傳留司馬門三日

師古曰凡言司馬門者宮垣之內兵衛所在四面皆有司馬司馬主武事故總謂宮之外門爲司馬門

後漢趙王乾居父喪白衣出司馬門

注云諸侯王宮門有兵衛亦爲司馬門

陽朔年

成帝紀

河平四年山陽火生石中明年改元爲

陽朔

師古曰朔始也以火生石中言陽氣之始

微行

成帝紀

鴻嘉元年上始爲微行出

張晏曰於後門出從期門郎及私奴客十餘人白衣組幘單騎出入市里不復警蹕若微賤之所爲故曰微行

陵夷

成帝紀

帝王之道日以陵夷

師古曰陵丘陵也夷平也言其頽替若丘陵之漸平也又曰陵遲亦如丘陵之逶遲稍卑下也

客土

成帝紀

詔曰昌陵作治五年百姓罷勞客土䟽惡終不可成

服虔曰取他處土以增高爲客土

枌榆社

郊祀志五上

高祖禱豐枌榆社

鄭氏曰枌榆鄉名也社在枌榆晉灼曰枌白榆也社在豐東北十五里師古曰以此樹爲社神因立名也枌音符云反

公社

郊祀志

高祖令縣爲公社

李奇曰公社猶官社

官稷

平帝紀

元始三年安漢公奏立官稷

師古曰初立官稷於官社之後是爲一處今更創置建於別所不相從也

榑櫝

成帝紀河平四年

民爲水所流死不能自葬者令郡國給

榑櫝葬埋

師古曰榑櫝謂小棺榑音衛

米鹽

黃霸傳五十九

咸宣傳

黃霸爲潁川太守爲政米鹽靡密初若煩碎

師古曰米鹽言雜而且細

咸宣爲左內史其治米鹽

銀黃

三組楊僕傳六十

揚僕懷銀黃垂三組

師古曰銀銀印也黃金印也僕爲主  
爵都尉又爲樓船將軍并將梁侯三  
印故三組也組綴也

郎中令

百官公卿表七上

郎中令奏官武帝更名光祿勳

臣瓚曰主郎內諸官故曰郎中令應  
劭曰光明也祿爵也勳功也

中郎將

百官公卿表

中郎有五官左右三將秩皆比二千石

車戶騎三將

百官公卿表

郎中有車戶騎三將秩皆比千石

如淳曰主車曰車郎主戶衛曰戶郎  
漢儀注左右車將主左右車郎左右  
戶將主左右戶郎

檻車

陳餘傳二

貫高與趙王檻車詣長安

師古曰檻車者車而爲檻形謂以板四周之無所通見

絕亢

陳餘傳

貫高絕亢而死

師古曰亢者總謂頸耳爾雅云即喉嚨也音工郎反

沐猴

項籍傳一

人謂楚人沐猴而冠

張晏曰沐猴獼猴也師古曰言雖著人衣冠其心不類人也

辟易

項籍傳

楊喜爲郎騎追項羽羽還叱之喜人馬俱驚辟易數里

師古曰辟易謂開張而易其本處辟音頻亦反



麗譙

陳勝傳一

陳勝攻陳戰譙門中

師古曰譙門謂門上爲高樓以望可樓一名譙故謂美麗之樓爲麗譙譙亦呼爲巢所謂巢車者亦於兵車之上爲樓以望敵也譙巢聲相近本一物也

帶芥

相如傳二十七上

賈誼傳

吞若雲夢者八九其於曾中曾不帶芥

張揖曰帶芥刺鯁也賈誼傳注師古

云帶芥小鯁也

攝弓

相如傳二十七下

攝弓而馳

師古曰攝謂張弓注矢而持之也攝

女涉反

騎置

西域傳六十六下

事有便宜因騎置以聞

師古曰騎置即今之驛馬也

斷匈奴左右臂

西域傳贊

後漢班超傳

孝武之世圖制匈奴患其兼從西國結黨南羌迺表河曲列四郡開玉門通西域以斷匈奴右臂隔絕南羌月氏單于失援由是遠遁而幕南無王庭

後漢班超曰先帝開西域議者皆曰取

三十六國號為斷匈奴右臂

注云哀帝時劉歆上議曰武帝時立五屬國起朔方伐朝鮮起玄菟樂浪以斷匈奴之左臂西伐大宛結烏孫裂匈奴之右臂南面以西為右也

分陝

王莽傳六十九中

王莽時分陝立二伯

師古曰分陝者欲依周公召公故事

自陝以東周公主之自陝以西召公主之

甌脫

匈奴傳六十四上

東胡使使謂冒頓曰匈奴所與我界甌脫外棄地匈奴不能至也吾欲有之

服虔曰甌脫作土室胡兒所作以候漢也師古曰境上候望之處若今之伏宿舍也甌音一候反脫音土活反

威斗

王莽傳六十九下

王莽親之南郊鑄作威斗威斗者以五石銅爲之長二尺五寸以厭勝衆兵旣成令司命負之莽出在前入在御旁

李奇曰以五色藥石及銅爲之師古曰若今作鍤石之爲

跂行喙息

匈奴傳

上及飛鳥跂行喙息蠕動之類

師古曰跂行凡有足而行者也喙息  
凡以口出氣者也跂音岐喙音許穢  
反𩚑音人充反

豬其宮室

王莽傳六十九上

古者畔逆之國既已誅討則豬其宮室  
以爲汗池納垢濁焉名曰凶虛雖生菜  
茹而人不食

李奇曰掘其宮以爲池用貯水也師

古曰豬謂畜水汙下也汙音烏所食  
之菜曰茹

盱衡

王莽傳

盱衡厲色振揚武怒

孟康曰眉上曰衡盱衡舉揚目也

校司馬

南粵王傳六十五

伏波將軍路博德討南粵而南粵王趙  
建德亡入海伏波遣人追故其校司馬

蘇弘得建德

師古曰校之司馬若今之行軍總管  
司馬也

受降城

匈奴傳


李陵傳二十四

單于年少好煞伐左大都尉使人間告  
漢曰我欲殺單于降漢漢聞此言故築  
受降城

李陵傳注師古曰受降城公孫敖所

築

兩漢博聞卷五



兩漢博聞卷第六

目錄

龍樓

枸醬

舉白

自繆

戲戟

清狂

著令

支庶

樵蘇

食采

三輔號為卿

迹射士


布鼓

柱後惠文

榜掠

抱弩負蘭

雞卜



挺身逃

傳會

衣褐

禁錢

浩穰

清閒之燕

扼虎

命中

儲侍

除舍

擿舐

以日易月

檉柳胡桐白草

臧緇

都護

督察

單于

突門

日者

倒縣

碑碣

騅

贈行

煇管蕭

柘漿

贅壻

隊帥

講室

兩宮

祖有功

天郊

款塞

什器

除保父母同產令

給事宮司馬中

四輔

瞽說

小學

首歲

下走

望舒

結轍

膠葛

獮人

琴徽

三宮

立樂府

百賈





兩漢博聞卷第六

龍樓

成帝紀十

成帝爲太子初居桂宮上嘗急召太子  
出龍樓門

師古曰三輔黃圖桂宮在城中近北  
宮非太子宮張晏曰樓上有銅龍若  
白鶴飛廉之爲名也

枸醬

西南夷傳六十五

唐蒙使南粵食蒙蜀枸醬蒙問所從來  
曰道西北牂牁江江廣數里出番禺城  
下蒙歸至長安問蜀賈人獨蜀出枸醬  
多持竊出市夜郎夜郎者臨牂牁江江  
廣百餘步足以行船南粵以財物役屬  
夜郎然亦不能臣使也

晉灼曰枸音矩師古曰子形如桑椹  
耳緣木而生非樹也味尤辛不酢今

宕渠則有之食讀曰飢  
舉白敘傳七十一

引滿舉白

師古曰引取滿觴而飲飲訖舉觴告  
白盡不也一說白者罰爵之名也飲  
有不盡者則以此爵罰之魏文侯與  
大夫飲酒令曰不醵者浮以大白於  
是公乘不仁舉白浮君是也

自繆

孝成趙皇后傳

鄭氏曰自縊也師古曰繆絞也居虬

友

戲戟

匈奴傳六十四下

漢賜孝單于戲戟十

師古曰戲戟有旗之戟也戲許宜友

又音麾

清狂

昌邑三傳二十三

昌邑王清狂不惠

蘇林曰凡狂者陰陽脉盡濁今此人  
不狂似狂者故言清狂也或曰色理  
清徐而心不慧曰清狂清狂如今白  
癡也

著令

吳芮傳四

高祖封吳芮長沙王制詔御史長沙王  
忠其定著令

鄧展曰漢約非劉氏不王而蒞王故  
著令中使將王也或曰以蒞至忠故  
著令也故贊云著于甲令而稱忠也

支庶

吳蒞傳

孝惠高后時封吳蒞庶子二人為列侯  
故贊云慶流支庶有以矣夫

樵蘇

韓信傳四

樵蘇後爨師不宿飽

師古曰樵取薪也蘇取草也小雅白  
華之詩云樵彼束薪

食采

楊雄傳五十七上

刑法志三

楊雄其先出自有周伯僑者以支庶初  
食采於晉之楊因氏焉楊在河汾之間  
師古曰采官也以官受地謂之采地  
應劭曰左傳云霍楊韓魏皆姬姓也  
刑法志注師古曰因官食地故曰采

地

三輔號為卿

王尊傳四十六

如淳曰三輔皆秩中二千石號為卿

也

迹射士

王尊傳

校尉傳剛將迹射士千人逐捕南山群

盜

師古曰迹射言能尋跡而射取之也

射食亦反

布鼓

王尊傳

王尊曰毋持布鼓過雷門

師古曰雷門會稽城門也有大鼓越

擊此鼓聲聞洛陽布鼓謂以布為鼓

故無聲

柱後惠文

張敞傳四十六

應劭曰柱後以鐵為柱今法冠是也

一名惠文冠晉灼曰漢柱法冠也一號柱後惠文以纜裹鐵柱卷秦制執法服今御史服之謂之獬廌一角今冠兩角以獬廌為名耳纜即今方目紗也纜山爾反卷去權反

榜掠

孫寶傳四十七

後漢陳寵傳附

師古曰榜掠謂笞擊而考問之也榜音彭

陳寵曰獄者急於笞格酷烈之痛

注云笞即榜也古字通用格擊也又

陳萬年傳下獄掠治注云掠擊也力

向反

抱弩負籥

韓延傳四十六

如淳曰籥盛弩箭箛也師古曰鞬鞞

即鞬鞞也籥盛弩矢者也其形如木

桶鞬丁奚反鞞莫侯反

雞卜郊祀志五下

立粵祠而以雞卜

李奇曰持雞骨卜如鼠卜

挺身逃劉屈氂傳三十六

師古曰挺引也獨引身而逃難

傳會爰盜贊十九

爰盜雖不好學亦善傳會

張晏曰因宜附著合會之

衣褐張良傳

師古曰褐制若裘今道士所服者是

禁錢賈捐之傳五十四下

賈捐之曰往者暴師曾未一年費四十

餘萬大司農錢盡乃以少府禁錢續之

師古曰少府錢主供天子故曰禁錢

浩穰張敞傳四十六

長安中浩穰於王輔



師古曰浩大也穰盛也言人衆之多

也穰人掌反

清間之燕蔡義傳三十六

蔡義上疏曰願賜清間之燕得盡精思於前上召見說詩甚說之

師古曰燕安息也間讀曰閑

扼虎命中李陵傳二十四

力扼虎射命中

師古曰扼謂捉持之也命中者所指名處即中之也

儲侍除舍孫寶傳四十七後漢肅宗

御史大夫張忠辟孫寶為屬欲令授子經更為除舍設儲侍

師古曰除為修飾掃除也設儲侍謂豫備器物也侍文紀反

後漢書云南巡狩詔所經道一郡縣無

得設儲跖

注云儲積也跖具也言不預有蓄備

○適缺

孫寶傳

傳太后怒曰帝置司隸使適缺以揚我惡我當坐之

師古曰適缺謂挑發之適他歷反缺

音決

以日易月

文帝紀後六年

文帝遺詔曰服大紅十五日小紅十四

日織七日釋服

服虔曰皆當言大功小功布也織細布衣也應劭曰紅者中祥大祥以爲領緣織者禫也凡三十六日而釋服矣此以目易月也晉灼曰漢書例以紅爲功也師古曰紅與功同服晉二說是也此喪制者文帝自率已意創

而爲之非有取於周禮也何爲以日  
易月乎三年之喪其實二十七月豈  
有三十六月之文禪又無七月也應  
氏旣失之於前而近代學者因循謬  
說未之思也

檉柳胡桐白草

西域傳六十六上

樓蘭國出玉多葭葦檉柳胡桐白草

注云孟康曰白草草之白者胡桐似

桑而多曲師古曰檉柳河柳也今謂  
之赤檉白草似莠而細無芒其乾熟  
時正白色牛馬所嗜也胡桐亦似桐  
不類桑也蠹食其樹而沫出下流者  
俗名爲胡桐淚言似眼淚也可以汗  
金銀工匠用之流俗語訛呼淚爲律  
檉丑成反

臧緝

食貨志四下

萬室之邑必有萬鍾之藏藏繼千萬千  
室之邑必有千鍾之藏藏繼百萬春以  
奉耕夏以奉耘耒耜器械種饒糧食必  
有取澹焉故大賈畜家不得豪奪吾民  
矣

孟康曰六斛四斗為鍾緡錢貫也饒  
與餉同謂餉田之具也

都護

督察

西域傳

日逐王畔單于將衆來降護鄯善以西  
使者鄭吉迎之既至漢封日逐王為歸  
德侯吉為安遠侯因使吉并護北道故  
號曰都護都護之起自吉置矣都護督  
察烏孫康居諸外國

師古曰都猶總也言總護南北之道  
督視也

單于

文帝紀

匈奴傳六十四上

單于者廣大之貌也言其象天單于然也

師古曰單于匈奴天子之號單音蟬

突門

後漢竇融傳附

注云突門守城之門墨子曰城百步

爲一突門也

日者

高帝紀

師古曰日者猶往日也

倒縣

賈誼傳十八

賈誼曰天下之執方倒縣凡天子者天下之首何也上也蠻夷者天下之足何也下也今匈奴嫚侮掠至不敬也而漢歲致金絮采繒以奉之夷狄徵令是主上之操也天子供貢是臣下之禮也足反居上首顧居下倒縣如此莫之能解猶爲國有人乎

碑碣

後漢竇憲傳附

封神丘兮建隆碣

注云神丘卽燕然山也方者謂之碑  
圓者謂之碣碣亦碣也其例反

駮

項籍傳一

羽駿馬名

師古曰蒼白雜毛曰駮蓋以其色名  
之

贈行

段會宗傳四十

朋友以言贈行

師古曰贈行謂將別相贈也

炳管蕭

禮樂志二

郊祀歌

李奇曰管腸間脂也蕭香蒿也師古  
曰以蕭炳脂合馨香也管來彫反炳  
人說反

柘漿

禮樂志樂府歌

泰尊柘漿析朝醒

應劭曰柘漿取其柘汁以爲飲也醒  
病酒也析解也

贅壻

賈誼傳十八

秦人家富子壯則出分家貧子壯則出  
贅

應劭曰出作贅壻也師古曰謂之贅  
壻者言其不當出妻家亦猶人身之

有肫贅非應所有也贅之銳反分扶

問反

隊帥

爰盎傳十九

如淳曰隊帥軍中小官

請室

賈誼傳 爰盎傳

賈誼曰大臣有臯白冠毳纓盤水加劔  
造請室而請臯耳

應劭曰請罪之室蘇林曰車駕出有

請室今在前先驅此官有別獄也如  
淳曰水性平若已有正罪君以平法  
治之也加劔當以自刎也或曰殺牲  
者以盤水取頸血故示若此也  
爰盎傳云人上書告絳侯反時絳侯已  
就國徵繫請室

師古曰請室獄也

兩宮

王莽傳六十九上

師古曰兩宮謂成帝及太后也

祖有功

景帝紀

詔曰古者祖有功而宗有德

師古曰祖始也始受命也宗尊也有

德可尊

天郊

成帝紀建始二年

應劭曰天郊在長安城南地郊在長

安城北



款塞

宣帝紀本始二年

百蠻鄉風款塞來享

應劭曰款叩也皆叩塞門來服從也

什器

平帝紀

師古曰軍法五人爲伍二伍爲什則共其器物故通謂生生之具爲什器亦猶今之從軍及作役者十人爲火共畜調度也

除保父母同產令

元帝紀

初元五年詔除光祿大夫已下至郎中保父母同產之令

應劭曰舊時相保一人有過皆當坐之師古曰特爲郎中已上除此今者所以優之也同產謂兄弟也

給事官司馬中

元帝紀

元帝詔今從官給事官司馬中者得爲

大父母父母兄弟通籍

應劭曰司馬中者宮內門也司馬主  
武兵禁之意也籍者為二尺竹牒記  
其年紀名字物色縣之宮門案省相  
應乃得入也師古曰從官親近天子  
常侍從者皆是也

四輔

谷永傳五十五

師古曰四輔謂左輔右弼前疑後承

也

瞽說

谷永傳

聽矇昧之瞽說

師古曰瞽說言不中道若無目之人  
也矇與暗同

小學

杜鄴傳五十五

杜鄴初從張吉學吉子竦又幼孤從鄴  
學問亦著於世尤長小學鄴子林清靜

好古亦有雅才其正文字過於鄴竦故  
世言小學者由杜公

師古曰小學謂文字之學也周禮八  
歲入小學保氏教國子以六書故因  
名云藝文志載小學十家三十五篇

首歲

蕭望之傳四十八

師古曰首歲歲之初首謂正月也

下走

蕭望之傳

應劭曰下走僕也師古曰下走者自  
謙言趨走之役也又司馬遷報任少  
卿書曰太史公牛馬走注云言已爲  
太史公掌牛馬之僕自謙之辭也出

文選

望舒

揚雄傳五十七

望舒彌轡

師古曰望舒月御也彌歛也言天子

之車歛轡徐行故假望舒為言耳

結轍

文帝紀後二年

使者冠蓋相望結轍於道

韋昭曰使車往還故轍如結也

膠葛

解難云獨不見夫翠蚪絳螭之將登虜  
天不階浮雲翼疾風虛舉而上升則不  
能搯膠葛騰九閼

師古曰搯搗也膠葛上清之氣也九

閼九天之門搯音戟搗居足反

又甘泉賦齊搏搏其相膠葛兮

師古曰膠葛猶言膠加也

獲人

楊雄傳

獲人亡則匠石輟斤而不敢妄斲

服虔曰獲古之善塗墍者也施廣領

大袖以仰塗而領袖不汗有小飛泥

誤著鼻因令匠石揮斤而斲之知石之善斲故敢使之也師古曰獲杖拭也故謂塗者為獲人獲乃高反

琴徽

揚雄傳

師古曰徽琴徽也所以表發撫抑之處也

三宮

王嘉傳五十六

師古曰三宮天子太后皇后也

立樂府

武帝定郊祀之禮祠太一於甘泉祭后土於汾陰乃立樂府采詩夜誦以李延年為協律都尉多舉司馬相如等數十人造為詩賦略論律呂以合八章之調作十九章之歌以正月上辛用事甘泉圓丘使童男女七十人俱歌昏祠至明夜常有神光如流星止集于祠壇天子

自竹宮而望拜

師古曰樂府之名蓋起於此韋昭曰竹宮以竹爲宮也師古曰采詩夜誦者其言辭或秘不可宣露故於夜中歌誦也

賈

王嘉傳

師古曰賈謂販賣之人也

案脉

王嘉傳

師古曰案脉爲切脉也

厭衆意

王莽傳

莽欲厭衆意

師古曰厭滿也一艷反

雅拜

何武傳五十六

何武爲京兆尹坐舉方正所舉者召見槃辟雅拜有司以爲詭衆虛僞武坐左遷楚內史

服虔曰行禮容拜也師古曰繁辟猶

槃旋也辟音闕詭違也

昆雞

司馬相如傳二十七上

張揖曰昆雞似鶴黃白色

靈鼉

相如傳

樹靈鼉之鼓

師古曰以鼉皮爲鼓

釋躋

王褒傳三十四下

離䟽釋躋而享膏粱

應劭曰離此蔬食釋此木躋也師古

曰躋卽鞋也居略反史記虞卿躋躋

擔簦說趙注云躋草履也

褒成君

孔光傳五十一

孔霸以選授太子經元帝卽位徵霸以  
師賜爵關內侯食邑八百戶號褒成君  
如淳曰爲帝師教令成就故曰褒成

君

尺二牘匈奴傳六十四上

漢遺單于書以尺一牘中行說令單于以尺二寸牘及印封皆令廣長大倨驕其辭以荅漢漢遣中行說使匈奴而說不欲行漢強使之說遂降匈奴不歸

高訾

貨殖傳六十一

丹王君房豈樊少翁王孫大卿為天下

高訾

師古曰王君房賣丹樊少翁及王孫

大卿賣豈亦致高訾訾讀與資同

力政

游俠傳六十二

五行志七中之下

戰國合從連衡力政爭疆

師古曰力政者棄背禮義專任威力也

天子微弱諸侯力政



師古曰政亦征也言專以武力相征

討

醜郭解傳六十二

郭解姊子負解之勢與人飲使之醜非其任疆灌之人怒刺殺解姊子

師古曰盡爵曰醜其人不飲而使盡爵乃強灌之故怨怒也醜子笑反

內朝外朝劉輔傳四十七

劉輔上書直諫收繫廷秘獄於是中朝左將軍辛慶忌右將軍廉褒光祿勳師丹太中大夫谷永俱上書諫得減死罪一等

孟康曰中朝內朝也大司馬左右前後將軍侍中常侍散騎諸吏爲中朝丞相以下至六百石爲外朝也

傳漏董賢傳六十三

董賢傳漏在殿下

師古曰傳漏奏時刻也

梁肉

霍去病傳二十五 食貨志四上

師古曰梁粟類也米之善者食貨志曰梁好粟也即今之梁米也

特將

去病傳 張良傳十

衛青家為特將者十五人

師古曰特將謂獨別為將而出征也

高帝時魏王豹反使韓信特將北擊之

師古曰特獨也專任之使將也

渾穀

董仲舒傳二十六

賢不肖渾穀

注云穀雜也

邊穀

劉屈氂傳三十六

如淳曰戍邊卒糧也

車丞相

車千秋傳三十六

秋本姓田氏為丞相年老上優之朝見

得乘小車入宮殿因號曰車丞相

譙讓高帝紀

樊噲譙讓項羽

師古曰譙責也才笑反

月蝓日域楊雄傳五十七下

長楊賦西厭月蝓東震日域

服虔曰蝓音窟穴之窟月蝓月所生

也師古曰日域日初出之處也

廉問高帝紀五年

高帝詔曰且廉問有不如吾詔者以重

論之

師古曰廉察也

詔高帝紀

如淳曰詔告也自秦漢以下唯天子  
獨稱之

梟騎 高帝紀

項羽未平北貉燕人來致梟騎助漢

應劭曰北貉國也梟健也張晏曰梟

勇也若六博之梟也師古曰貉在東

北方三韓之屬皆貉類也莫客反

兜離

後漢董祀妻傳附

言兜離兮狀窈婷

注云兜離匈奴言語之貌

二斬

後漢曹世叔妻傳附

禮夫有再娶之義婦無二適之文故曰夫者天也

注云儀禮曰父在爲母何以菘至尊在不敢伸也父必三年而後娶達子志也夫者妻之天也婦人不二斬者猶曰不二天也

比落蒙全

後漢姜詩傳附

姜詩至孝赤眉賊經詩里弛兵而過曰  
驚大孝必觸鬼神時歲荒賊乃遺詩米  
肉受而埋之比落蒙其安全

注云比近也落藩也

楚歌

高帝紀

漢圍項羽於垓下羽夜聞漢軍四面皆  
楚歌知盡得楚地

應劭曰楚歌者鷄鳴歌也漢已略得

其地故楚歌者多鷄鳴時歌也師古  
曰楚歌者為楚人之歌猶言吳歆越  
吟耳若以鷄鳴為歌曲之名於理則  
可不得云鷄鳴時也高祖令戚夫人  
楚舞自為作楚歌豈亦鷄鳴時乎

顧山錢

平帝紀元始元年

平帝詔天下女徒已論歸家顧山錢月  
三百

如淳曰已論者罪已定也令甲女子  
犯罪作如徒六月顧山遣歸一說以  
為當於山伐木聽使入錢顧工直故  
謂之顧山應劭曰舊刑鬼薪取薪於  
山以給宗廟今使女徒出錢顧薪故  
曰顧山也師古曰如說近之論女徒  
論罪已定並放歸家不親役之但令  
一月出錢二百以顧人也為此恩者

所以行太后之德施惠政於婦人

體貌大臣

賈誼傳十八

體貌大臣而厲其節也

師古曰體貌謂加禮容而敬之也

官師

賈誼傳

官師小吏

師古曰官師一官之長也

粟紅腐

賈捐之傳三十四下

太倉之粟紅腐而不可食

師古曰粟久腐壞則色紅赤也

上東門賈誼傳

雒陽上東門

師古曰東面最北門曰上東門

跡前事賈誼傳

臣竊跡前事

師古曰尋前事之蹤跡也

無狀子杜欽傳三十

紅陽侯與杜業書曰誠衰老姊垂白隨

無狀子出關

師古曰無狀猶言不肖也

排擠杜欽傳

排擠英俊

師古曰擠墜也

橐佗匈奴傳六十四上

師古曰橐佗言能負橐囊而馱物也

刑名 元帝紀

宣帝所用多文法吏以刑名繩下

師古曰劉向別錄云申子學號刑名  
刑名者以名責實尊君卑臣崇上抑  
下宣帝好觀其君臣篇繩謂彈治之  
耳

戚里 萬石君傳十六

師古曰於上有姻戚者皆居之故名  
其里爲戚里

廷見 萬石君傳

石建奏事於上前卽有可言屏人乃言  
極切至廷見如不能言者

師古曰廷見謂當朝而見時

議格 文三王傳十七

大臣及爰盎等有所關說於帝太后議



格

蘇林曰音閣

魁岸

江充傳十五

爲人魁岸

師古曰魁大也岸者有廉稜如崖岸之形

微諫

伍被傳十五

師古曰私諫之也

假吏

蘇武傳二十四

蘇武使匈奴有假吏常惠等

師古曰假吏猶言兼吏也時權爲使之吏若今差人充使典矣

宦吏

外戚傳六十七下

師古曰宦吏謂奄人也

循江上

西南夷傳六十五

將兵循江上

師古曰循順也謂緣江而上也

兩漢博聞卷第六終



兩漢博聞卷第七

前漢

目錄

阿房

韋帶

弧弓

魯縞

廁上

齧齠

么麼

北叟

丹青之信

渾元

柎除

秦中

東箱


大奴

南北軍校

飲泣

提封

桓褐



NATIONAL CENTRAL LIBRARY TAIWAN, R.O.C.



顛門

社木

菜色

伏歷

壺輿

牛衣

蹂躪

文毋害

豪吏

梟首

啗秦將

甚亡謂也

七大夫

省中

海丞果丞

軫獵車

疇其爵邑

年號

大要

射聲

大長秋

長信少府

塊然

廉上

倅馬

薦草

刺舟

班輸

鴉雀

胥靡

部署

屬吏

博望死

禱祝

少府私府

厄三七之間

土著

不得月支要領

先容

七首

寥廓之士

糲食

杜陵男子

押至

侵牟



質木

虎牢

句吳干越

勃碣

三楚

罟罟

即拜

三始

蕭然

子母錢

腹非

姦鑄赤及

莢錢

八銖錢

五分錢

四銖錢

五銖錢

契刀錯刀

連弩

便衣

一半米

百金稅

問遺

舍匿

白水組贖

紺纒

算

牌

醕盡骨曰醕

纒籠簞

發車封

友壻

搏景

刷恥

埒富

稱之不容口

法宮

充賦

狐白

隨牒

已然諾

餐錢奉邑

兩漢博聞卷第七

阿房 賈山傳

秦為阿房之殿

師古曰阿房者言殿之四阿皆為房也一說大陵曰阿言其殿高若於阿上為房也

韋帶 賈山傳

布衣韋帶之士



NATIONAL CENTRAL LIBRARY, TAIWAN, R.O.C.

師古曰韋帶以鞞韋爲帶無飾也

弧弓 韓安國傳二十二

弧弓射獵

師古曰以木曰弧以角曰弓

魯縞 韓安國傳

彊弩之末力不能入魯縞

師古曰縞素也曲阜之地俗善作之  
尤爲輕細故以取喻也

廟上 賈山傳贊二十一

賈山自下廟上卒免刑戮者以其言正也

孟康曰廟上者謂剗切之也蘇林曰

廟音摩厲也師古曰剗工來反

齧齶 王褒傳三十四下

孟康曰良馬低頭口至齶故曰齧齶

么麼 敘傳七十上

勇如信布疆如項籍威如王莽然卒潤  
鑊伏鑕亭醢分裂又况么麼尚不及數  
子

師古曰么麼皆微之稱也么一堯反  
麼莫可反

北叟

北叟頗識其倚伏

丹青之信

王莽傳

明告以生活丹青之信

師古曰生活謂來降者不殺之也丹

青之信言明著也

渾元

敘傳

渾元運物

師古曰渾元天地之氣也

椒除

王莽傳

群臣扶掖王莽自前殿南下椒除



服虔曰除殿陛之道也椒取芬香之名也

秦中婁敬傳

師古曰秦中謂關中故秦地也

東箱周昌傳十二

呂后側耳於東箱聽

師古曰正寢之東西室皆曰箱言似箱篋之形

大奴昌邑哀王傳

師古曰凡言大奴者謂奴之尤長大者也

南北軍七校 刑法志三

漢初天下既定踵秦置材官於郡國京師有南北軍之屯至武帝平百粵內增七校外有樓船皆歲時講肄脩武備云晉灼曰百官表中壘屯騎步兵越騎

長水胡騎射聲虎賁凡八校尉胡騎  
不常置故此言七也

飲泣

賈捐之傳三十四下

飲泣巷哭

師古曰淚流被面以入於口故言飲  
泣也

提封

東方朔傳三十五

盤屋以東宜春以西提封頃畝及其賈

博聞

七

直

師古曰提封謂提舉四封之內總計  
其數也

裋褐

貢禹傳四十二

裋褐不完

師古曰裋者謂僮豎所著布長襦也  
褐毛布之衣也裋音豎

顓門

夏侯勝傳四十五

夏侯建者勝之從父子也師事勝勝非  
建章句小儒破碎大道建亦非勝為學  
疏略難以應敵建卒自顯門

社木 隍弘傳四十五

師古曰社木社主之樹也

菜色

翼奉傳四十五

百姓菜色

師古曰人專食菜故肌膚青黃為菜

色也

伏歷

李尋傳四十五

馬不伏歷不可以趨道

師古曰伏歷謂伏槽歷而秣之也

壺奧

敘傳七

究先聖之壺奧

應劭曰宮中門謂之闈宮中巷謂之

壺苦本反

牛衣

王章傳四十六

師古曰牛衣編亂麻爲之卽今俗呼爲龍具者

蹂躪

王商傳

百姓奔走相蹂躪訛言大水至也

師古曰蹂踐也躪轢也蹂入九反躪

音蘭

文母害

蕭何傳九

蕭何以文母害爲沛主吏掾

蘇林曰無害言無比也一曰害勝也

無能勝害之者晉灼曰酷吏傳趙禹

爲丞相亞夫吏府中皆稱其廉然亞

夫不任曰極知禹無害然文深不可

以居太府蘇說是也師古曰害傷也

無人能傷害之者蘇晉兩說皆得其

意

豪吏 曹參傳九

蕭何曹參並爲縣之豪吏

師古曰言爲吏之豪長也

梟首 高帝紀四年

漢王西入關梟故塞王欣頭櫟陽市

師古曰梟縣首於木上

啗秦將 高帝紀秦二年

漢王使酈食其陸賈往說秦將啗以利

秦將果欲連和

師古曰啗者以食餒人令其啗食徒

濫反今言以利誘之取食爲譬

甚亡謂也 高帝紀

師古曰亡謂者失於事宜不可以訓

七大夫 高帝紀

高帝詔曰七大夫以上皆令食邑

臣瓚曰秦制列侯乃得食邑今七大

夫以上皆食邑所以寵之也師古曰  
七大夫公大夫也爵第七故謂之七  
大夫

省中 昭帝紀

昭帝八歲卽位帝姊鄂邑公主益湯沐  
邑爲長公主共養省中

師古曰以供養天子故益邑也伏儼  
曰蔡邕云本爲禁中門閣有禁非侍

御之臣不得妄入行道豹尾中亦爲  
禁中孝元皇后父名禁避之故曰省  
中師古曰省察也言入此中皆當察  
視不可妄也

海丞果丞 平帝紀

元始元年置少府海丞果丞各一人  
師古曰海丞主海稅果丞掌諸果實  
也

軫獵車

宣帝紀

霍光廢昌邑王太僕以軫獵車奉迎曾孫是爲宣帝嗣昭帝後

文穎曰軫獵小車前有曲輿不衣也近世謂之軫獵車李奇曰蘭輿輕車也是時六備天子車駕故且取其輕便爾

疇其爵邑

宣帝紀地節二年

霍光薨詔曰大將軍功德茂盛朕甚嘉之復其後世疇其爵邑世世毋有所與張晏曰律非始封十減二疇者等也言不復減也師古曰與讀曰豫

年號

武帝紀

武帝卽位年號建元元年

師古曰自古帝王未有年號始起於此

大要

陳萬年傳三十六

陳咸謂其父曰具曉所言大要教咸謂也

師古曰大要大歸也

射聲

百官公卿表七上

射聲校尉掌待詔射聲士

服虔曰工射者也冥冥中聞聲則中之因以名也應劭曰須詔所命而射

故曰待詔射也

大長秋

百官公卿表

師古曰秋者秋成之時長者恒久之義故以為皇后官名景帝時置皇后卿也

長信少府

百官公卿表

長信詹事掌皇太后宮景帝更名長信少府



張晏曰以太后所居宮爲名也居長  
信宮則曰長信少府居長樂宮則曰  
長樂少府也

塊然

陳湯傳四十

師古曰塊然獨處之意如土塊也

廉上

趙充國傳三十九

辛武賢擊罕羗入鮮水北句廉上

服虔曰句音鉤師古曰句廉渭水岸

曲而有廉稜也

倅馬

趙充國傳

趙充國上屯田奏曰至四月草生發郡  
騎及屬國胡騎伉健各千倅馬什二就  
草爲田者遊兵

師古曰倅副也什二者千騎則與副  
馬二百匹也伉口浪反

薦草

趙充國傳

今虜亡其美地薦草

師古曰薦稠草也

刺舟

王莽傳六十九下

師古曰楫所以刺舟也

班輸

敘傳七十一上

班輸推巧於斧斤

師古曰班輸卽魯公輸班也一說班魯班也與公輸氏爲二人也皆有巧

藝也故樂府云誰能爲此器公輸與

魯班推專也一曰競也推音角

鶡雀

黃霸傳五十九

京兆尹張敞舍鶡雀飛集丞相府

師古曰此鶡音芬本作鴝此通用耳

鶡雀大而色青出羗中非武賁所著

武賁鶡者色黑出上黨以其鬪死不

止故用其尾飾武臣首云今時俗人

所謂鶡鷄者也音曷非此鴉雀也

胥靡

楚元王傳六

楚王戊淫暴申公白生二人諫不聽胥靡之

晉灼曰胥相也靡隨也師古曰聯繫使相隨而服役之故謂之胥靡猶今之役囚徒以鎖聯綴耳

部署

高帝紀

漢王引兵東定三秦部署諸將

師古曰分部而署置

屬吏

昌邑哀王傳三十三

昌邑王賀徵入嗣位過弘農使大奴善以衣車載女子至湖郎中令龔遂入問賀賀曰無有遂曰卽無有何愛一善以毀行義請收以湔洒大王即梓善屬衛士長行法

師古曰以善付吏也屬之欲反湔澣也洒濯也湔子顛反洒先禮反粹持頭也衛士長主衛之官粹才兀反

博望苑

武五子傳三十三

武帝爲戾太子立博望苑使通賓客

師古曰取其廣博觀望也

禡祝

武五子傳

武帝年二十九乃得太子甚喜爲立禡

使東方朔枚臯作禡祝

師古曰禡求子之神也禮月令祀于

高禡是也令朔等作祝禡之辭

少府私府

路溫舒傳二十二

路溫舒遷廣陽私府長

師古曰藏錢之府天子曰少府諸侯

曰私府長者其官之長也

厄三七之間

路溫舒傳

谷永傳五十五

路溫舒從祖父受歷數天文以爲漢厄  
三七之間

張晏曰三七二百一十歲也自漢初  
至哀帝元年二百一年也至平帝崩  
二百十一年

成帝時谷永曰陛下承八世之功業當  
陽數之標季涉三七之節紀直百六之  
災阨

孟康曰陽九之末季也至平帝乃三  
七二百一十歲之厄今已涉向其節  
紀師古曰直當也

土著

張騫傳三十一

身毒國在大夏東南可數千里其俗土  
著

鄧展曰毒音篤李奇曰一名天篤卽  
浮屠胡是也師古曰卽敬佛道者也

土著者謂有城郭常居不隨畜牧移徙也著直略反西南夷傳身毒國即天竺國也

不得月支要領

張騫傳

張騫至大月支留歲餘還不得月支要領

師古曰要衣要也領衣領也凡持衣者執要與領言騫不得月支意趣無

以持歸漢故以為喻要一遙反

先容

鄒陽傳二十一

蟠木根柢輪囷離奇而為萬乘器者以左右先為之容也

師古曰蟠木屈曲之木也萬乘器者天子車輿之屬也容謂彫刻加飾

七首

鄒陽傳

七首竊發

師古曰七首短劍也其首類七便於用也

寥廓之士

鄒陽傳

師古曰寥廓遠大之度也

糲食

司馬遷傳

糲梁之食

服虔曰糲粗米也一斛粟七斗米爲糲音賴師古曰食飯也

杜陵男子

蕭育傳四十四

後漢楊彪傳

蕭育爲杜陵令扶風怒曰召諸後曹當以職事對育徑出曹書佐隨牽育育案佩刀曰蕭育杜陵男子何詣曹也

如淳曰賊曹法曹皆後曹也師古曰欲以職事責之也自言欲免官而去但是杜陵一白衣男子耳何須召我詣曹乎

後漢曹操欲殺楊彪孔融謂操曰今橫  
殺無辜海內觀聽誰不解體孔融魯國  
男子明日便當拂衣而去

押至

息夫躬傳十五

軍書交馳而輻湊羽檄重迹而押至

師古曰押至言相因而至也

侵牟

李廣利傳三十一

將吏侵牟之

師古曰侵牟言如牟賊之食苗也

質木

地理志八下

民俗質木

師古曰質木者無有文飾如木石然

虎牢

地理志八上

成臯注云故虎牢或曰制師古曰穆  
天子傳云七萃之士生捕獸印獻天  
子天子畜之東虢號曰獸牢



句吳 干越 地理志八下

師古曰句音鉤夷俗語之發聲也亦猶越爲干越耳

勃碣

地理志武帝紀元封元年注

勃碣之間一都會也

師古曰薊縣燕之所都也勃勃海也碣碣石也此石著海旁碣碣然特立之貌也

三楚 高帝紀

項羽自立爲西楚霸王

孟康曰舊名江陵爲南楚吳爲東楚彭城爲西楚

罍

文帝紀七年

未央宮東闕罍災

如淳曰東闕與其兩旁罍皆災也  
晉灼曰東闕之罍獨災也師古曰

罽罽謂連闕曲閣也以覆重刻垣墉  
之處其形罽罽然一曰屏也罽音浮  
五行志注云罽罽闕之屏也

卽拜

趙充國傳二十九

上廼拜樂成侯許延壽爲強弩將軍卽  
拜酒泉太守武賢爲破羌將軍

師古曰卽就也就其郡而拜之

三始

鮑宣傳四十二

如淳曰正月一日爲歲之朝月之朝  
日之朝始由朝也

蕭然

食貨志四下

江淮之間蕭然煩費矣

師古曰蕭然猶騷然勞動之貌

子毋錢

食貨志

周景王時患錢輕更鑄大錢單穆公曰  
不可古者量資幣權輕重以救民民患

輕則爲之作重幣以行之於是其有母權子而行民皆得焉若不堪重則多作輕而行之亦不廢重於是其有子權母而行小大利之今王廢輕而作重民失其資能無匱乎

應劭曰母重也其大倍故爲母也子輕也其輕少半故爲子也民患幣之輕而物貴爲重幣以平之權時而行

以廢其輕故曰母權子猶言重權輕也民皆得者本末有無皆得其利也孟康曰重爲母輕爲子若市八十錢物以母當五十以子當三十續之民患幣重則多作輕錢而行之亦不廢去重者言重者行其貴輕者行其賤也

腹非

食貨志

張湯奏當異九卿見令不便不入言而腹非論死自是後有腹非之法比

師古曰比則例也

姦鑄

赤仄

食貨志

郡國鑄錢民多姦鑄錢多輕而公卿請令京師鑄官赤仄一當五賦官用非赤仄不得行

師古曰姦鑄謂巧鑄之雜鉛錫應劭

曰赤仄謂子紺錢也如淳曰以赤銅為其郭也今錢郭見有赤者不知作法云何師古曰凡充賦及給官用皆令以赤仄

莢錢

食貨志

漢興以為秦錢重難用更令民鑄莢錢如淳曰如榆莢也

八銖錢

高后紀

高后二年行八銖錢

應劭曰本秦錢質如周錢文曰半兩重如其文卽八銖也漢以其太重更鑄莢錢今民間名榆莢錢是也民患其太輕至此復行八銖錢

五分錢

高后紀

高后六年行五分錢

應劭曰所謂莢錢者

四銖錢

文帝紀五年

食貨志

孝文時以錢益多而輕乃更鑄四銖錢其文爲半兩除盜鑄錢令使民放鑄

師古曰恣其私鑄也

賈誼諫曰令細民人操造幣之執各隱屏而鑄作姦錢日多其爲禍博矣

五銖錢

武帝紀

食貨志

武帝元狩五年罷半兩錢行五銖錢

食貨志元狩五年三官初鑄五銖錢三官謂上林三官也

契刀錯刀

食貨志

王莽居攝變漢制以周錢有母子相權於是更造大錢徑寸二分重十二銖文曰大錢五十又造契刀錯刀契刀其環如大錢身形如刀長二寸文曰契刀五百錯刀以黃金錯其文曰一刀直五千

與五銖錢凡四品並行

張晏曰案今所見契刀錯刀形質如大錢而肉好輪厚異於此大錢形如大刀環矣契刀身形真不長二寸也其文左曰契右曰刀無五百字也錯刀則刻之作字也以黃金填其文上曰一下曰刀二刀泉甚不與志相應也以扎單差錯文字磨滅故耳師古

曰王莽錢刀今並尚在形質及文與志相合無差錯

連弩

李陵傳

李陵發連弩射單于

張晏曰三十莖共一臂也秦去權反

便衣

李陵傳

師古曰謂著短衣小襖也

一半米

李陵傳

李陵令軍士人持二升糒一半米

師古曰半讀曰判判大片也時冬寒

有米持之以備渴也

百金稅

朱建傳十三

朱建母死辟陽侯奉百金稅

師古曰贈終者之衣被曰稅言以百

金爲衣被之具稅式芮及其字從衣

問遺

婁敬傳十三

師古曰問遺謂餉饋之也

舍匿

淮南厲王傳十四

舍匿者論皆有法

師古曰舍匿謂容止而藏隱也

發車封

淮南厲王傳

不敢發車封淮南厲王謀逆赦死罪載以輜車令縣次傳王不食而死縣傳者不敢發車封

孟康曰檻車有封

友壻

嚴助傳三十四上

嚴助對武帝曰臣家貧為友壻富人所辱

師古曰友壻同門之壻也

搏景

主父偃傳三十四

匈奴獸聚而鳥散從之如搏景

師古曰搏擊也搏人之陰景言不可



得也

刷耻貨殖傳六十一

報彊吳刷會稽之耻

師古曰刷謂拭除之也

埒富猗頓傳

與王者埒富

師古曰埒等也

稱之不容口爰盎傳十九

師古曰稱美其德口不能容也

法宮晁錯傳

五帝神聖處法宮之中明堂之上

如淳曰法宮路寢正殿也

充賦晁錯傳

晁錯曰以臣充賦甚不稱明詔求賢之

意

如淳曰猶言備數也臣瓚曰充賦此

錯之謙也云如賦調也

狐白

匡衡傳五十一

夫富貴在身而列士不譽是有狐白之裘而反衣之也

師古曰狐白謂狐掖下之皮其毛純白集以爲裘輕柔難得故貴也反衣之者以其毛在內也今人則以背毛爲裘而棄其白蓋取厚而溫也衣於

旣反

隨牒

匡衡傳

匡衡材智有餘經學絕倫但以無階朝廷故隨牒在遠方

師古曰階謂升次也隨牒謂隨選補之常牒不被超擢者

已然諾

灌夫傳二十二

灌夫不好文學喜任俠已然諾

師古曰已必也謂一言許人必信之也

餐錢奉邑

高祖紀二年

列侯幸得賜餐錢奉邑

韋昭曰稅租奉祿正所食也四時得間賜是為餐錢餐小食也師古曰餐飡同一字耳于安反飡所謂吞食物也餐錢賜厨膳錢也奉邑本所食邑

也奉扶用反

兩漢博聞卷第七終



兩漢博聞卷第八

後漢

目錄

大駕法駕小駕

文始五行武德之舞

三老五更

橫吹

小侯學

清宮

三鱣

三互

鯨魚杵蒲牢

周廬千列

鈞陳

尺一詔

肉刑



輦車驪駕 風角

道家蓬萊山

中書

名馬式

馬服君

汗簡

帝者諦也

治所

黃綬

間步

束脩之饋

司馬法

三閭

鼓行

人品

角立傑出

國憂

禁氏二業

琴增二絃

去符傳

清詔

去就之槩

前星

征營

當陽侯

北寺獄

通儒俗儒

伎數

奏記

搜牢

叟兵

百六有會

郿塢南北鄔

鮮車怒馬

服練紅

八月賜羊酒

三關

天心

傳國璽

紫微宮

飛書

伊優骯髒

彈棊

格五

六博

意錢

蹴鞠

步驟

掾屬

甲乙科射策

三獨坐

景風

間氣

三統

百戶牛酒

駭雞犀

設屏

重繭

樞機

太后臨朝

關覽

柱天

匿犀

儉牛

角力

慰藉

麋弓卧鼓

章鉞

懸師

銀艾

晏開

織券

中藏

元元

左官

韋帶

殊死

史書

生犀

六幽

廊廟之計

從官

兩漢博聞卷第八

大駕

法駕

小駕

輿服志二十九

胡廣漢制度曰天子出有大駕法駕小  
駕大駕則公卿奉引大將軍驂乘太僕  
御屬車八十一乘備千乘萬騎法駕八  
卿不在鹵簿唯河南尹執金吾洛陽令  
奉引侍中驂乘奉車郎御屬車四十六  
乘小駕太僕奉駕侍御史整車騎也



文始五行武德之舞

顯宗紀

永平三年烝祭光武廟初奏文始五行武德之舞

注云禮記曰冬祭曰烝烝衆也冬物畢成可祭者衆前書曰文始舞者本舜韶舞也高祖六年更名文始其舞人執羽籥五行者本周舞也秦始皇二十六年更名五行其舞者冠冕衣

服法五行色武德者高祖四年作言行武以除亂也其舞者執干戚光武草創禮樂未備今始奏之

三老五更

顯宗紀永平一年

詔曰光武皇帝建三朝之禮而未及臨饗眇眇小子初行大射復踐辟雍尊事三老兄事五更三老李躬年耆學明五更相榮授朕尚書其賜榮爵關內侯三

老五更皆以二千石祿養終厥身

注云三朝之禮謂明堂辟雍靈臺也  
安車坐乘之車輶輪以蒲裹輪輶而  
充反三老就車天子親執綏授之綏  
車中把也漢官儀曰三老五更皆取  
有首妻男女全具用其德行年耆高  
者三公一人為三老次卿一人為五  
更皆冠進賢扶玉杖其日乘輿先到

辟雍遣使者安車迎三老五更天子  
迎于門屏交拜三公設几杖九卿正  
履天子親袒割俎執醬而饋執爵而  
醕五更南面三公進供禮亦如之醬  
醢也

橫吹

班超傳三十七

拜班超為將兵長史假鼓吹幢麾

注云古今樂錄曰橫吹胡樂也張騫

入西域傳其法於長安唯得摩訶兜勒一曲李延年因之更造新聲二十八解乘輿以爲武樂後漢以給邊將萬人將軍得之在俗用者有黃鵠隴頭出關入關出塞入塞折楊柳黃覃子赤之楊望行人十曲橫吹麾幢皆大將軍所有超非大將故言假

小侯學

顯宗紀永平九年

爲四姓小侯開立學校置五經師

注云袁宏漢紀曰爲外戚樊氏郭氏陰氏馬氏諸子弟立學號四姓小侯以非列侯故曰小侯

清宮

楊秉傳四十四 前漢文帝紀附

王者至尊警蹕而行靜室而止

注云蹕止行人也靜室謂先使清宮也

文帝卽位使太僕嬰東牟侯興居先清宮

應劭曰舊典天子行幸所至必遣靜室今先案行清淨殿中以虞非常

三鱣揚震傳四十四

有冠雀銜三鱣魚飛集揚震講堂前都講取魚進曰蛇鱣者卿大夫服之象也數三者法三台也先生自此升矣

注云冠音貫卽鶴雀也鱣音善鱣似蛇臣賢案續漢及謝承書鱣字皆作鱣然則鱣鱣古字通也黃地黑文故云卿大夫服象也

三互蔡邕傳五十下

初朝議以州郡相黨人情比周乃制婚姻之家及兩州人士不得對相監臨至是復有三互法三互謂婚姻之家兩州

人不得交互爲官也

鯨魚杵

蒲牢

班固傳三十下  
雄傳附

前漢揚

班固東都賦云發鯨魚鏗華鍾登玉輅

乘時龍

注云鯨魚杵謂刻杵作鯨魚形也鏗謂擊之也薛綜注西京賦云海中有大魚名鯨又有獸名蒲牢素畏鯨魚鯨魚擊蒲牢蒲牢輒大嗚呼凡鍾欲

令其聲大者故作蒲牢於其上撞鐘者名爲鯨魚鐘有篆刻之文故曰華楊雄河東賦嗚洪鐘

師古曰天子將出則撞黃鍾之鐘左五鐘皆應入則撞蕤賓之鐘右五鐘皆應

周廬千列

班固傳三十上

注云宿衛之廬周於宮也千列言多

也

鈎陳

班固傳

周以鈎陳之位衛以嚴更之署

注云周環也鈎陳紫宮外星也宮衛

之位亦象之嚴更之署行夜之司也

尺一詔

李雲傳四十七

陳蕃傳五十六

李雲書曰尺一拜用不經御省

注云尺一之版謂詔策也

陳蕃疏曰尺一選舉宜委尚書三公

注云尺一謂板長尺一以寫詔書也

肉刑

郎顛傳二十下

注云漢法肉刑三謂黥也劓也左右

趾也文帝除之當黥者髡鉗城旦春

當劓者笞三百當左右趾者笞五百

輦車驪駕

光武北征軍食急乏寇恂守河內以輦

車驪駕轉輪前後不絕

注云驪駕併駕也輦車人挽行也

風角 郎顛傳

郎顛學京氏易善風角星筭

注云京氏京房也作易傳風角謂候四方四隅之風以占吉凶也星筭謂天文筭數也

道家蓬萊山

寶章傳十三

學者稱東觀為老氏藏室道家蓬萊山  
注云老子為守藏史復為柱下史四方所記文書皆歸柱下言東觀經籍多也蓬萊海中神山為仙府幽經秘錄皆在焉

中書

伏湛傳十六

永和元年詔伏無忌與議郎黃景姑定  
中書五經諸子百家藝術

注云中書內中之書也

名馬式

馬援傳十四

馬援善別名馬於交趾得駱越銅鼓乃鑄爲式還上之因表曰臣援常師事楊子阿受相馬骨法今欲形之於生馬則骨法難備具孝武時善相馬者東門京東門姓也京名也鑄作銅馬法獻之有詔立馬於魯班門外則更名魯班門爲金馬門

臣謹依儀氏等數家骨相以爲法有詔置於宣德殿下以爲名馬式

馬服君

馬援傳

馬援其先趙奢爲將號曰馬服君子孫因爲氏

注云馬服者言能服馭馬也史記曰趙惠文王以奢有功賜爵號馬服君

汗簡

吳祐傳五十四



吳祐父恢為南海太守到官恢欲殺青簡以寫經書諫止之

注云殺青者以火炙簡令汗取其青易書復不蠹謂之殺青亦謂汗簡

帝者諦也 李雲傳

孔子曰帝者諦也

注云審諦於物也

治所

前漢朱博傳

師古曰刺史所止理事處

黃綬 朱博傳

師古曰縣丞尉職卑皆黃綬

間步 朱博傳

朱博去吏間步至廷尉下雪陳咸事

師古曰去吏自解職也間步謂步行而伺間隙以去

束脩之饋

第五倫傳三十一

大夫無境外之交束脩之饋

注云束脩束帛也脩脯也饋遺也

司馬法

孔融傳

注云齊威王使大夫追論古者司馬法其法論田及兵之法也

三閭

孔融傳

注云卽屈原也掌王族三姓曰昭屈景故曰三閭

鼓行

荀彧傳六十

鼓行而前

注云謂鳴鼓而行言無所畏也

人品

郭泰傳五十八

郭泰獎拔士人皆如所鑒

注云謝承書云泰之所名人品乃定先言後驗衆皆服之

角立傑出

徐穉傳四十三

栢帝徵徐穉姜肱等並不至帝問陳蕃  
曰徐穉等孰爲先後蕃曰穉爰自江南  
卑簿之域角立傑出宜當爲先

注云如角之特立也

國憂

奔國憂又曰來弔大憂

禁民二業

劉殷傳二十九

劉般上言曰郡國以官禁二業至有田

者不得漁捕

注云二業謂農者不得商賈也

琴增二絃

仲長統傳三十九

注云三禮圖曰琴本五絃曰宮商角

徵羽文王琴增曰少宮少商絃最清也

去符傳

竇固傳十三

竇固出玉門擊西域詔耿秉及騎都尉

劉張皆去符傳以屬固

注云專將兵者並有符傳擬合之取信今去符傳皆受固之節度

清詔

第五倫傳三十一

第五倫永壽中以司徒掾清詔使冀州廉察災害舉奏刺史二千石以下

注云風俗通曰汝南周勃辟太尉清詔使荊州又此言以司徒清詔使冀

州蓋三公府有清詔貞以承認使也

去就之槩

周燮傳序四十三

識去就之槩

注云槩節也候時以居不失去就也

前星

廣陵思王傳三十二

注云天官書曰心前星太子之位也

征營

鍾離意傳三十一

鍾離意上疏曰不勝愚戇征營罪當萬

死

注云征營不自安也

當陽侯

清河孝王傳四十五

注云當陽今荊州也

北寺獄

千乘貞王傳

北寺獄名屬黃門署前書音義曰卽若

盧獄也

通儒俗儒

杜林傳十七

注云風俗通曰儒者區也言其區別古今居先王之制立當時之事此通儒也若能言而不能行講誦而已無能往來此俗儒也

伎數

栢譚傳十八

小才伎數之人

注云伎方伎醫方之家也數謂數術史卜之官也

奏記 班固傳三十上

班固奏記於東平王蒼

注云奏進也記書也前書待詔鄭朋奏記於蕭望之奏記自朋始也

搜牢 董卓傳六十二

董卓既行廢立之事是時洛中金帛家  
家殷積卓縱放兵士剽虜資物謂之搜  
牢

注云言牢固者皆搜索取之也

叟兵 董卓傳

呂布軍有叟兵內反引李傕入城

注云叟兵則蜀兵也漢代謂蜀爲叟

百六有會 董卓傳贊

百六有會過剝成災

注云前書音義曰四千五百歲爲一

元一元之中有九度陽厄五陰厄四

陽爲旱陰爲水初入元百六歲有陽

厄故曰百六之會

郿塢

南北塢 董卓傳 獻帝紀 皇甫

董卓築塢於郿高厚七丈號曰萬歲塢積穀爲三十年儲自云事成雄據天下不成守此足以畢老旣敗塢中珍藏有金二三萬斤銀八九萬斤錦綺紈素奇玩積如丘山

李傕移獻帝幸北鄠

注云營居曰塢一曰庫城時帝在南塢傕迎帝幸北塢字林曰塢小障也一曰小城字或作鳴

皇甫規傳覆沒營塢鄠音烏古反

鮮車怒馬

第五倫傳三十一

第五倫爲蜀郡太守蜀地肥饒掾史家貲多至千萬皆鮮車怒馬以財貨自達

倫悉寵遣之更選孤貧志行之人以處曹任

注云怒馬謂馬之肥壯其氣憤怒也

服練紅

東海恭王傳三十二

宗室東海孝王臻兄弟並有篤行母卒皆吐血毀瘠至服練紅兄弟追念初喪父幼小哀禮有闕因復重行喪制

注云既祥之後而服練也禮記曰練

衣黃裏縹緣縹淺絳也

八月賜羊酒

鄭均傳十七

鄭均為尚書以病乞骸骨拜議郎告歸元和元年詔曰鄭均前在機密以病致仕守善貞固黃髮不怠其賜均穀千斛常以八月長吏存問賜羊酒顯茲異行注云東觀記曰賜羊一頭酒二斗終其身問遺賢良必以八月諸物老成



故順其時氣助養育之也

三關馮衍傳十

上黨之地有四塞之固東帶三關西爲國蔽

注云三關謂上黨關壺口關石陘關也陘音形

天心

郎顛傳二十

注云李巡曰北極居天心也居北方

正四時謂之北辰也

傳國璽

徐璆傳三十八

徐璆道爲袁術所劫術死軍破璆得其盜國璽還許上之

注云衛宏曰秦以前以金玉銀爲方寸璽秦以來天子獨稱璽又以玉羣下莫得用其玉出藍田山題是李斯書其文曰受命于天既壽永昌號曰

傳國璽漢高祖定三秦子嬰獻之高祖卽位乃佩之王莽就元后求璽后乃出以投地上螭一角缺及莽敗李松送上更始更始上赤眉建武三年盆子奉以上光武孫堅入雄敗董卓軍於城雨見井中有五色光堅乃浚井得璽袁術拘堅妻求之得璽舉以向肘時璆得而獻之

紫微宮

霍譖傳三十八

注云天有紫微宮是上帝所居也王者立宮象而爲之也

飛書

梁松傳二十四

梁松怨望乃縣飛書誹謗下獄死

注云飛書者無根而至若飛來也卽

今匿名書也

伊優抗髒

趙壹傳七十下

趙壹詩云伊優北堂上抗髒倚門邊

注云伊優屈曲佞媚之貌抗髒高伉  
偉直之貌也佞媚者見親故昇堂偉  
直者見棄故倚門

彈碁

梁冀傳二十四

梁冀能挽滿彈碁格五六博蹴鞠意錢

之戲

免滿猶引強也

注云藝經曰彈碁兩人對局自黑碁

子各六枚先列碁相當更先彈也

格五

梁冀傳

五口丘壽王傳三十四附

注云前書吾丘壽王善格五音義云  
篔也蘇代反說文曰行碁相塞謂之  
篔鮑宏篔經曰篔有四采塞四乘五  
是也至五卽格不得行故謂之格五

大博

梁冀傳

注云鮑宏博經曰用十二碁六碁白

六碁黑所擲頭謂之瓊瓊有五采按  
莊子云博塞以遊

注云行五道而投瓊曰博不投瓊曰  
塞塞亦博類

意錢

梁冀傳

王符傳三十九

注云何承天纂文曰詭億一曰射意  
一曰射數卽攤錢也

王符潜夫論曰或以遊博持掩爲事

注云博謂六博掩謂意錢也

蹴踘

梁冀傳

注云劉向列傳曰蹴踘者傳言黃帝  
所作或曰起戰國之時蹴踘兵勢也  
所以講武知有材也

步驟

曹褒傳三十五

詔曰三五步驟優劣殊軌

注云孝經鈎命決曰三皇步五帝驟

三王馳

掾屬 蓋延傳八

蓋延身長八尺彎弓三百斤邊俗尚勇  
力延以氣聞歷郡列掾州從事

注云古者三公下至郡縣皆有掾屬  
續漢志曰建武十八年立刺史十三  
人人主一州皆有從事史假佐每郡  
皆置諸曹掾郡中列掾非一延並為

之故言歷也

甲乙科

射策

順帝紀陽嘉元年

注云前書音義曰甲乙科謂作簡策  
難問列置案上在試者意投射取而  
答之謂之射策上者為甲次者為乙  
必錄政化得失顯而問之謂之對策

三獨坐

王常傳五

注云漢官儀曰御史大夫尚書令司

隸校尉皆專席號三獨坐

景風

和帝永元三年

和帝詔曰高祖功臣蕭曹爲首曹相國後容城侯無嗣宜求近親須景風紹封以章厥功

注云春秋考異郵曰夏至四十五日景風至則封有功

間氣

郎顛傳二十下

郎顛曰處士漢中李固元精所生王之佐臣天之生固必爲聖漢

注云元爲天精謂之精氣春秋演孔圖曰正氣爲帝間氣爲臣宮商爲佐秀氣爲人也

三統

陳寵傳三十六

冬至之節陽氣始萌故十一月有蘭射干芸荔之應天以爲正周以爲春十二

月陽氣上通雉雞乳地以爲正殷以爲春十三月陽氣已至天地已交人以爲正夏以爲春三微成著以通三統周以天元殷以地元夏以人元若以此時行刑則殷周歲首皆當流血不合人心不稽天意

百戶牛酒

肅宗紀元和二年

詔賜河南女子百戶牛酒

注云史記封禪書百戶牛一頭酒十石臣賢謂女戶頭卽今之女戶也天子稱慶恩當普洽所以男戶賜爵女子賜牛酒

駭雞犀

西域大秦國傳七十八

注云抱朴子曰通天犀有白理如縵者以盛米置羣雞中雞欲往啄米至輒驚却故南人名爲駭雞

設屏

齊王續傳四

人君正屏有所不聽

注云白虎通曰所以設屏何以自障也示不極臣下之敬也天子德大故外屏諸侯德小故內屏

重繭

段熲傳五十五

段熲與東羌戰羌大敗棄兵而走追之三日三夜士皆重繭

注云繭足下傷起形如繭也淮南子

曰申包胥曾繭重臆

樞機

明德馬皇后傳十

先帝防慎舅氏不令在樞機之位

注云樞機近要之官也

太后臨朝

安思閻皇后傳十下

注云蔡邕獨斷曰少帝卽位太后卽代攝政臨前殿朝羣臣太后東面少



帝西面羣臣奏事上書皆爲兩通一詣后一詣少帝

關覽

張升傳七十下

張升少好學多關覽而仕情不羈

注云關涉也不羈謂超絕等倫不可羈束也

柱天

齊王縯傳四

齊王縯自稱柱天都部

注云柱天者若天之柱也

匿犀

李固傳五十三

李固貌狀有奇表鼎角匿犀足履龜文

注云鼎角頂有骨如鼎足也匿犀伏犀也謂骨當額上入髮際隱起也足履龜文者二千石見相書

檜牛

逢萌傳七十三

王君公檜牛自隱

注云口無二價時人曰避世墻東王君公儉謂平會兩家賣買之價

角力

隗囂傳三

注云角力爭力也

慰藉

隗囂傳

隗囂上書詣闕光武素聞其風聲報以殊禮言稱字用敵國之儀所以慰藉之良厚

注云慰安也藉薦也言安慰而薦藉之良甚也

橐弓卧鼓

隗囂傳

注云卧猶息也

章鉞

李固傳五十三

李固誅弟子汝南郭亮年始成童遊學洛陽乃左提章鉞右秉鈇鑕詣闕上書乞收固屍不許

注云章謂所上章也鉞斧也鈇鑕也

懸師

皇甫規傳五十五

皇甫規上疏乞自効懸師之費且百億計

注云懸猶停也

銀艾

張奐傳五十五

張奐曰吾前後仕進十要銀艾

注云銀印綠綬也以艾草染之故曰艾也

晏開

耿國傳九

使塞下無晏開之警

注云有警急則開門晚也

鐵券

祭遵傳十

丹書鐵券傳於無窮

注云鐵券鐵契也前書高祖與功臣

剖符作誓丹書鐵契

中藏蓋勳傳四十八

帝曰吾多出中藏財物以餌士何如

注云中藏謂內藏也

元元光武紀

注云元元謂黎庶也前書武帝詔勸

元元師古曰元元善意

左官丁鴻傳二十七

丁鴻上封事曰左官外附之臣依託權

門

注云左官者人道尚右舍天子而事諸侯爲左官外附謂背正法而附私家

韋帶周磐傳二十九

周磐解韋帶就孝廉之舉

注云以韋皮爲帶未仕之服也求仕

則服革帶故解之

殊死光武紀一上

光武詔罪非犯殊死一切勿案

注云殊死謂斬刑殊絕也左傳曰斬其木而弗殊一切謂權時非久制也

史書

安帝紀五

安帝年十歲好學史書

注云史書者史籀所作凡五十五篇

可以教童幼

生犀

肅宗紀元和元年

南徼外蠻夷獻生犀白雉

注云山海經曰犀似牛而猪頭黑色

交州記曰犀有毛如豕頭如馬有三

角鼻上角短額上頭上角長異物志

曰角中特有光耀白理如線自本達

末則爲通犀

六幽

肅宗紀章和元年

光照六幽

注云六幽謂六合幽隱之處

廊廟之計

申屠剛傳十九

注云廊殿下屋也廟太廟也國事必先謀於廊廟之所也

從官

前漢元帝紀附


永光五年秋潁川水出流殺人民吏從

官縣被害者與告

晉灼曰從官卽上侍從之官也言凡為吏為從官其本縣有被害者皆與休告

兩漢博聞卷第八

終



國家圖書館 NATIONAL CENTRAL LIBRARY TAIWAN, R.O.C

阿拉伯文卷六

三

兩漢博聞卷第九

後漢

目錄

六璽

紫泥

通中枕

方領

鹿車

文降

重問

棊信

回穴

投間

糝謬

闕閱

嬰城

油戟


紫艾綬

兼兩

骨鯁

奕世

龜鼎





竹帛

鍛鍊

時髦

保阿傳士

五營

仙人山圖

晨門

環玦

峭覈

露布

白越

跋扈

東園梓器

采女

富於春秋

姑息

梗槩

髻鬣

巨萬

輜張

府帑

稽故

註誤

浮屠

伊蒲塞

桑門仁祠

神道

刀筆

輕車

伍伯

充庭車

口賦

旄頭騎

長檄

葆車

烽燧

同門學

甄表門閭

苛政

羽檄

三河

殿最

鉗鈇

輿地圖

制詔

赤草

幕南

野穀旅生

亭候

牙門

衿帶

間關

投綖

庶孽

大較

輜重

屠唐鄉

中堅

雲車

武關山為地門

樓車

面縛

占書

盤盂銘

章奏

嚴棘

珠畫祕器

賜胙

江沔

酒鑪

兩漢博聞卷第九

六璽

紫泥

光武紀建武三年

赤眉君臣面縛奉光武以高帝璽綬

注云蔡邕獨斷曰皇帝六璽皆玉螭

虎紐文曰皇帝行璽皇帝之璽皇帝

信璽天子行璽天子之璽天子信璽

皆以武都紫泥封之玉璽譜曰傳國

璽是秦始皇初定天下所刻

通中枕

鍾離意傳三十一

注云蔡質漢官儀曰尚書郎直入臺中官供新青縑白綾被晝夜更宿帷帳畫通中枕卧旃蓐冬夏隨時改易太官供食五日一美食下天子一等

方領

馬援傳十四

注云前書音義曰頸下施衿領正方學者之服也

鹿車

趙憲傳十六

趙憲避赤眉兵以泥塗友人韓仲伯婦面載以鹿車

文降

皇甫規傳五十五

注云風俗通曰鹿車窄小載容一鹿中外共誣皇甫規貨賂群羗令其文降注云以文簿虛降非真心也

重問

王龔傳四十六

舊典大臣不有大罪不至重問

注云大臣獄重故曰重問成帝時丞相薛宣御史大夫翟方進有罪上使五二千石雜問音義曰大獄重故以秩二千石五人同問之

蔡信

竇武傳五十九

取蔡信閉諸禁門

注云蔡有衣戟也漢官儀曰凡居宮

中皆施籍於掖門案姓名當入者本官為封蔡傳審印信然後受之

回宧

盧植傳五十四

植上書曰今之禮記特多回宧

注云回宧紆曲也

投間

延篤傳五十四

延篤書曰百家衆氏投間而作

注云言誦經典之餘投射間隙而詭

百氏也

糝謬 盧植傳

植書云周禮諸經發起糝謬

注云糝粟不成喻義之乖僻也

閎閱 章帝紀

詔曰每尋前世舉人貢士或起叨畝不繫閎閱

注云明其等曰閎積其功曰閱言務

取賢才不拘門地

嬰城 卓茂傳十五

嬰城者相望

注云言以城自嬰繞

油戟 杜詩傳二十一

杜詩歲中三遷為侍御史世祖召見賜以祭戟

注云漢雜事曰漢制假祭戟以代斧

鉞崔豹古今注曰祭戟前驅之器也  
以木爲之後代以赤油韜之亦謂之  
油戟王公已下通用之

紫艾綬

馮魴傳二十三

獲嘉侯馮石安帝寵之賜紫艾綬

注云艾卽鞞綠色也其色似艾

兼兩

吳祐傳五十四

吳祐諫其父欲殺青簡以寫經書曰此

書若成則載之兼兩

注云車有兩輪故稱兩也

骨鯁

來歙傳五

注云骨鯁喻正直也說文曰鯁魚骨也食骨留咽中爲鯁

奕世

楊秉傳四十四

楊秉疏曰臣奕世受恩

注云奕猶重也

龜鼎

宦者傳六十八

宦者論云魏武因之遂遷龜鼎

注云龜鼎國之守器以喻帝位也

竹帛

和熹鄧皇后傳十

注云竹謂簡冊帛謂縑素

鍛鍊

韋彪傳十六

鍛鍊之吏持心近薄

注云鍛稚也鍛鍊成熟也言深文之

吏入人之罪猶工冶陶鑄鍛鍊使之

成熟也

時髦

順帝紀贊

注云髦俊也郭璞云士中之俊猶毛

中之髦

保阿傅士

順帝紀贊

注云保安也阿倚也言可依倚以取  
安傅姆之類也傅士謂阿母山陽君

宋娥更相貨賂求增邑土也

五營

順帝紀

注云五營五校也謂長永步兵射聲

胡騎車騎等五校尉

仙人山圖

西南夷傳七十六

祚都夷者武帝開之土出長年神藥仙人山圖所居焉

注云劉向列仙傳三山圖隴西人好

乘馬馬蹋折脚山中道士教服地黃當歸羌活玄參服一年不嗜食病愈身輕道士自云五岳使人之名山採藥能隨吾汝便不死山圖隨之莫知所終

晨門

王冀傳論四十六

晨門有抱關之夫

注云晨主守門晨夜開閉也史記侯



羸夷門抱關者守門必抱關故兼言之

環玦

袁譚傳六十四下

審配上書袁譚曰願將軍熟詳吉凶以賜環玦

注云絕人以玦及人以環

峭覈

第五倫傳論三十一

第五倫峭覈為方

注云峭覈謂其性峻急好窮覈事情

露布

李雲傳四十七

李雲素剛憂國將危乃露布上書移副

三府

注云露布謂不封之也并以副本上

三公府也

白越

明德馬皇后傳十

馬太后賜諸貴人白越三千端

注云白越越布也

跋扈

朱浮傳二十三

注云跋扈猶暴橫也又梁冀傳注跋扈猶強梁也

東園梓器

愍皇后傳十下

愍皇后崩斂以東園畫梓壽器

注云東園署名屬少府掌為棺器梓木為棺以漆畫之稱壽器者欲其久

長也猶如壽宮壽陵之類也大臣薨亦多賜東園秘器

采女

鄧皇后傳

鄧皇后少入掖庭為采女絕幸

注云采擇也因采擇而立名

富於春秋

樂恢傳三十三

注云春秋謂年也言年少春秋尚多

故稱富

姑息

朱穆傳三十三

注云姑且也息安也小人之道苟且

取安也

梗槩

杜篤傳七十

杜篤曰臣所欲言陛下已知故略其梗

槩

注云梗槩猶粗略也

髻鬣

邊讓傳七十一

注云髻剪髮為髻也鬣毀齒也大戴

禮曰男八歲而髻女七歲而鬣

巨萬

鄧皇后傳十下

賞賜巨萬計

注云巨大也大謂萬萬也

輶張

董皇后傳十下

汝今輶張怙汝兄邪

注云輶張猶彊梁也

府帑

鄧訓傳六

注云帑金帛所藏之府

稽故

鄧訓傳

擁衛稽故令不得戰

注云稽故謂稽留事故也

註誤

光武紀

注云註亦誤也音挂

浮屠

楚王英傳三十二

注云袁宏漢記浮屠佛也西域天竺

國有佛道焉佛者漢言覺也將以覺

悟群生也初明帝夢見金人長大頂

有日月光以問群臣或曰西方有神

其名曰佛陛下所夢得無是乎於是

遣使天竺問其道術而圖其形像焉

伊蒲塞

桑門

仁祠

楚王英傳三十二

顯宗詔天下死罪皆入縑贖楚王英奉

黃縑白紉三十匹贖罪下詔曰楚王誦黃老之微言尚浮屠之仁祠何嫌何疑當有悔吝其還贖以助伊蒲塞桑門之盛饌

注云伊蒲塞卽優婆塞也中華翻爲近住言受戒行堪近僧住也桑門卽沙門也

神道

中山簡王傳三十二

中山簡王薨詔大爲修冢塋開神道

注云墓前開道建石柱以爲標謂之神道

刀筆

劉盆子傳

注云古者記事於簡冊謬誤者以刀削而除之故曰刀筆

輕車

楊賜傳四十四

注云續漢書輕車古之戰車也雕朱

輪輿不巾不蓋菑矛戟幢麾菑側事

反謂挿也

伍伯 曹節傳六十八

騎營五百

注云韋昭辯釋名曰五百字本爲五伯伍當也伯道也使之導引當道陌中以驅除也案今俗呼行杖人爲五伯也

充庭車

安帝紀

永初四年正月元日會徹樂不陳充庭車

注云每大朝會必陳乘輿法物車輦於庭故曰充庭車也以年飢故不陳

口賦

光武紀

注云漢儀注曰人年十五至五十六出賦錢人百二十爲一筭又七歲至

十四出口錢人二十以供天子至武帝時又口加三錢以補車騎馬

旄頭騎

光武紀

注云漢官儀曰舊選羽林為旄頭被髮先驅魏文帝列異傳曰秦文公時梓樹化為牛以騎擊之騎不勝或墮地髻解被髮牛畏之入水故秦因是置旄頭騎使先驅

長檄

安帝紀

民訛言相驚窮困道路若欲歸本郡在所為封長檄

注云印封之也長檄猶今長牒欲歸者皆給以長牒為驗

葆車

光武紀

注云葆車謂上建羽葆也合聚五采羽名為葆

烽燧

光武紀

注云邊方備警急作高土臺臺上作  
桔臯桔臯頭有兜零以薪草置其中  
有寇卽燃火相告曰烽又多積薪寇  
至卽燔之望其烟曰燧晝則燔燧夜  
乃舉烽兜零籠也

同門學

張酺傳二十五

注云張酺從祖父充與光武同門學

光武卽位求問充充已死又前漢孟  
喜傳注云同門同師學者也

甄表門閭

甄表門閭旌顯厥行

注云甄明也旌章也里門謂之閭旌  
表者若今樹闕而顯之

苛政

光武紀

注云說文曰苛小草也言政令繁細



羽檄

光武紀

注云魏武奏事云若有急卽插以雞羽謂之羽檄

三河

光武贊

注云河南河北河東也

殿最

光武紀

注云殿後也謂課居後也最凡要之首言課居先也

鉗鈇

光武紀

建武二十二年詔赦徒皆弛解鉗衣絲絮

注云弛解脫也鈇足鉗也徒計反又大蓋反在徒役者不得衣絲絮今赦許之

輿地圖

光武紀

注云廣雅曰輿載也言載在地者皆

圖畫之

制詔 光武紀

注云漢制度曰帝之下書有四一曰策書二曰制書三曰詔書四曰誡敕

赤草 光武紀

中元元年赤草生於水崖

注云赤草朱草也大戴禮曰朱草日  
生一葉至十五日已後日落一葉周

而復始

幕南 光武紀

匈奴北徙幕南地空

野穀旅生 光武紀

注云旅寄也不因播種而生故曰旅  
亭候 光武紀

注云亭候伺候望敵之所前書曰秦  
法十里一亭亭有長漢因之不改

牙門

袁紹傳六十四上

麴義乘勝到公孫瓚營拔其牙門

注云真人水鏡經曰凡軍始出立牙  
竿必令完堅若有折將軍不利牙門  
旗竿軍之精也即周禮軍旅會同置  
旌門是也

衿帶

杜篤傳七十

關梁之險多所衿帶

注云衿帶衣服之要故以喻之

間關

荀彧傳論六十

荀君乃越河冀間關以從曹氏

注云間關猶展轉也又前書王邑戰  
敗馳入宮間關至漸臺注云間關猶  
言崎嶇展轉也

投繯

吳祐傳五十四

投繯而死

注云謂以繩爲綬投之而縊也綬胡

犬反

庶孽

杜喬傳五十三

注云孽賤也猶樹之有孽生也

大較

延篤傳五十四

注云較猶略也

輜重

光武紀

注云釋名曰輜厠也謂軍糧什物雜

厠載之以其累重故稱輜重重直用

反

屠唐鄉

光武紀高帝紀注附

光武進屠唐子鄉

注云多所誅殺乃屠唐子鄉地名

師古曰屠謂破取城邑誅其人如屠

六畜然

中堅

光武紀

衝其中堅

注云凡軍事中軍將最尊居中以堅  
銳自輔故曰中堅

雲車

光武紀

注云雲車卽樓車稱雲言其高也升  
之以望敵猶公輸般為雲梯之械

武關山為地門

劉盆子傳一

注云武關在今商州上洛縣東河圖

括地象曰武關山為地門上為天齊  
星下為文宿辰

樓車

光武紀

或為地道衝輶撞城

注云衝撞車也輶樓車也

面縛

光武紀

注云面偕也謂反偕而縛之

占書

袁敞傳三十五

張俊自獄中占獄吏上書自訟

注云占謂口授也前書陳遵憑几口占書吏是也

盤盃銘

朱穆傳三十三

古之明君必有輔德之臣規諫之官下至器物銘書成敗以防遺失

注云黃帝作巾机之法孔甲有盤盃之誠太公陰謀曰武王衣之銘曰桑

蠶苦女工難得新捐故後必寒鏡銘曰以鏡自照者見形容以人自照者見吉凶觴銘曰樂極則悲沉湎致非社稷爲危也

章奏

胡廣傳三十四

注云周成雜字曰牋表也漢雜事曰凡群臣之書通於天子者四品一曰章二曰奏三曰表四曰駁議章者需

頭稱稽首上以聞謝恩陳事詣闕通者也奏者亦需頭其京師官但言稽首言下稽首以聞其中有所請若罪法劾案公府送御史臺卿校送謁者臺也表者不需頭上言臣某言下言誠惶誠恐頓首頓首死罪死罪左方下附曰某官臣甲乙上

嚴棘

完榮傳六

尚書背繩墨案空劾不復質確其過寘於嚴棘之下

注云質正也確實也若角反嚴棘謂獄也易曰繫用徽墨寘于叢棘

珠畫祕器

袁安傳三十五

袁逢卒賜以珠畫特詔祕器

注云前書董賢死以沙畫棺音義云以朱沙畫之也珠與朱同祕器棺也

董賢傳沙畫棺以朱砂塗之而又雕畫也

賜胙 鄧彪傳三十四

注云胙祭廟肉也禮凡預祭異姓則歸之胙同姓則留之宴不預祭而賜胙重之也

江河 荀彧傳六十一

注云沔卽漢水也孔安國曰漢上爲

沔

酒鑪 孔融傳六十一

注云鑪累土爲之以居酒瓮如鍛鑪故名鑪字或作壚

縣廷 郭太傳五十八

郭太早孤母欲使給事縣廷

注云蒼頡篇曰廷直也說文廷朝中也風俗通云廷正也言縣廷郡廷朝



廷皆取平均正直也

梁益 獻帝紀

建安十八年復禹貢九州

注云兗豫青徐荆揚冀益雍也九數雖同而禹貢無益州有梁州然梁益亦一地也前漢武帝置十三郡刺史改雍曰梁改梁曰益

喉舌之官

李固傳五十三

李固曰陛下之有尚書猶天之有北斗也斗爲天喉舌尚書亦爲陛下喉舌斗斟酌元氣運平四時尚書出納王命賦政四海

賦布也

注云春秋合誠圖曰天理在斗中司三公如人喉在咽以理舌語宋均曰斗爲天之舌口主出政教三公主導宣君命



兩漢博聞卷第九終

國家圖書館, NATIONAL CENTRAL LIBRARY, TAIWAN, R.O.C.

二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

三

兩漢博聞卷第十

後漢

金馬碧雞

火毳

虎魄枕

猩猩

鉤黨

河潼

貊獸

蚌蛛

枕椰麩

徽墨

都亭

長秋宮

葱嶺

雪山

龍沙

堊塹

原羊

三臺

渾儀

螟蟻

伏臘



祖臘

墳麓

冒彰

宰士飛禍

告謚

復土

邸第甲第

機衡

迫北

赤地

盤鍤

秭歸

輜輶

鹿門

果下馬

縞素

師子封牛

鴻都門學士

賣官

天祿渴烏

紹介

六韜

蒙衝船

推步

霄

沆瀣

擊飲

廬落院落

熊經鴟顧

餌胡麻麋白

青牛道士

風問

鵠髮

明府

境墉

金沙光珠

六丁

玉搔頭

牛黃

五嶺

壽藏

金蠶

五溪

投効

精廬

水排

捲握

鳧藻

方舟

雨師風伯

龍門

巫覡之言

銀臺

曾城

尺牘

獄犴填滿

容車

交河

翡翠

丙穴

三泉

折角巾

邊幅

蔡侯紙

突騎

三輔

門下掾

錚錚

爛羊頭

綠林

黃巾

赤眉

錢塘

華陽國志

蟬蛻

日祀問祀

騎奴

矢石

金行之氣

鈴決之符

胎息氣

鰻魚

黃鉞

方底橐隱害

銀璫

黔首繫趾

五時衣

黨錮

風爲號令

明衣

杠

五經博士一家之學

白虎觀石渠墓祭

專門

兩漢博聞卷第十

兩漢博聞卷第十

金馬碧鷄

西南夷傳七十六

前漢王褒

越舊郡青蛉縣禹同山有碧鷄金馬光

景時時出見

注云禹同山在今褒州揚波縣王褒  
碧鷄頌曰持節使王褒謹拜南崖敬  
移金精神馬縹碧之鷄處南之荒深  
谿回谷非土之鄉歸來歸來漢德無

疆廉平唐虞澤配三皇華陽國志曰  
碧鷄光景人多見之前書者義曰金  
形似馬碧形似鷄也

方士言益州有金馬碧鷄之寶可祭祀  
致也宣帝使褒往祀焉褒於道病死

火毳

西南夷傳

注云火毳即火浣布也神異經曰南  
方有火山長四十里廣四五里生不

燼之木晝夜火燃得烈風不猛暴雨  
不滅火中有鼠重百斤毛長二尺餘  
細如絲常居火中時時出外而色白  
以水逐沃之即死績其毛織以作布  
用之若汗以火燒之則清潔也傅子  
曰長老說漢桓時梁冀作火浣布單  
衣會賓客行酒公卿朝臣前佯爭酒  
失杯而汗之冀僞怒解衣燒之布得

火燁然而熾如燒凡布垢盡火滅粲然潔白如水澣也

虎魄枕

西南夷傳

注云廣雅曰虎魄生地中其上及旁不生草深者八九尺大如斛削去皮成虎魄如斗初時如桃膠凝堅乃成其方人以爲枕出蜀賓及大秦國博物志曰松脂淪入地千年化爲茯苓

茯苓千歲化爲虎魄今太山有茯苓而無虎魄永昌有虎魄而無茯苓

猩猩

西南夷傳

注云酈元水經注曰猩猩形若狗而人面頭顏端正善與人言音聲妙麗如婦人對語聞之無不酸楚南中志曰猩猩在山谷中行無常路百數爲群土人以酒若糟設於路又喜僑子



土人織草爲屨數十量相連結猩猩在山谷見酒及屨知其設張者即知張者先祖名字乃呼其名而罵云奴欲張我捨之而去去而又還相呼試共嘗酒初嘗少許又取屨子著之若進兩三升便大醉人出收之屨子相連不得去執還內牢中人欲取者到牢邊語云猩猩汝可自相推肥者出

之旣擇肥竟相對而泣即左思賦云猩猩啼而就禽者也昔有人以猩猩餉封溪令人問餉何物猩猩自於籠中曰但有酒及僕耳無他飲食

鈎黨

史弼傳五十四

注云鈎謂相連也又靈帝紀注鈎謂相牽引也

河潼

傳贊五十五

注云潼谷名谷有水曰潼水即潼關

貊獸

西南夷傳

注云南中八郡志曰貊大如驢狀頗似熊多力食鐵所觸無不拉廣志曰貊色蒼白其皮温煖

蚌蛛

西南夷傳

注云徐衷南方草物狀曰凡採珠常三月用五牲祈禱若祠祭有失則風

攪海水或有大魚在蚌左右蚌珠長三寸半凡三品珠也

枕榔麩

西南夷傳

牂牁句町縣有枕榔木可以爲麩百姓資之牂牁即夜郎也楚頃襄王遣將莊豪滅夜郎改其名爲牂牁

注云臨海異物志曰枕榔木外皮有毛似拊櫛而散生其木剛作鈇鋤利

如鐵中石更利唯中焦根乃致敗耳  
皮中有似擣稻米片又似麥麩中作  
餅餌廣志曰桄榔樹大四五圍長五  
六丈洪直旁無枝條其顛生葉不過  
數十似椶葉破其木肌堅難傷入數  
寸得麩赤黃密緻可食

徽墨

西羌論七十七

女婦則徽墨而爲虜

注云徽糾繩也纏索也

都亭

王美人傳十下

王美人兄斌遷執金吾封都亭侯

注云凡言都亭者並城內亭也漢法  
大縣侯位視三公小縣侯位視上卿  
鄉亭侯位視中二千石

長秋宮

明德馬皇后傳十上

永平三年春有司奏立長秋宮

注云皇后所居宮也長者久也秋者萬物成熟之初也故以名焉請立皇后不敢指言故以宮稱之

葱嶺

西域傳論七十八

注云葱以山名也西河舊事云其山高天生葱嶺故名天竺記云葱嶺冬夏有雪有毒龍若犯之則風雨晦冥飛砂揚礫過此者萬無一全

雪山

班超傳三十七年

明帝永平十七年

注云西河舊事曰白山之中有好木又郭義恭廣志曰西域有白山通歲有雪亦名

注云冬夏有雪故曰白山匈奴謂之天山過之皆下馬拜去蒲類海百里實固破呼衍王於天山

注云呼衍匈奴王號天山即祈連山

一名雪山今名折羅漢山在伊州北

祈音時

龍沙

班超傳

安定慷慨專功西遐坦步葱雪咫尺龍沙

注云白龍堆沙漠也

前漢匈奴傳注孟康曰白龍堆形如土龍身無頭有尾高大者二三丈埤

者丈餘皆東北向相似也在西域中

堊塹

大秦國傳七十八

列置郵亭皆堊塹之

注云塹飾也火既反郭璞曰堊白土

也音惡

原羊

鮮卑傳八十

鮮卑出野馬

注云郭璞注爾雅曰原羊似吳羊而

大角出西方

三臺

素紹傳六十四上

注云漢官尚書爲中臺御史爲憲臺  
謁者爲外臺

渾儀

顯宗紀永平三年

登靈臺見史官正儀度

注云儀謂渾儀以銅爲之置於靈臺  
王者正天文之器也度謂日月星辰

之行度也史官即太史掌天文之官  
也

螟蚱

顯宗紀

詔曰去其螟蚱以及蝥賊

注云爾雅曰食苗心曰螟食根曰蝥  
蚱一名短狐今之水弩含沙射人爲  
災也

伏臘

顯宗紀永平十二年

注云史記曰秦德公始爲伏祠歷忌  
曰伏者何也金氣伏藏之日也四氣  
代謝皆以相生至于立秋以金代火  
金畏于火故庚日必伏月令孟冬之  
月祀先祖說文云臘冬至後祭百神  
始皇更臘曰嘉平

祖臘

陳寵傳三十六

陳咸父子閉門不出入猶用漢家祖臘

注云應劭風俗通曰共工之子好遠  
遊死爲祖神漢家火行盛於午故以  
午日爲祖也臘者歲終祭衆神之名  
臘接也新故交接故大祭以報功也  
漢火行衰於戌故臘用戌日也

墳箎

顯宗紀永平十年

注云燒土爲之大如鴈子鄭衆曰墳  
有六孔世本曰暴辛公作箎以竹爲

之長尺四寸有八孔

冒形

肅宗紀元和二年

注云字書曰形多須貌音而蒙冒其面或曰西域人多著冒而長故舉以爲言也

宰士

飛禍

周榮傳三十五

注云榮辟司徒袁安府故稱宰士飛禍言倉卒而死也

告謚

顯宗紀二

太尉趙憲告謚南郊

注云風俗通曰禮臣子無爵謚君父之義也故群臣累其功美葬日遣太尉於南郊告天而謚之

復土

顯宗紀

注云言下棺訖復以土爲墳故言復土



邸第 甲第 安帝紀五

注云邸屬國之舍也第謂甲乙之次第

機衡 郎顛傳二十下

尚書職在機衡

注云北斗魁星第三爲機第五爲衡於天文爲喉舌

追北 臧宮傳八

乘勝追北

注云人好陽而惡陰北方幽陰之地故軍敗者謂之北史記樂書曰北者敗也而近代音北爲背失其旨矣

赤地 臧宮傳

旱蝗赤地

注云赤地言在地之物皆盡說苑曰晉平公時赤地千里

盤鍤

隗囂傳三

隗囂初起兵設盟祀畢有司穿坎于庭  
牽馬操刀奉盤錯鍤遂割牲而盟

注云前書匈奴傳云漢書韓昌等與  
單于及大臣俱登諾水東山刑白馬  
單于以徑路刀金留犁撓酒應劭曰  
徑路匈奴寶刀也留犁飯匕也撓攪  
也以匕攪血而飲之今亦奉盤錯匙

而飲也以此而言鍤即匙字錯置也  
七故反其盟云鍤不濡血飲不入口  
是欺神明也

秭歸

和帝紀

永元十二年秭歸山崩

注云秭歸縣屬南郡古之夔國今歸  
州也素崧曰屈原此縣人既被流放  
忽然暫歸其姊亦來因名其地爲秭

歸秭亦姊也

輜駟

齊王縝傳四

注云輜駟有擁蔽之車也列女傳曰齊孝公華孟姬謂公曰妾聞妃后踰闕必乘安車輜駟說文曰駟車衣車也周禮注云駟猶屏也取其自蔽隱

鹿門

龐公傳七十三

龐公攜妻子登鹿門山因採藥不反

注云襄陽記曰建武中襄陽侯習郁立神祠於山刻二石鹿夾神道口俗因謂之鹿門廟遂名山也

果下馬

東夷傳七十五

澌出果下馬使來獻之

注云高三尺乘之可於果樹下行

縞素

順帝紀永建三年

注云縞皓也縞之精白者曰素

師子封牛

順帝紀陽嘉二年

疏勒國獻師子封牛

注云疏勒王遣使詣闕師子似虎正黃有髯形尾端茸毛大如斗封牛其領上肉隆起者若封然因以名之即今之峯牛

鴻都門學士

靈帝紀

光和元年始置鴻都門學士

注云鴻都門名也於內置學時其中諸生皆勅州郡三公舉召能爲尺牘辭賦及工書鳥篆者相課試至千人焉

賣官

靈帝紀

光和元年初開西邸賣官自關內侯虎賁羽林入錢各有差又私令左右賣公卿公千萬卿五百萬

注云山陽公載記曰時賣官二千石  
二千萬四百石四百萬其以德次應  
選者半之或三分之一於西園立庫  
以貯之

天祿

渴烏

靈帝紀中平三年

張讓傳

前漢西域傳六十六上  
靈帝修玉堂殿鑄銅人四黃鍾四及天

祿蝦蟆

注云黃鍾其音中黃鍾子爲黃鍾天

祿獸也案今鄧州南陽縣北有宗資  
碑旁有兩石獸鑄其一曰天祿一曰  
辟邪據此天祿辟邪並獸名時漢有  
天祿閣亦因獸而立名

使掖庭令畢嵐鑄銅人四列於倉龍玄  
武闕外鍾縣於王堂及雲臺殿前天祿  
蝦蟆吐水於平門外橋東轉水入宮又  
作翻車渴烏施於橋西用灑南北郊路

注云翻車設機車以引水渴烏爲曲筒以氣引水上也

前漢西域傳烏弋國有桃拔師子犀牛孟康曰桃拔一名符拔似鹿長尾一角者或爲天鹿兩角者或爲辟邪拔步葛反

紹介

符融傳五十八

注云古人相見必因紹介介因也言

因此人以相接見也

六韜

何進傳五十九

注云太公六韜篇第一霸典文論第二文師武論第三龍韜主將第四虎韜偏裨第五豹韜校尉第六犬韜司馬龍韜云武王曰吾欲令三軍之衆親其將如父母聞金聲而怒聞鼓音而喜爲之柰何

蒙衝船

補衡傳七十下

黃祖在蒙衝船上大會賓客

注云釋名曰外狹而長曰蒙衝以衝

突敵船

推步

馮鯤傳二十八

馮鯤善推步之術

注云推步謂究日月五星之度昏旦節氣之差

肖仲長統傳三十九

注云霄摩天赤氣也

沆瀣

仲長統傳

沆瀣當餐九陽代燭

注云沆瀣者北方夜半氣也九陽謂日也山海經曰陽谷上有扶木九日居下枝一日居上枝也

鷩飲

仲長統傳論

世非胥庭人乖齧飲

注云赫胥氏大庭氏並古之帝號莊子曰夫聖人鶉居而齧飲言鶉鳥無常居齧飲不假物並淳朴時也

廬落

院落

仇覽傳六十六

仇覽過邑人陳元之舍曰廬落整頓耕耘以時此非惡人教化未至耳

注云落居也案今之人謂院爲落也

熊經

鴟顧

華佗傳七十二下

注云熊經若熊之攀枝自懸也熊經身不動而迴顧也莊子曰吐故納新熊經鳥申導引養形之人也

餌胡麻

乘白鹿

方術傳

注云漢武內傳曰魯女生初餌胡麻及朮絕穀八十餘年日少壯色如桃花道成一旦與故人別云入華山去



後五十年先相識者逢女生華山廟  
前餌胡麻從玉女三十人并令謝其  
鄉里親故也

青牛道士

甘始傳

注云漢武內傳曰封君達初服黃連  
五十餘年入鳥舉山服水銀百餘年  
還鄉里如二十者常乘青牛故號青  
牛道士

風問

高彪傳七十下

高彪與馬融書曰承服風問從來有年

注云風問風猷令問也

鵠髮

承官傳贊十七

注云鵠髮白髮也

明府

張湛傳十七

張湛爲左馮翊主簿進曰明府位尊德  
重

注云郡守所居曰府明府者尊高之稱韓延壽爲東郡太守門卒謂之明府亦其義也

堯堉

丁鴻傳二十七

昔孫叔敖勅其子受封必求磽确之地注云孫叔敖楚相也將死戒其子曰王封汝必無居利地也楚越之間有寢丘者甚惡可長有以食也堯堉苦交

反堉苦角反

金沙

光珠

西南夷傳七十六

注云華陽國志曰蘭滄水有金沙洗取融爲金有光珠穴博物志曰金沙即江珠也

六丁

梁節王傳四十

梁節王暢數有惡夢從官卜忌自言能使六丁善占夢

注云六丁謂六甲中丁神也若甲子  
旬中則丁卯爲神甲寅旬中則丁巳  
爲神之類也役使之法先齋戒然後  
其神至可使致遠方物及知吉凶也

玉搔頭

李固傳五十三

注云西京雜記曰武帝遇李夫人就  
取玉簪搔頭自此宮人搔頭皆用玉

牛黃

延篤傳五十四

注云吳普本草曰牛黃味苦無毒牛  
出入呻者有之夜有光走角中牛死  
入膽中如雞子黃神農本草曰療驚  
癇除邪逐鬼

五嶺

吳祐傳

注云嶺者西自衡山之南東至于海  
一山之限耳別標名則有五焉裴氏  
廣川記云大庾始安臨賀桂陽揭陽

是爲五嶺鄧德明南康記曰大庾一也桂陽甲騎二也九真都龐三也臨賀萌主四也始安越城五也裴氏之說則爲審矣

壽藏

趙岐傳

趙岐先自爲壽藏

注云壽藏謂塚壙也稱壽者取其久遠之意也猶如壽宮壽器之類

金蠶

永嘉末發齊桓公墓得水銀池金蠶數十箔

五溪

馬援傳十四

注云酈元注水經云武陵有五溪謂雄溪楠溪酉溪瀟溪辰溪悉是蠻夷所居故謂五溪蠻皆槃瓠子孫也土俗雄作熊楠作朗瀟作武在今辰州

界

投劾

周燮等傳序四十三

太原閔仲叔世稱節士建武中應司徒侯霸之辟既至霸不及政事徒勞苦而已仲叔恨曰以仲叔爲不足問邪不當辟也辟而不問是失人也遂辭出投劾而去

注云案罪曰劾自投其劾狀而去也

投猶下也今有投辭投牒之言

精廬

姜肱傳四十二

姜肱與弟季江謁郡夜於道遇盜欲殺之肱兄弟更相爭死遂兩釋焉但掠奪衣資而已既至郡中終不言盜盜聞而感悔後乃就精廬來見徵君謝罪

注云諸公嘗爭加辟命肱皆不就故曰徵君精廬即精舍也

水排

杜詩傳二十一

杜詩爲南陽太守造作水排鑄爲農器  
百姓便之

注云排蒲拜反冶鑄者爲排以吹炭  
今激水以鼓之排當作囊古字通用  
也

捲握

張堪傳

捲握之物足富十世

注云捲握猶掌握謂珠玉之類

鳧藻

杜詩傳

士卒鳧藻

注云言其和睦歡悅如鳧之戲於水  
藻

方舟

班固傳三十一上

方舟並騫

注云方舟並兩舟也

雨師風伯

班固傳三十下

東都賦雨師汎灑風伯清塵

注云雨師畢星也風伯箕星也

龍門

李膺傳五十七

注云二秦記曰河津一名龍門水險

不通魚鼈之屬莫能上江海大魚薄

集龍門下數千不得上上則爲龍也

巫覡之言

張衡傳四十九

注云前書曰齊肅聰明者神或降之  
在男曰覡在女曰巫覡胡歷反

銀臺

張衡傳

聘王母於銀臺

注云銀臺仙人所居也

曾城

張衡傳

張衡賦云登閼風之曾城兮

注云閼風山名在崑崙山上淮南子

曰崑崙山有曾城九重高萬一千里

尺牘

蔡邕傳五十下

注云說文曰牘書板也長一尺

獄犴填滿

崔駰傳四十二

注云犴音岸前書音義曰鄉亭之獄

曰犴

容車

祭遵傳十

祭遵薨贈以將軍侯印綬朱輪容車介

士軍陳送葬

注云容車容飾之車象生時也

交河

耿恭傳九

發兵擊車師攻交河城

注曰前書曰車師前王居交河城河水分流繞城下故號交河去長安八千一百五十里故城在今西州交河縣也



翡翠

班固傳三十上

注云異物志曰翠鳥形似鸞赤而雄曰翡青而雌曰翠其羽可以爲飾

丙穴

公孫述傳三

蜀有魚鹽之利

注云丙穴出嘉魚在漢中

三泉

素紹傳六十四上

無令愚臣結恨三泉

注云三者數之小終言深也前書曰

下錮三泉

折角巾

郭太傳五十八

郭太身長八尺褒衣博帶嘗於陳梁間行遇雨中一角墊時人乃故折巾一角以爲林宗巾其見慕皆如此

注云墊丁念反巾以葛爲之形如帽口洽反本居士野人所服魏武造帽

其中乃廢今國子學生服焉以白紗爲之

邊幅

公孫述傳論三

馬援傳

公孫述不能因隙立功以會時變方乃坐飾邊幅以高深自安

注云邊幅猶有邊緣以自矜持

脩飾邊幅

注云若布帛脩整其邊幅也左傳曰

如布帛之有幅焉爲之度使無遷

蔡侯紙

蔡倫傳六十八

自古書契多編以竹簡其用縑帛者謂之紙縑貴而簡重並不便於人尚方令蔡倫乃造意用樹膚麻頭及敝布魚網以爲紙奏上之帝善其能故天下咸稱蔡侯紙

注云湘州記曰來陽縣北有漢黃門

蔡倫宅宅西有石白云是倫舂紙白也

突騎

光武紀更始二年

耿况彭寵各遣其將吳漢寇恂等將突騎來助擊王郎

注云突騎言能衝突軍陣

三輔

上

光武紀更始元年 前漢百官表七

注云謂京兆左馮翊右扶風共在長

安中分領諸縣

前書百官表曰內史周官秦因之掌治京師景帝二年分置左內史右內史武帝太初元年更名京兆尹左內史更名左馮翊又更名主爵都尉爲右扶風治內史右地與左馮翊京兆尹是爲三輔服虔云皆治在長安城中

門下掾

公孫述傳三

公孫述補清水長時父仁爲河南都尉  
以述年少遣門下掾隨之官

注云州郡有掾皆自辟除之常居門  
下故以爲號

錚錚

劉盆子傳一

樊崇將劉盆子及丞相徐宣已下三十  
餘人肉袒降光武光武謂徐宣樊崇等  
曰卿所謂鐵中錚錚傭中佼佼者也

注云說文曰錚錚金也鐵之錚錚言  
微有剛利也錚初耕反佼佼古巧反佼  
好貌也佼佼者凡庸之人稍爲勝也

爛羊頭

劉玄傳一

更始起兵稱天子其所授官爵者皆羣  
小賈豎或有膳夫庖人長安爲之語曰  
竈下養中郎將爛羊胃都騎尉爛羊頭  
關內侯

注云公羊傳曰炊烹爲養

綠林

劉玄傳

王莽末南方饑饉人庶羣入野澤掘鳧  
此而食之更相侵奪新市人王卮王鳳  
爲平理諍訟遂推爲渠帥於是諸亡命  
馬武王常成丹等往從之藏於綠林中  
數月間至七八千人後至五萬人州郡  
不能制於是劉聖公光武皆起兵焉

注云綠林山在今荊州當陽縣東北

黃巾

皇甫嵩六十

鉅鹿張角自稱大賢良師奉事黃老道  
畜養弟子符水呪說以療病病者頗愈  
百姓信向之角因遣弟子八人使於四  
方教化天下轉相誑惑十餘年間徒衆  
數十萬置三十六方方猶將軍號也大  
方萬餘人小方六七千各立渠帥訛言

蒼天已死黃天當立弟子唐周上書告  
之靈帝使案驗官省直衛及百姓有事  
角道者誅殺千餘人角等知事已露晨  
夜馳勅諸方一時俱起皆著黃巾爲標  
幟時人謂之黃巾亦名蛾賊殺人以祠  
天角稱天公將軍天下響應帝乃發天  
下精兵以皇甫嵩爲左中郎將朱雋爲  
中郎將各統一軍討平之

注云蛾魚綺反即蟻字也諭賊衆多  
故以爲名

赤眉

劉盆子傳一

琅邪人樊崇起兵於莒一歲間至萬餘  
人時青徐大饑寇賊蜂起群盜以崇勇  
猛皆附之王莽遣廉丹王卞擊之崇等  
欲戰恐其衆與莽兵亂乃皆朱其眉以  
相識別由是號曰赤眉赤眉遂大破丹

斥軍更始都洛陽遣使降崇崇等聞漢  
室復興即留其兵自將渠帥二十餘人  
隨使者至洛陽更始皆封爲列侯復亡  
歸其營分兵爲二部攻拔城邑衆遂大  
集立劉盆子爲帝其後奉傳國璽降光  
武

錢塘

朱雋傳六十一

注云錢塘今杭州縣也錢塘記云昔

郡議曹華信義立此塘以防海水始  
開幕有能致土石一斛與錢一千旬  
日之間來者雲集塘未成而譎不復  
取皆遂棄土石而去塘以之成也

華陽國志

益州石梁州之域尚書曰華陽黑水惟  
梁州孔安國注曰北拒華山之陽南拒  
黑水故常璩敘蜀事而謂之華陽國志

黑水出張掖雞山南流至燉煌過三危山又南流而入南海

蟬蛻

仲長統傳三十九

仲長統詩曰飛鳥遺跡蟬蛻亡殼騰蛇棄鱗神龍喪角

注云王充論衡曰蟻螬化為復育復育轉為蟬蟬之去復育龜之解甲蛇之脫皮可謂尸解矣爾雅曰騰蛇有

鱗廣雅曰有角曰龍喪角解角也

日記

間祀

肅宗紀三

肅宗即位有司奏言孝明皇帝自稱不德無起寢廟掃地而祭除日記之法省送終之禮遂藏主於光烈皇后更衣別室臣愚以為更衣在中門之外處所殊別宜尊廟曰顯宗其四時禘祫於光武之堂間祀悉還更衣



注云春秋外傳曰日祭月祀時享祖  
禩則日祭高曾則月祀三祧則時享  
今此除日祀之法從時月之祭續漢  
書曰五年再殷祭三年一禘五年一  
禘父爲昭南向子爲穆北向禘以夏  
四月禘以冬十月禘之爲言諦也諦  
審昭穆尊卑之義禘者合也冬十月  
五穀成故骨肉合飲食於祖廟謂之

殷祭四時正祭外有五月嘗麥三伏  
立秋嘗棗盛酎十月嘗稻等謂之間  
祀即各于更衣之殿更衣者非正處  
也園中有寢有便殿寢者陵上正殿  
便殿寢側之別殿即更衣也

騎奴

京師貴戚奢過王制其嫁娶騎奴侍童  
夾轂並引

矢石

堅鐔傳十二

注云石謂發石以投人也墨子曰備城者積石百枚重十鈞以上者

金行之氣

西羌傳

西羌人性堅剛勇猛得西方金行之氣  
焉

注云黃帝素問曰西方者金玉之域其人山居而多風水土剛強

鈐決之符

方術傳序七十二上

注云兵法有玉鈐篇及玄女六韜要決太公對武王曰主將有陰符謂若大勝得敵之符符長一尺破軍擒敵之符符長九寸之類

胎息氣

王真傳七十二下

注云漢武內傳曰王真字叔經上黨人習閉氣而吞之名曰胎息習嗽舌

下泉咽之名曰胎食真行之斷穀二  
百餘年肉色光美力並數人抱朴子  
曰胎息者能以鼻口嗑吸如在胎之  
中嗽音朔

鰓魚

伏隆傳十六

張步據青徐遣使獻鰓魚

注云郭璞注王蒼云鰓似蛤偏著石  
廣志曰鰓無鱗有殼一面附石細孔

雜雜或七或九本草云石決明一名

鰓魚步角反

黃鉞

馮勒傳十六

注云鉞斧也以黃金飾之所以戮人

方底囊

隱害

廣陵思王傳三十二  
漢孝成趙皇后傳

前

廣陵思王荆性刻急隱害光武崩大行  
在前殿荆哭不哀而作飛書封以方底  
令蒼頭詐稱東海王彊舅郭况書與彊

疆得書惶怖即執其使封書上之

注云隱害謂陰害於人也方底囊所以盛書也

前書外戚傳中黃門田客持詔記盛綠綈方底

師古曰綈厚繒也綠其色方底盛書囊若今之筭勝耳

銀璫

朱穆傳三十三

案漢故事中常侍叅選士人建武以後乃悉用宦者自延平以來浸溢貴盛假貂璫之飾處常伯之任天朝政事一更其手

注云璫以金爲之當冠前附以金蟬也漢官儀曰中常侍秦官也漢興或  
用士人銀璫在貂光武以後專任宦  
者右貂金璫常伯侍中也

黥首繫趾

朱穆傳

注云黥首謂鑿額涅墨也繫趾謂鈇其足也以鐵著足曰鈇

五時衣

東平憲王蒼傳三十二

帝饗衛士於南宮因從皇太后周行掖庭池閣乃闕陰太后舊時器服愴然動容乃命留五時衣各一襲餘悉分布諸王王及子孫在京師者

注云五時衣謂春青夏朱季夏黃秋白冬黑也

黨錮

黨錮傳序五十七

桓靈之間國命委於閹寺士子羞與爲伍故匹夫抗憤處士橫議遂乃激揚名聲互相題拂品覈公卿裁量執政初桓帝受學於甘陵周福及帝即位擢福爲尚書時同郡河南尹房植有名當朝鄉

人爲之謠曰天下規矩房伯武因師獲  
印周仲進二家賓客互相譏揣由是甘  
陵有南北部黨人之議自此始矣後汝  
南太守宗資任功曹范滂南陽太守成  
瑁亦委功曹岑晷二郡又爲謠曰汝南  
太守范孟博南陽宗資主畫諾南陽太  
守岑公孝弘農成瑁但坐嘯因此流言  
轉入太學諸生二萬餘人郭林宗賈傳

節爲其冠並與李膺陳蕃王暢更相褒  
重學中語曰天下楷模李元禮不畏強  
禦陳仲舉天下俊秀王叔茂河內張成  
善說風角推占當赦遂教子殺人李膺  
爲河南尹督促收摘旣而逢宥獲免膺  
竟按殺之成弟子牢脩因上書誣告膺  
等養太學遊士交結諸郡生徒共爲部  
黨誹訕朝廷於是天子震怒班下郡國

逮捕黨人遂收執膺等其辭所連陳寔  
之徒二百餘人或有逃遁皆懸金構募  
使者四出相望於道明年竇武等並表  
請帝意稍解乃皆赦歸田里禁錮終身  
而黨人之名猶書王府自是正直廢放  
邪枉熾結海內希風之流遂共相標榜  
指天下名士爲之稱號有三君八俊八  
顧八及八厨之號張儉鄉人朱並承望

中常侍侯覽意旨上書告儉與同鄉二  
十四人別相署號共爲部黨圖危社稷  
而儉爲之魁大長秋曹節因此諷有司  
奏部前黨收司空虞放少府李膺太尉  
掾范滂等百餘人皆死獄中自此諸爲  
怨隙因相陷害又州郡承旨或有未嘗  
交關亦離禍毒其死徙者廢禁者六七  
百人及黃巾賊起乃大赦黨人皆歸故

郡凡黨事始自甘陵汝南成於李膺張  
儉海內塗炭二十餘年諸所蔓衍皆天  
下善士

注云標榜猶相稱揚也榜與勝同

風爲號令

張奐傳五十五  
下又注

蔡邕傳五十

建寧二年大風雨雹霹靂拔樹詔育寮  
言災應張奐曰風爲號令動物通氣順  
至爲休徵逆來爲殃咎

注云凡風者天之號令所以譴告人  
君者也

明衣

范甯傳七十一

注云禮送死者衣曰明衣器曰明器  
鄭玄注云明者神明之也此言明堂  
亦神明之堂謂壝中也

杠費長房傳七十二下

壺公樓下有少酒長房使十人杠之猶



不舉

注云說文曰兩人對舉為枉音江

五經博士 一家之學

章帝紀

建初四年詔建立五經為置博士其後學者精進雖曰承師亦別名家宣帝遂立大小夏侯尚書後立京氏易至建武中復置顏氏嚴氏春秋大小戴禮博士注云言雖承一師之業其後觸類

長更為章句則別為一家之學矣大小夏侯謂夏侯勝勝從兄子建也京氏京房也嚴氏謂嚴彭祖顏氏謂顏安樂也大小戴戴德戴聖也

白虎觀

石渠

肅宗紀建初四年前漢施讐傳五十八前漢儒林傳五十八

肅宗詔下太常將大夫博士議郎郎官及諸生諸儒會白虎觀講議五經同異使五官中郎將魏應承制問侍中淳于

恭奏帝親稱制臨決如孝宣甘露石渠  
故事作白虎議奏

注云白虎議奏今白虎通也前嘗甘  
露二年詔諸儒講五經同異蕭望之  
等平奏其議上親稱制臨決焉乃立  
梁丘易小大夏侯尚書穀梁春秋博  
士

施讎爲博士甘露中與五經諸儒雜論

同異於石渠閣

師古曰三輔故事云石渠閣在未央  
殿北以藏祕書也

前漢儒林傳贊云自武帝立五經博士  
開弟子員設科射策勸以官祿百有餘  
年傳業者寔盛一經說至百餘萬言大  
師衆至千餘人蓋祿利之路然初書唯  
有歐陽禮后易揚春秋公羊而已至孝

宣元帝時又廣諸家矣平帝時又立左  
氏春秋毛詩逸禮古文尚書

墓祭

顯宗紀

永平元年春正月帝率公卿已下朝於  
原陵如元會儀

注云漢官儀曰古不墓祭秦始皇起  
寢於墓側漢因而不改諸陵寢皆以  
晦望二十四氣三伏社臘及四時上

飯其親陵所宮人隨鼓漏理被枕具  
盥水陳莊具天子以正月上原陵公  
卿百官及諸侯王郡國計吏皆當軒  
下占其郡國穀價四方改易欲先帝  
魂魄聞之也

專門

儒林傳贊六十九下

質帝紀

儒林傳云塗分流別專門並興  
注云說經者各自是其一家

本初元年令郡國舉明經各令隨家法  
注云儒生爲詩者謂之詩家禮者謂  
之禮家故言各隨家法也

兩漢博聞卷第十終



兩漢博聞卷第十一

後漢

封禪

使君

太史公

巴蜀

使匈奴中郎將

擁節

都護

修黌宇

博士十四家

家法

石經

滕囊

樓櫓

三家詩

西域南山

匈奴龍祠


醞酒

羯胡

幅巾

馬當匈

舍元包一



秘經

踟躕

緋裘

請讞

君子不死之國

德星

不三宿桑下 佛陀

嗇狎養和

季母

青門

毘毘

竒幻

流沙

海大秦國蘇合香

魂歸岱天孫

貂鼯

較祀

秦海

文犀

藁葬

幅裂

虹蜺

投蜺

配袂

投暮

選懦之恩

聚落

玉門關

小杜律

管穴

宿麥

命天

大行

青部

拘儒

置之度外

解構

抵掌

糗糒

坏冶

刻玉版

銘功鼎

勒景襄之鍾

欽頤

髻鬢

恭館

遂古

茹薇

診脉

賈胡

鼓下戮人

攘袂

錄尚書事

放手

贖刑

投傳

度遼將軍

五原

部將

天人致誅

封事副封

昆侖塞

郎官上應列宿

懷檄

尤無狀者

斗食小吏

方目紗

鉛鑽

汴渠

大酺禁群飲

三老

白馬羗

三韓

太白

初作壽陵

徙函谷關

褒斜

軍假吏山阻用材官

憤

豪傑英俊

司隸

穀皮綃頭

內學

謁太山請命

思遲學士

三屬

葦甲

兩漢博聞卷十一

封禪

光武紀

中元元年幸魯柴望岱宗登封太山禪  
梁父

注云岱宗太山也梁父太山下小山  
也封謂聚土爲壇壇謂除地而祭改  
壇爲禪神之也續漢志曰特上御輦  
升山即位於壇南北面尚書令奉玉



NATIONAL CENTRAL LIBRARY, TAIWAN, R.O.C.



牒檢皇帝以寸三分璽親封之藏玉  
牌已以石覆訖尚書令以五寸印封  
石檢畢皇帝再拜禪祭地于梁陰以  
高后配山川群神從祀焉其玉牒文  
秘刻石文辭多不載

使君

周恂傳六 郭伋傳二十一

寇恂爲上谷太守耿况功曹更始立遣  
使者徇郡國恂從况迎使者上印綬使

者納之無還意恂勒兵入見使者就請  
之曰使君建節銜命以臨四方今始至  
上谷而墮大信將復何以號令他郡乎  
遂授况印綬

注云君者尊之稱故曰使君

郭伋爲并州牧行部有童兒騎竹馬迎  
之曰聞使君到喜故來迎

太史公

光武紀中元元年

注云太史史官之長也前書音義曰

太史公武帝置位在丞相之上

巴蜀

光武紀

注云蜀有巴郡故總言之

使匈奴中郎將

擁節光武紀

建武六年匈奴遣使來獻使中郎將報命

注云漢官儀曰使匈奴中郎將擁節

秩比二千石

匈奴傳論曰馳中郎之使

都護

西域傳七十八

武帝時西域內屬有三十六國漢爲置校尉領護之宣帝改曰都護

注云前書云李廣利征討大宛之後屯田渠犁置使者領營護田以供使外國也宣帝時以鄭吉前破車師後

降日遂遂并令護車師以西北道號  
曰都護都護之置始於吉也

脩黌宇

儒林傳序六十九上

注云說文曰黌學也黌與橫同儒林  
傳云遊庠序聚橫塾者蓋布之於邦  
域矣

博士十四家

徐防傳三十四

徐防曰漢以孔聖既遠微旨將絕故開

置大學立博士十有四家設甲乙之科  
以勉勸學者

注云漢官儀曰光武中興恢弘稽古  
易有施孟梁丘賀京房書有歐陽和  
伯夏侯勝建詩有申公轅固韓嬰春  
秋有嚴彭祖顏安樂禮有戴德戴勝  
凡十四博士太常差遣有聰明威重  
一人爲祭酒總領綱紀也前書曰歲

課甲科四十人爲郎中乙科三十人  
爲太子舍人丙科二十人補文學掌  
故

家法

徐防傳

徐防曰伏見太學試博士弟子皆以意  
說不脩家法

注云諸經爲業各自名家

石經

儒林傳序

靈帝詔書諸儒正定五經刊於石碑爲  
古文篆隸三體書法以相參檢樹之學  
門使天下咸取則焉

注云古文謂孔子壁中書篆隸並程  
邈所作也

滕囊

儒林傳序

董卓移都之際典策剖散其縑帛圖書  
大則連爲帷蓋小則制爲滕囊

注云滕亦騰也徒恒反說文曰騰囊也

樓櫓

匈奴傳七十九 公孫瓚傳

造戰車可駕數牛上作樓櫓置於塞上以拒匈奴

注云櫓即樓也釋名曰樓無屋爲櫓樓櫓千里

注云櫓即櫓字說文釋名曰櫓露也

上無覆屋也

三家詩

儒林傳六十九下

前書魯人申公受詩於浮丘伯爲作詁訓是爲魯詩齊人轅固生亦傳詩是爲齊詩燕人韓嬰亦傳詩是爲韓詩三家皆立博士趙人毛萇傳詩是爲毛詩未得立平帝時方立毛詩

西域南山

西域傳七十八

西域東極玉門陽關西至葱嶺其東北  
與匈奴烏孫相接南北有大山中央有  
河其南山東出金城與漢南山屬焉其  
河有兩源

匈奴龍祠

南匈奴傳七十九

注云前書匈奴法歲二月諸長小會  
單于庭祠五月大會龍城祭其先天  
地鬼神八月大會蹠林課校人畜計

蹠音帶

醜酒

臧宮傳八

臧宮陳兵大會擊牛醜酒

注云醜所宜反說文云下酒也詩注  
曰以筭曰醜也

羯胡

吳漢傳論八

戎羯喪其精膳

注云羯本匈奴別部分散居其上黨

武鄉羯室因號羯胡此總謂戎夷耳  
不指於羯也

幅巾

鮑永傳十九  
彪傳十六

趙咨傳二十九

韋

注云幅巾謂不著冠但幅巾束首也  
太尉楊賜辟趙咨使節巾出入請與講  
議

注云以幅巾爲首飾不加冠冕又符  
融傳注云幅巾以一幅爲之

韋著不應州郡之命靈帝就家拜東海  
相詔書逼切不得已解巾之郡

注云巾幅中也既服冠冕故解幅巾

馬當匈

鮑永傳

鮑永諫太守拔佩刀截馬當匈

注云當匈以韋爲之也

舍元包

一 郵暉傳十九

注云前書志曰太極元氣舍三爲一

謂三才未分包而爲一

秘經 蘇竟傳二十上

注云謂幽秘之經即緯書之類也

踟躕

蘇竟傳

皇天所以眷顧踟躕憂漢子孫者也

注云踟躕猶徘徊也

緇裘

楊厚傳二十上

揚厚之祖春卿善圖讖學臨終戒其子

統曰吾緇裘中有先祖所傳秘記爾其脩之

注云緇厚繒也音提

請讞

襄楷傳二十下

注云讞疑也謂罪有疑者讞於廷尉也

君子不死之國

東夷傳七十五

東夷天性柔順易以道御至有君子不



死之國焉

注云山海經曰君子國衣冠帶劔食獸使二文虎在旁去琅邪三萬里山海經又曰不死人在交脛東其爲人黑色壽不死並在東方也

德星

襄楷傳二十下

注云德星歲星也

不三宿桑下 佛陀

襄楷傳

襄楷上疏曰浮屠不三宿桑下不欲久生恩愛精之至也今陛下媼女艷婦極天下之麗

注云浮屠即佛陀也但聲轉耳並謂佛也言浮屠之人寄桑下者不經三宿便即移去示無愛戀之心也

齋神養和

周盤傳二十九

注云齋愛惜也

季母

西域傳

注云季母叔母也

青門

逢萌傳七十三

逢萌解冠挂東都城門

注云漢宮殿名東都門今名青門也

前書音義曰長安東都城北頭第一

門

毳毼

西域傳七十八

天竺國出細布好毳毼

注云毳它闔反毼音登埤蒼曰毛席

也釋名曰施之承大牀前小榻上登

以上牀也

奇幻

西域傳

注云大秦國俗多奇幻口中出火自

縛自解跳十二丸巧妙非常

流沙

傳論七十八

李恂傳四十一

天竺記云西度流沙屢有熱風惡鬼過之必死

注云廣志曰流沙在玉門關外東西數百里有三斷名曰三隴故曰隴沙以西使命不得通也

海大秦國

蘇合香

西域傳

大秦國在海西亦云海西國其人民皆長大正類東國故謂之大秦其國合會

諸香煎其汗以爲蘇合

魂歸岱

天孫

烏桓傳八十

烏桓國言死者神靈歸赤山赤山在遼東西北數千里如中國人死者魂神歸岱山也

注云博物志泰山魂帝歸也主召人魂東方萬物始故知人生命

貂蟬

鮮卑傳八十

鮮卑有貂狍鼯子皮毛柔蟬故天下以爲名裘

注云狍女滑反鼯胡昆反貂鼯並鼠屬狍猴屬也

輓祀

吳祐傳五十四

注云祖道之禮封土爲輓壇也五經要義曰祖道者行祭爲道路祈也周禮太馭掌王王路以祀輓注云輓祀

者封土象山於路側以芻棘栢爲神主祭之以車轆輓而去喻無險難也

秦海

西域傳

敦煌太守張璠上書以爲北虜呼衍王常展轉蒲類秦海之間專制西域共爲寇鈔

注云大秦國在西海西故曰秦海也

蒲類亦國名

文犀

馬援傳十四

注云犀之有文彩者也

藁葬

馬援傳

馬援既卒有上書譖援前所載南方蕙  
茲一車皆明珠文犀帝益怒援妻孥惶  
懼不敢以喪還舊坐買城西數畝地藁  
葬而已

注云藁草也以不歸舊坐時權葬故

稱藁

幅裂

南匈奴傳論七十九

方夏幅裂

注云諸夏如布帛之裂也

虹蜺

楊賜傳四十四

注云爾雅云雙出色鮮盛者爲雄曰

虹闇者爲雌曰蜺

投蜺

楊賜傳

春秋識曰投蜺天下怨海內亂

注云春秋演孔圖曰霓者斗之亂精也失度投霓見宋均注曰投霓投應也

配祔

陳球傳四十六

曹節欲祔葬竇太后而以馮貴人配祔  
注云祔謂新死之主於先死者之廟  
婦祔於其夫

投暮

任光傳十一

注云投至也

選儒之恩

清河孝王傳四十五

注云選儒仁弱慈戀不決之意儒仁  
充反

聚落

聚落化其德

注云小於鄉曰聚廣雅曰落居也

玉門關

班超傳三十七

注云玉門關屬敦煌郡今沙州也在  
敦煌縣西北

小杜律

郭躬傳三十六

注云武帝時廷尉杜周之子延年亦  
明習法律宣帝時爲御史大夫對父

故言小

管宄

陳忠傳三十六

如其管宄妄有譏刺

注云管宄言小也史記扁鵲曰若以

管窺天

宿麥

安帝紀五

注云宿舊也麥必經年而熟故稱宿

命夫

安帝紀

注云命夫者其男子之爲大夫也命  
婦者其大夫之妻也

大行 安帝紀

注云前書音義韋昭云大行者不反之辭也天子崩未有謚故稱大行也

穀梁傳曰大行受大名

青部

臧洪傳四十八

袁紹以臧洪爲青州刺史時群盜颺起而青部殷實

拘儒

左雄等傳論五十二

處士鄙生忘其拘儒拂中衽褐以企旌車之招矣

注云拘儒猶褊狹也

置之度外

公孫述傳三

漢帝釋關隴之憂

注云隗囂居西無東之意故置之度外而不爲憂

解構

隗囂傳三



帝與隗囂書曰自今已後手書相聞勿用人解構之言

注云解構猶間構也

抵掌 隗囂傳

注云說文抵側擊也戰國策曰蘇秦

與李允抵掌而談

糗糒 隗囂傳

注云周禮曰糗熬大豆與米也說文

文云糒乾飯也

坏冶 崔駰傳四十一

坏冶一陶

注云坏土器之未燒者

刻玉版 崔駰傳

策合道從克亂弭衝乃將鏤玄珪冊顯

功

注云珪玉也詩含神霧曰刻之玉版

藏之金匱

銘功鼎 崔駰傳

注云墨子曰昔夏后開冶使飛廉析金於山以鑄鼎於昆吾蔡邕銘論曰呂尚作周太師其功銘於昆吾之鼎也

勒景襄之鍾 崔駰傳

注云國語曰晉魏顆以其身退秦師

欽頤 周燮傳四十三

于輔氏其勳銘于景鍾此兼言襄也

周燮生而欽頤折頰醜狀駭人其母欲棄之其父不聽曰吾聞聖賢多有異貌注云頤頤也欽頤曲頤也說文曰頰鼻莖也折亦曲也欽良冉反欽或作

欽音同

髮鬢 周燮傳

周爨始在髻髻而知廉讓

注云髻髮也禮記曰子生三月之末擇日剪髮爲髻男角女羈否則男左女右髻徒果友

恭館

班固傳三十下

啓恭館之金滕

注云恭肅之館謂廟中也金滕以金緘匱藏符瑞之書於其中也

遂古

班固傳

注云遂古猶遠古

茹薇

申屠蟠傳四十三

昔人之隱巢棲茹薇

注云巢棲猶巢父也薇似藿也

詠脉

郭玉傳七十二下

有老父不知何出常漁釣於涪水因號涪翁見有疾者時下針石輒應時而效

乃著針經詠脉法傳於世

注云詠候也

賈胡

李恂傳四十一

注云賈胡胡之商賈也

鼓下戮人

岑彭傳七

光武叔韓歆置鼓下將斬之

注云中將軍最尊自執旗鼓若置營則立旗以爲軍門并設鼓戮人必於

其下

攘袂

攘袂而正讓

注云袂衣袖也攘袂猶今之言擗臂也

錄尚書事

肅宗紀三

肅宗以侯恁爲太傅牟融爲太尉並錄尚書事

注云武帝初以張子孺領尚書事錄  
尚書事由此始

放手

顯宗紀

權門請託殘吏放手

注云放手謂貪縱爲非也

贖刑

顯宗紀

詔曰方春戒節人以耕桑其赦有司務  
順時氣使無煩擾天下亡命殊死已下

聽得贖論死罪入縑二十四匹右趾至髡  
鉗城旦春十匹完城且春至司寇作三  
匹

注云前書音義曰右趾謂刖其右足  
次刖左足次劓次黥次髡鉗爲城旦  
春城旦者晝日伺寇虜夜暮築長城  
春者婦人犯罪不任軍役之事但令  
春以食徒者完者謂不加髡鉗而築

城也次鬼薪白菜次隸臣妾次作司寇

投傳

陳蕃傳五十六

豫州刺史周景辟陳蕃爲別駕從事蕃以諫爭不合投傳而去

注云投棄也傳謂符也丁戀反

度遼將軍

五原

顯宗紀

永平五年北匈奴寇五原八年初置度

遼將軍屯五原曼柏

注云武帝拜范明友爲度遼將軍至此復置焉以中郎將吳常行度遼將軍曼柏縣在今勝州銀城縣

部將

寇恂傳六

注云部將謂軍部之下小將也

天人致誅

班固傳三十下

往者王莽作逆漢祚中缺天人致誅六

合相滅

注云天人謂天意人事共相誅也

封事

副封

顯宗紀永平八年

詔羣司勉修職事極言無諱於是在位者皆上封事各言得失

注云宣帝始令羣臣得奏封事以知下情封有正有副領尚書者先發副封所言不善屏而不奏後魏相奏去

副封以防擁蔽

昆侖塞

顯宗紀

永平十七年竇固耿秉劉張出敦煌昆侖塞擊破白山虜於蒲類海上

注云昆侖山名因以爲塞在今肅州酒泉縣西南山有昆侖之體故名之周穆王見西王母于此山有石室王母臺

郎官上應列宿顯宗紀

郎官上應列宿出宰百里

注云史記曰太微宮後二十五星郎位也

懷檄

陳寔傳五十二

中常侍侯覽託潁川太守高倫用吏倫  
教署爲文學掾功曹陳寔知非其人懷  
檄請見

注云檄板書謂以高倫之教書之於檄而懷之者懼洩事也

尤無狀者

肅宗紀建初元年朔傳注

前漢東方

詔刺史明加督察尤無狀者

注云無狀謂其罪惡尤大其狀無可寄言故云無狀它皆類此前書館陶公主徒跣頓首謝曰妾無狀

師古曰狀形貌也無狀猶言無顏面



以見人也一曰自言所行醜惡無善狀也

斗食小吏

肅宗紀

注云前書曰百石已下有斗食佐吏之秩言小吏也

方目紗

肅宗紀

詔齊相省冰紈方空縠吹綸絮

注云紈素也冰言色鮮潔如冰釋名

曰縠紗也方空者紗薄如空也或云孔也即今之方目紗也前書齊有三服官故詔齊相罷之

鈔鑽

肅宗紀

元和元年詔曰自往者大獄已來掠考多酷鈔鑽之屬慘苦無極

注云大獄謂楚王英等事也鈔其廉反說文曰鈔鋏也國語曰中刑用鑽

鑿皆謂酷慘其肌膚也

汴渠

顯宗紀

永平十二年遣將作謁者王吳修汴渠自滎陽至于千乘海口

注云汴渠即葭蕩渠也汴自滎陽首受河所謂石門在滎陽山北一里過汴已東積石爲隄亦號金隄成帝陽嘉中所作也

大酺

禁羣飲

顯宗紀永平十五年

令天下大酺五日

注云前書音義曰漢律三人已上無故羣飲罰金四兩今恩詔橫賜得令聚會飲食五日酺布也言天子布恩於天下

三老

顯宗紀

詔賜天下男子爵人一級三老孝悌力

田人三級

注云前書音義曰男子者謂戶內之長也人賜爵者有罪得贖貧者得賣與人三老孝悌力田三者皆鄉官之名三老高帝置孝悌力田高后置所以勸導鄉里助成風化也文帝詔曰孝悌天下之大順也力田爲生之本也三老衆人之師也其以戶口率置

員

白馬羌

光武紀

建武十三年廣漢徼外白馬羌豪率種人內屬

注云廣漢今益州雒縣也羌有百五十四種在廣漢西北者爲白馬羌也

三韓

東夷傳七十五

東夷有三韓一曰馬韓二曰辰韓三曰

弁韓馬韓在西有五十四國其北與樂浪南與倭接辰韓在東十有二國其北與濊貊接弁韓在辰韓之南亦十有二國凡七十八國百濟是其一國焉大者萬餘戶小者數千家各在山海間地方四千餘里

太白 杜篤傳七十

注云太白天之將軍

初作壽陵 光武紀

建武二十六年初作壽陵

注云初作陵未有名故號壽陵蓋取久長之義也漢自文帝以後皆預作陵今循舊制也

徙函谷關 光武紀

注云函谷谷名因谷以名關舊在弘農湖城縣西前書楊僕爲樓船將軍

有功恥居關外武帝乃徙於新安故  
關在今洛州新安縣之東

褒斜

順帝紀

注云褒斜漢中谷名南谷名褒北谷  
名斜首尾七百里

軍假吏

山阻用材官

光武紀

建武七年詔曰今國有衆軍並多精勇  
宜且罷輕車騎士材官樓船士及軍假

吏

注云漢官儀曰高祖命天下郡國選  
能引關蹶張材力武猛者以爲輕車  
騎士材官樓船常以秋後講肄課試  
各有員數平地用車騎山阻用材官  
水泉用樓船軍假吏謂軍中權置吏  
也今悉罷之

憤

光武紀

注云漢官儀曰幘者古之卑賤不冠者之所服也方言曰覆髻謂之幘或謂之承露

豪傑英俊

光武紀

崔駰傳

注云淮南子曰智過百人謂之豪白虎通云賢過萬人曰傑

注云文子曰智過萬人謂之英千人謂之俊

司隸

光武紀

注云前書曰司隸校尉本周官武帝初置持節從中都官徒千二百人督大姦猾後罷其兵察三鋪三河弘農秩比二千石音義云以掌徒隸而巡察故曰司隸

穀皮綃頭

周黨傳七十三

向栩傳七十

周黨被徵不得已乃著短布單衣穀皮

綃頭待見尚書

注云以穀樹皮爲綃頭也服此尚書以待見也

向栩性卓詭不倫恒讀老子狀如學道又似狂生好被髮著絳綃頭

注云說文綃生絲也從系卽聲音消案此字當作幪此消反其字從巾古詩云少年見羅敷脫巾著幪頭鄭玄

注儀禮云如今著幪頭自項中而前交額上却統髻也

內學

方術傳序七十二

自王莽矯用符命反光武尤信讖言自是習爲內學尚竒文貴異數不乏於時矣

注云內學謂圖讖之書也其事祕密故稱內

謁太山請命

許曼傳七十二下

許峻少嘗篤病三年不愈乃謁太山請命

注云太山主人生死故謂請命也

思遲直士

肅宗紀建初五年

詔朕思遲直士側席異聞

注云遲猶希望也持二反側席謂不正坐所以待其賢良也

三屬

肅宗紀元和元年

詔曰往者妖言大獄所及廣遠一人犯罪禁至三屬

注云三屬即三族也謂父族母族妻族

葶甲

肅宗紀

方春生養萬物葶甲

注云葶葉裏白皮也易曰百果甲拆



兩漢傳聞卷第十一



國家圖書館, NATIONAL CENTRAL LIBRARY, TAINAN, R.O.C.

兩漢博聞卷第十二

後漢

物色錯愕

貫行

太白經天

款段馬

試守

麤糲

眩瞀

髻髮

正印文

壺頭山

蒼布

椒風

昭陽殿

泰紫

避第

帷幄


檢押

狙詐

叔末

權

兼金



邪掄

強項

悽悽

壽冢

抵罪

南北庭

前載

調穀

嗇夫

平署

比門

版蕩

九市

山西

門士

大駟

題目

琴操

園邑

綺疎

飛梁

洞戶

偃伯靈臺

亡命

刊章

郵置

隸名

隱几

直指

臘腸

五湖

浩臺

浴驛不絕

優復

麟藉

典員

二祖四宗

釜鬻

平民

伏閑

塏適

柢棧

靈篇

詩細

仞積

廢典

犀舟勁楫

鎧馬

表左

列將

宰府

右職

皂囊

魁頭露紒

躡達

回客

風星

乙夜鷄鳴歌賀冬至

杜宇

九宮

陽月

三家言天

八行

象鑣

五星

懷宮

雲罕

皮軒

豹尾

一時之功

尼首

右姓

白水爲河

天潢

小靳

區種

行春

桑榆

三署郎

端門

貪叨

苞直

黃腸

鄭公鄉

公羊暴守

顛氣

棹卒

露橈

巫蠱

讎校

俛子

兩漢博聞卷第十二

兩漢博聞卷第十二

物色空錯愕寒朗傳三十一

注云物色謂形狀也錯愕猶倉卒也  
錯七故反愕五故反

貫行東平憲王蒼傳三十二 前漢谷永

光武營建陵地詔曰無爲山陵陂池裁  
令流水而已孝明皇帝大孝無違奉承

貫行

注云貫行謂一皆遵奉也谷永曰一以貫行固執無違

谷永傳云以次貫行固執無違

師古曰貫聯續也謂永所陳衆條諸事宜次第相續行之不當更違異也

太白經天

廣陵恩王荆傳三十二

太白前出西方至午兵當起

注云洪範五行傳云太白少陰之星

以巳未爲界不得經天而行經天爲不臣今至午是爲經天也

款段馬

馬援傳十四

注云款猶緩也言形段遲緩也

試守

朱勃未二十君扶風請試守渭城宰

注云試守者試守一歲乃爲真食其全俸

麤糲

侯湛傳十六

注云麤糲米也九章筭術曰粟五斗  
糲率三斗一斛粟得六斗米爲糲也

眩瞖

韋彪傳十六

注云眩風疾也瞖亂也謂視不明之  
貌也眩音縣瞖七遘反

髻髮

伏湛傳十六

髻髮厲志白首不衰

注云埤蒼曰髻髦也髻髮謂童子垂  
髮

正印文

馬援傳十四

注云東觀記曰馬援上書臣所假伏  
波將軍印書伏字大外嚮城臯令印  
臯字爲白下羊丞印四下羊尉印白  
下人人下羊即一縣長吏印文不同  
恐天下不正者多符印所以爲信也

所宜齊同薦曉古文字者事下大司空正郡國印章奏可

頭山 馬援傳

注云頭山山名也在今辰州流陵東武陵記曰此山頭與東海方壺山相似神仙多所游集因名壺頭山也山邊有石窟即馬援所穿室以避炎氣也室內有蛇如百斛船大云是援之

餘靈也

荅布 馬援傳

公孫述爲馬援制都布單衣

注云東觀記曰都作荅前書音義曰荅布白疊布也

椒風 班固傳三十上 前漢董賢傳附

注云栢譚新論曰董賢女弟爲昭儀居舍號曰椒風



召賢女弟爲昭儀位次皇后更名其舍  
爲椒風以配椒房

師古曰皇后殿稱椒房欲配其名故  
云椒風

昭陽殿

班固傳

注云昭陽殿成帝趙昭儀所居也

泰紫

班固傳

西都賦云放泰紫之圓方

注云放象也泰紫謂泰微紫宮也劉  
向七略曰明堂之制內有太室象紫  
宮南出明堂象太微春秋合誠圖曰  
太微其星十二四方史記天官書曰  
環之斥衛十二星藩臣皆曰紫宮是  
太微方而紫宮圓也

避第

皇甫規傳五十五

皇甫規自以連在大位欲退身避第

注云言欲歸第避仕宦之塗也

帷幄

注云在旁曰帷在上曰幄

檢柙

仲長統傳三十九

中世之選三公也務於清慤謹慎循常習故者是婦女之檢柙鄉曲之常人耳惡足以居斯位邪

注云檢柙猶規矩

狙詐

黨錮傳序五十七

霸德既衰狙詐萌起

注云霸德衰謂六國時也狙七余反廣雅曰狙彌猴也以其多詐故比之也

叔末

黨錮傳序

叔末澆訛王道陵缺

注云叔末猶季世也

權崔寔傳四十二

設 聖人執權遭時定制步驟之差各有云

注云權謂變也遭遇其時而定法制  
不循於舊也

兼金

張衡傳四十九

注云兼金價倍於惡者故曰兼金

邪榆

王霸傳十

王郎起光武在薊郎移檄購光武光武  
令王霸至市中募人將以擊郎市人皆  
大笑舉手邪榆之

注云說文曰歔歔手相笑歔弋支反

廠音踰或音由此云邪榆語輕重不

同

強項

楊震傳四十四

注云強項言不低屈也

悽悽

楊賜傳四十四

不盡其悽悽之心

注云悽悽猶勤勤也悽力侯反

壽冢

侯覽傳六十八

注云生而自爲冢爲壽冢

抵罪

南匈奴傳六十八

中郎將張脩與單于不相睦脩擅斬之  
更立右賢王羗渠爲單于以不先請

命而擅誅殺檻車徵詣廷尉抵罪

注云抵至也殺人者死張脩擅斬單于故至其罪又前漢吾丘壽王傳抵法禁師古曰抵觸也

南北庭

南匈奴傳論

世祖以用事諸華未遑沙塞之外及關東稍定隴蜀已清其猛夫扞將爭言衛霍之事帝方厭兵間脩文政未之許也

其後匈奴爭立日逐來奔願脩呼韓之  
好以禦北狄之衝奉蕃稱臣乃詔有司  
開北鄙擇肥美之地以處之馳中郎之  
使加璽紱之綬正單于之名於是匈奴  
分破始有南北二庭焉

前載

南匈奴傳論

永言前載何恨憤之深乎

注云載事也

調穀

蓋勳傳四十八

蓋勳爲漢陽太守調穀以廩飢人

注云調猶發也

嗇夫

城陽恭王傳四

百官志二十八

光武十八年立考侯康侯廟北園陵置  
嗇夫

注云嗇夫本鄉官主知賦役多少平  
其差品園陵置之知祭祀徵求諸事

注云風俗通曰嗇者省也夫賦也言消息百姓均其役賦

平署

李膺傳五十七

李膺等遭黨事當考實案經三府太尉陳蕃卻之曰今所考案皆海內人譽憂國忠公之臣此等猶將十世宥也豈有罪名不章而致收掠者乎不肯平署注云平署猶連署

比門

夏馥傳五十七

夏馥行質直同縣高氏蔡氏並皆富植郡人畏而事之唯馥比門不與交通

注云比門猶並門也

版蕩

董卓傳論六十二

版蕩之篇於焉而極

注云詩曰上帝版版下民卒瘁注云版反也瘁病也言厲王爲政反先王

之道民盡病也又蕩之什曰蕩蕩上帝下民之辟注云蕩蕩法度廢壞之貌也

九市

班固傳三十上

注云長安九市其六在道西二在道東

山西

鄭興傳二十六

注云山西謂陝山已西也

門士

郭太傳五十八

庾乘少給事縣庭爲門士

注云門士即門卒也

太駟

郭太傳

段干木晉國之太駟

注云說文曰駟儈也謂合兩家之賣買如今之度市也駟子朗反

題目

許劭傳五十八

許劭少峻名節好人倫多所賞識曹操  
微時嘗卑辭厚禮求為已目劭鄙其人  
而不對操乃伺隙脅劭劭不得已曰君  
清平之姦賊亂世之英雄操大悅而去  
注云已目者令品藻為題目

琴操

曹褒傳二十五

注云操猶曲也劉向別錄曰君子因  
雅琴之適故從容以致思焉其道閑

塞悲愁而作者各其曲曰操言遇災  
害不失其操也紂為象筋箕子諫不  
聽乃佯狂為奴隱而鼓琴以自悲故  
傳之曰箕子操

園邑

梁竦傳二十四

注云文帝即位追尊薄太后父為靈  
文侯會稽郡置園邑三百家

綺踈

梁冀傳二十四



窓牖皆綺踈青瑣

注云牖小窓也綺踈謂鏤爲綺文青瑣謂刻爲瑣文而以青飾之也

飛梁

梁漢傳

注云架虛爲橋若飛也

洞戶

梁冀傳

連房洞戶

注云洞通也謂相當也

偃伯靈臺

馬融傳五十一止

注云司馬法曰古者武軍三年不興則凱樂凱歌偃伯靈臺答人之勞告不興也偃休也伯師節也靈臺望氣之臺也

亡命

王常傳五

王常舞陽人也王莽末爲弟執仇亡命

江夏

注云命者名也言背其名籍而逃亡也

刑章孔融傳六十

山陽張儉爲中常侍侯覽所怨覽爲刑章下州郡以名捕儉

注云刑削也謂削去告人姓名

郵置

郭太傳五十八

注云說文曰郵境上傳書舍也廣雅

曰郵驛也置亦驛也風俗通曰漢改郵爲置置者度其遠近之間置之也

隸名

孔融傳

孔融爲將作大匠遷少府每朝會訪對融輒引正定議公卿大夫皆隸名而已

注云說文云隸附著

隱几

孔融傳

注云隱憑也

直指孔融傳

孔融曰馬日磾以上公之尊秉髦節之使銜命直指寧輯東夏

注云直指無屈撓也前書有繡衣直指輯和也

臘賜

何敞傳三十三

何敞曰臘賜自郎官以上公卿王侯以下至於空竭帑藏損耗國資

注云臘賜大將軍三公錢各二十萬牛肉二百斤粳米二百斛特進侯十五萬卿十萬校尉五萬尚書三萬侍中將大夫各二萬千石六百石各七千虎賁羽林郎二人共三千以爲祀門戶直

五湖

馮衍傳十八下

注云越絕書曰太湖周二萬六千頃

虞翻云太湖有五道故謂之五湖隔湖洮湖射湖貴湖及太湖爲五湖並太湖之小支俱連太湖故太湖兼得五湖之名在今湖州東也

浩亶

馬援傳十四

注云浩亶音告門縣名屬金城郡浩水名也亶者水流夾山間兩岸深若門也詩曰鳧鷖在亶亦其義也今俗

呼此水爲閤門河蓋疾言之耳

駱驛不絕

郭伋傳二十一

注云駱驛連續也

優復

杜詩傳二十一

杜詩上疏曰今若使公卿郡守出於軍壘則將帥自厲士卒之復比於宿衛則戎士自百

注云復謂優寬也音福續漢志曰羽

林郎秩比三百石掌侍從宿衛言士

卒得比於郎則人百其勇

麟藉

廉范傳二十一

虜自相麟藉死者千餘人

注云麟轆也藉相蹈藉也

典負

樊儵傳二十二

河南縣亡失官錢典負者坐死

注云典謂主典負謂欠負

二祖四宗

肅宗紀元和二年

詔祠二祖四宗

注云二祖謂高祖世祖四宗謂文帝  
爲太宗武帝爲世宗宣帝爲中宗明  
帝爲顯宗

金鬻

和帝紀永元五年

注云鬻音尋方言曰甌自關而東謂  
之鬻

平民 殤帝紀

貪苛慘毒延及平民

注云平民謂善人也書曰延于平人

伏閉 和帝紀

永元六年六月巳酉初令伏閉盡日

注云漢官舊儀曰伏日萬鬼行故盡

日閉不干他事

塏道 班固傳三十一上

西都賦云彌明光而絙長樂陵塏道而

超西墉

注云塏道陞級也

孤棧 班固傳

西都賦云上孤棧而棲金雀

注云孤棧殿堂上最高處也孤音孤

棧力登反其上棲金雀

靈篇 班固傳

注云靈篇河洛之書也

苛細

宣秉傳十七

宣秉務舉大綱簡畧苛細

注云說文曰苛細草也以喻煩雜也

仞積

張議傳六十八

宦者傳論

靈帝寵任宦官又於西園造萬金堂引  
司農金錢繒帛仞積其中

注云仞滿也

宦者論曰南金和寶冰紈霧縠之積盈

仞珍藏

廢典

顯宗紀

注云廢典謂明堂辟雍之禮歷漢不

行也

犀舟勁楫

張衡傳四十九

注云前書曰羌戎弓矛之兵器不犀

利音義曰今俗謂刀兵利爲犀犀堅

也

鎧馬

蔡邕傳五十下

幽冀舊壤鎧馬所出

注云鎧甲也周禮考工記曰燕無函函亦甲也言幽燕之地家家皆能爲函故無函匠也左傳云冀之北土馬之所生

表左

蔡邕傳

蔡邕曰謹條宜所施行七事表左

注云表左謂陳之於表左猶今云如左右者

列將

西北列將得無解體

注云列將謂諸將也

宰府

注云宰府謂三公府也



右職蔡邕傳

注云右用事之便謂樞要之官

皂囊

蔡邕傳

注云漢官儀曰凡章表皆啓封其言  
密事得皂囊也

魁頭露紒

東夷傳七十五

馬韓人大率皆魁頭露紒

注云魁頭猶科頭也謂以髮繫繞成

科結也紒音計

闊達

馬武傳十二

馬武爲人嗜酒闊達敢言

注云闊達大度也敢言果敢於事無  
所隱也

回容

馬武傳

光武雖制銜功臣而每能回容宥其小  
失

注云回曲也曲法以容也

風星

任文公傳七十二

任文孫明曉天官風星秘要

乙夜

鷄鳴歌

百官志二十六

注云凡中宮漏夜盡鼓鳴則起晝盡  
鍾鳴則息衛士甲乙檄相傳甲夜畢  
傳乙夜相傳盡五更衛士傳言五更  
未明三刻後鷄鳴衛士踵丞郎趨嚴

上臺不畜宮中鷄汝南出鷄鳴衛士  
候朱爵門外專傳鷄鳴於宮中應劭  
曰楚歌今鷄鳴歌也晉太康地道記  
曰後漢固始鮦陽公安細陽四縣衛  
士習此曲於闕下歌之今鷄鳴是也

賀冬至

禮儀志五

注云冬至陽氣起君道長故賀夏至  
陰氣起君道衰故不賀鼓以動衆鍾

以止衆故夜漏盡鼓鳴則起晝漏盡

鍾鳴則息

杜宇

張衡傳四十九 文選左思賦四  
前漢楊雄傳五十七上

張衡思玄賦云鼈令殪而尸亡兮取蜀  
禪而引世

注云鼈令蜀王名也令音靈殪死也

禪傳位也引長也楊雄蜀王本紀曰  
荆人鼈令死其尸流亡隨江水上至

成都見蜀王杜宇杜宇立以爲相杜

宇號望帝自以德不如鼈令以其國

禪之號開明帝下至五代有開明尚

始去帝號復稱王也

左思蜀都賦云碧化萇弘之血鳥生杜

宇之魄

注云萇弘死於蜀藏其血三年化爲

碧杜宇王蜀號曰望帝宇死化爲子

規鳥

楊雄反騷云徒恐鷦鷯之將鳴兮顧先  
百草爲不芳

師古曰離騷云鷦鷯之先鳴兮使夫  
百草爲不芳雄言終以自沈何惜芳  
草而憂鷦鷯也鷦鷯字也鷦鷯鳥一  
名買銳一名子規一名杜鵑常以立  
夏鳴鳴則衆芳皆歇鷦鷯大系反鷦音

桂鷦字或作鷦亦音題鷦音決銳音  
詭

九宮

張衡傳四十九

張衡以圖緯虛妄非聖人之法乃上疏  
曰臣聞聖人明審律曆以定吉凶重之  
以卜筮雜之以九宮

注云易乾鑿度曰太一取其數以行  
九宮鄭玄注云太一者北辰神名也

下行八卦之宮每四乃還於中央中央者地神之所居故謂之九宮天數大分以陽出以陰入陽起於子陰起於午是以太一下九宮從坎宮始自此而從於坤宮又自此而從於震宮又自此而從於巽宮所以從半也還息於中央之宮既又自此而從於乾宮又自此而從於兌宮又自此而從

於艮宮又自此而從於離宮行則周矣上游息於太一之星而反紫宮行起從坎宮始終於離宮也

陽月

馬馳傳五十

注云爾雅曰十月爲陽孫炎注云純陰用事嫌於無陽故以名云

三家言天

張衡傳

張衡遷太史令遂乃研覈陰陽妙盡璇

璣之政作渾天儀著靈憲筭罔論言甚  
詳明

注云漢名臣奏曰蔡邕曰言天體者  
有三家一曰周髀二曰宣夜三曰渾  
天宣夜之學絕無師法周髀術數具  
存考驗天狀多所違失故史官不用  
唯渾天者近得其情今史官所用候  
臺鋼儀則其法也靈憲序曰昔在先

王將步天路用定靈軌尋緒本元先  
準之于渾儀體是爲正儀故靈憲作  
輿衡集無筭罔論蓋網絡天地而筭  
之因名焉

八行

竇章傳十五

注云馬融與竇章書曰子孟陵奴來賜  
書見手迹歡喜可量書雖兩紙紙八  
行行七字

象鑣輿服志三十九

注云爾雅注曰鑣馬勒旁鐵也皆用象牙乘輿有之

五星

蘇竟傳二十上

注云五星謂東方歲星南方熒惑西方太白北方辰星中央鎮星

懷宮

耿純傳十一

注云懷宮河內縣名有離宮焉

雲罕

輿服志上二十九

法駕前驅有九旂雲罕

注云徐廣曰旂車有九乘前史不記形也武王克紂百夫荷罕旗以先驅東京賦曰雲罕九旂薛綜曰旌旗名

皮軒

輿服志上

注云胡廣曰皮軒以虎皮爲軒郭璞曰皮軒革車或曰即曲禮前有士師

則載虎皮

豹尾

輿服志上

大駕法駕最後一車懸豹尾豹尾以前比省中

注云薛綜曰豹尾侍御史載之小學漢官篇曰豹尾過後罷屯解圍胡廣曰施於道路豹尾之內爲省中故須過後屯圍乃得解皆所以戒不虞也

淮南子曰軍正執豹皮所以制正其衆禮記前載虎皮亦此之類

一時之功

吳漢傳八

吳漢說彭寵曰漁陽上谷突騎天下所聞也君何不合二郡精銳附劉公擊邯鄲此一時之功也

注云一時言不可再遇也

尼首

高獲傳七十二



高獲爲人尼首方面

注云尼首首象尼丘山中下四方高也

右姓郭伋傳二十一

強宗右姓

注云右姓猶高姓也

白水爲河張衡傳四十九

注云河圖曰崑山出五色流水其白

水東南流入中國名爲河也

天潢張衡傳

思玄賦云乘天潢之汎汎兮浮雲漢之湯湯

注云史記曰王良旁有八星絕漢曰天潢雲漢曰天河也

小靳崔寔傳四十二

靈帝時開鴻都門榜賣官爵是時段類

等有功勤名譽然皆先輸貨財而後登  
公位崔烈時因傳母入錢五百萬得爲  
司徒及拜曰天子臨軒百僚畢會帝顧  
謂親倖曰悔不小靳可至千萬

注云靳固惜之也靳或作僞說文曰  
僞引爲價也一建反

區種

劉般傳二十九

顯宗時以郡國牛疫通使區種增耕

注云汜勝之書曰上農區田法方深  
各六寸間相去七寸一畝三千七百  
區丁男女種十畝至秋收區三升粟  
畝得百斛中農區田法方七寸深六  
寸間相去二尺一畝千二十七區丁  
男女種十畝秋收粟畝得五十一石  
下農區田法方九寸深六寸間相去  
三尺秋收畝得二十八石旱即以水

沃之

行春

崔駰傳四十二

強起班春

注云郡國常以春行縣勸人農桑振救乏絕班布春令也

桑榆

孟嘗傳六十六

年歲有訖桑榆行盡

注云謂日將夕在桑榆間言晚暮也

三署郎

漢官左右中郎將皆秦官也比二千石三署郎皆屬焉三署謂五官署左右署也

端門

襄楷傳二十下

前漢李尋傳

襄楷曰去歲五月熒惑入太微犯帝坐出端門不軌常道今年歲星久守太微逆行西至掖門還切執法

注云天官書曰太微南四星中爲端門軌猶依也又曰端門左右星爲掖門太微南四星爲執法切謂迫近也前漢書注云端門太微正南門

貪叨

注云方言曰叨殘也

苞苴

第五種傳三十一

楊賜傳四十四

在鄉曲無苞苴之嫌步朝堂無擇言之

闕

注云苞苴饋遺也

楊賜上封事曰夫女謁行則讒夫昌讒夫昌則苞苴通

黃腸

梁商傳二十四

大將軍梁商薨帝賜以東園朱壽之器銀鏤黃腸玉匣什物二十八種

注云壽器棺也以朱飾之以銀鏤之

前書音義曰以栢木黃心爲櫛曰黃  
腸也

鄭公鄉

鄭玄傳二十五

孔融告高密縣爲鄭玄特立一鄉曰昔  
齊置士鄉越有君子軍皆異賢之意鄭  
君好學實懷明德昔太史公廷尉吳公  
謁者僕射鄧公皆漢之名臣又南山四  
皓有東園公夏黃公潛光隱耀世嘉其

高皆悉稱公然則公者仁德之正號不  
必三事大夫也今鄭君鄉宜曰鄭公鄉  
注云管仲相桓公制國爲二十一鄉  
工商鄉六士鄉十五以居工商士也  
吳越相攻越王勾踐乃中分其師爲  
左右軍以其私卒君子六千人爲中  
軍注云君子王所親近有志行者事  
並見國語

公羊墨守

鄭玄傳

任城何休好公羊學遂著公羊墨守左氏膏肓穀梁廢疾鄭玄乃發墨守鍼膏肓起廢疾休見而歎曰康成入吾室操吾矛以伐我乎

注云言公羊義理深遠不可駁難如墨翟之守城也說文云肓隔也心下為膏喻左氏之疾不可為也康成玄

字也

顥氣

班固傳三十下

西都賦云抗仙掌與承露擢雙立之金莖軼埃盭之混濁鮮顥氣之清英

注云說文云顥白貌音皓

棹卒

岑彭傳七

棹卒六萬餘人

注云棹卒持棹行船也

露橈

岑彭傳

露橈數千艘

注云爾雅曰檝謂之橈露橈謂露檝  
在外人在船中

巫蠱

和帝陰皇后傳十

挾巫蠱道

注云巫師爲蠱故曰巫蠱左傳注曰  
蠱惑也

讎校

和熹鄧皇后傳十

東觀讎校傳記

注云讎對也

佞子

和熹鄧皇后傳

太后以陰陽不和軍旅數興詔饗會勿  
設戲作樂減逐疫佞子之半

注云佞子逐疫之人也音振薛綜注  
西京賦云佞之爲言善也善童幼子

也續漢書曰大儺選中黃門子弟年  
十歲以上十二以下百二十人為儵  
子皆赤幘皂製執大靴

兩漢博聞卷第十二終

